


ISSN 0134-4323




The monthly magazine «North Star»

ВОЙВЫВ КОДЗУВ

КОМИ
ЙОЗЛОН
ЖУРНАЛ

12 ' 98



М. Игнатовлөн снимокъяс вылын: Помөсдін гөгөрсә вөр-ва; Помөс-
дінса шөр школаысь вөвлөм велөдысь Иона Васильевич Игнатов
Поликсения Васильевна чойыскөд, И. В. Игнатовлысь Е. С. Гуляевкөд
гижасьөмсö лыддöй журналлөн тайö номерысь.



ВОЙВЫВ КОДЗУВ



БЫД ТӐЛЫССЯ ЛИТЕРАТУРНО-
ХУДОЖЕСТВЕННОЙ
ЖУРНАЛ

12

ДЕКАБРЬ
(ӐШЫМ)

1998

ПЕТӐ 1926 ВОСЯНЬ

■
ЛӐДЗӐНЫ:

КОМИ
ГИЖЫСЬЯСЛӐН
КОТЫР

КОМИ
РЕСПУБЛИКАСА
ПЕЧАТЬ
УПРАВЛЕНИЕ

■
СЫКТЫВКАР

□ □ □

ТАЙӐ НОМЕРЫН:

Иван ТОРОПОВ. ВошӐм гортӐ мунан туйыс.	
Роман-хроника	3
Владимир ТИМИН. Выль кывбурьяс.	40

ВЕЛӐДЧЫСЬЛӐН БИБЛИОТЕКА

Владимир ШИРЯЕВ. Князь ныв. Повесть	45
Алёна ЕЛЬЦОВА. ИнасьтӐм кельӐбьяс. Кывбурьяс	59
Иван БЕЛЫХ. КодӐс мыжавны? Висьт	61

РӐДВУЖ ЛИТЕРАТУРАЯСЫСЬ

Пётр КЛЮЧАГИН. Пичегайса Венера. Новелла	65
Любовь СТАРЦЕВА. "ЧужӐй Ӑгыр дорын..." "Дзирыт лолӐс замок сайӐ..." "Эта дзескыткодъ кытшын..." "Мун чожажык..." "РытӐн тӐлыс увгӐ..." Кывбурьяс	67
Дорис КАРЕВА. "...Здук мысти..." "Ме тӐдлӐ..." Кывбурьяс	69
Михаил ИГНАТОВ. ГижасьӐны важ олӐм туялысьяс.	70

ВӐВЛӐ И ТАДЗИ

Александр ПАНЮКОВ. Пошта ваян лунӐ.	73
--	----

ЧЕЛЯДЬЛЫ

Александр НЕКРАСОВ (Гамса). Кык висьт.	77
"Войвыв кодзув" 1998 воын.	79

□ □ □

СЕВЕРНАЯ ЗВЕЗДА



**Ежемесячный
литературно-художественный
журнал**



Учредители:

СОЮЗ ПИСАТЕЛЕЙ РЕСПУБЛИКИ КОМИ

**УПРАВЛЕНИЕ ПЕЧАТИ
РЕСПУБЛИКИ КОМИ**



РЕДАКЦИОННАЯ КОЛЛЕГИЯ:

Главный редактор

Михаил
ЕЛЬКИН

Альберт
ВАНЕЕВ

Виктор
НАПАЛКОВ

И. о. ответственного
секретаря

Алексей
ОДИНЦОВ

Владимир
ТИМИН



Вошөм гортө мунан туйыс

РОМАН-ХРОНИКА

21

ГРЕЗД КУЗЯ ыдждысь-чеччысь сьөлөмөн восьлалігөн Хохол Йөра Сашлөн вөлі гөгөрвотөм лов кылөмыс: быттьөкө и ачыс сійө тані — Йөра Сашө, но тшөтш быттьөкө и дзоньнассө абу нин ачыс, быттьөкө код төдас кутшөм куө пырөма сійө, торйөн нин сы вөсна тшөтш, мый унаөн оз нин төдны сійөс тані, важ гортас, и ачыс сійө унаөнөс оз төд, томуловсө, налөн чужөмъясыс сөмын нин быттьө мыйкө ру пыр моз казтыштөны сылы коркөя йөз йывсьыс, кодъяскөд сійө зэв нин важөн өтлаын овліс-быдмываліс да уджавліс.

А асьсө сійөс кысь пө и төдны томджыкъясыслы! Өд татшөмнас, өнія кодьнас, некор эз аддзывны найө сійөс. Тшөтш и өти бала серти вөлөм бать-мамсө налысь некор нин эз аддзывны. Сөмын и төдісны пөрысьмысь-киссьысь керканыс серти, мый вөлөмаөсь кутшөмкө йөз вөрса вына Йөра рөдысь. Сэсся пө тай со пазалөма налөн татөні олөмыс...

Бльгөма-визувтөма тай кадыс Сыктыл ва моз! Тшөтш и сылөн, Хохол Йөра Сашлөн вежөрөд да лов вылөд визувтөма...

Төдса паныдасысьяс, сы моз жө пенсия вылын олысьяс, мырдысьөн моз корөны сійөс пыравны на ордө, вина румкаөн казтыштны өтлаын важ олөмъяссө...

Мөдьяс, неуна томджыкъяс, яндысьөмөн лэдзөны синнысө да шуөны, мый дзыкөдз пө гольмим тайө лек-гөгөрвотөм олөмас, медся ичөт көшас воим, лючки удж абу, сьөм абу, немтор вылө весиг вина дозтө ньөбны да кыз колө гөститөдны ылысь воөм дона мортөс...

Хохол Йөра Сашлы быд ордө окога пыравны. Телепит сылы видзөдны и видзөдны төдса, но быттьөкө и төдтөммыштөм нин дона чужөмъяс вылө, быдтор йывсьыс пөттөдзыс сөрнитны, өнджыкасө казтывны өтувъя важсө... Но сылы и оз на көсийысьы "сибдыны" кытчөкө өтилаө, өд сылы колө — гашкө и збыльысь нин медбөръяысь! — дзоньнас босьтны чужан грездсө сьөлөмас и лов вылас...

Уличті ньөжйөнникөн муныштөм бөрын да важмөм, асланыс моз жө быттьө ляпкалыштөм төдса керкаяскөд сьөлөмсянныс видзаасьөм бөрын, сылөн кежсис Берег дорө. Тадзи вөлі водзті шуөны юө Джыдж шор усянін...

Со и муса Сыктылыс югыда лөсталө шонді водзын, воча воө сылы паныд кысянькө асыв-лунадорсянь...

— Видза олан, сө муса Сыктылөй дай Матушкай! Гортса Сыктылөй! Ичөтдырся гажөй тэ менам и шудөй!..

Хохол Йөра Саш, өддзөмөн типиктысь сьөлөма, лэччис вадорө, копыртчис да дзумгис кияссө ыркыд ваө, бурпөт пожъялыштіс, а сэсся тшөтш и мыськис чужөмсө.

Ок, лөсьыд! Век на тай сөдз ваыс Сыктылас!.. Ок эськө, ньылөмыскөд тшөтш кө мыськовтны сьөкыдкөдя нин личкысь олөм вояссө!..

А сэсся сылөн өна нимкодьмөм, но и матө воөм лов вылө виччысьтөт сөдзисны сылы өна кажитчысь кывъяс — "Сыктыв йылысь пөсь кывъяс!" — кодьясөс сійө лыддыліс "Войыв в кодзулысь" да сэсся и велөдліс ылі муясас:

Сьолөмөй вылын кор чөжсьоны дояс,
Динас век чуксалө Сыктыв ю дор —
Сэн быттьө нөйтчоны каляяс-вояс,
Выльысь ме кылышта найöлысь гор.

Кыла, кыз нэмьяс пыр Сыктылөй вайö
Коми йөз олөмысь гажлун и шог.
Оз-ö и кысянькө вөртасыс сайсян
Аслам тшөтш гажöй бөр лок?

Чөла ме сулала гажа кыр йылын,
Шы ни төв норася доналы дыр,
Сёрнисө-сяльгөмсө кывза ме юлысь —
Быттьөкө визувтө сьолөмөй пыр.

Сыктывлөн визулөд кывтлі и катлі,
Төда ме кузяла вомын и көдж,
Пузчужөм кагасын юи век васö —
Сідзкө и вир-сөнөд визувтө тшөтш.

Сьолөмөс небзьөдө быттьө пөсь выйөн,
Шуа ме Сыктывлы тагысь бур кыв:
Помтөг вай тэрмась тэ Эжвалөн сывйө,
Кызди шань зон сывйө — радейтысь ныв!

Муса ю вылө видзөдиг шуалө Хохол Йөра Саш Сыктыв йылысь пөсь кывъяссө и сылы чайтсьө, мый ачыс сийө мөвпыштис найөс, ачыс пыдыртис чужан ю понда гажтөмтчысь сьолөмыс: "Быттьөкө визувтө сьолөмөй пыр..."

Но ёна жö нин и Сыктылыс вежсьөма нэм джыннас! Сөдз ваыс чинөма, тшөтш быттьө пöрысьмөма-косьмөма юыс, лыаөн пöдны пондөма...

А налөн, Сашөяслөн, быдмигөн эстшөм на паськыд и джуджыд вөлі Сыктылыс! Со тані, көдзыдджык ваа Джыдж шор усянінын, налөн вөлі медмуса гажъяланіныс! Бать-мам водз асывсян муналасны видз вылө, и найө, челядыпян, кузь лунтыръясөн оз и вешйивны татысь. Пырöны ваб — петöны ваысь. Лөзөдтөдзыс уяласны, а сэсся шордорса джуджыд да пөсь лыа кырийө пурскысьöны. А коді велалөма нин бурджыка варчыны, Шөрлыаөдз уйыштöны. Ок, нимкодъыс да зачестысь зонкалы, кор сийө медводдзаысь лысьтөдчө варчыны Шөрлыаөдзыс! Да ляс-кысьны сэтчөс сөдз-югыд лыаыс вылө!..

А өд сэні, шоныд-ляпкыд куръякодъясын, тырыс оліс рудов сера гурина. Нидзувтө да вугыршатътө вуджөдан да, сэтшөм нимкодъ найөс кыйны. Сы вöсна мый ставыс тыдалө, син водзад. Кызди матыстчө ыджыд кельöбис, кыз юра гуринаыс — а на ногөн кө, пежгаыс — нидзувгоръя чут вугырыд дінö да и горша тшапнитө. Сөмын удит лэптавны!.. Но дырсө видзны восьсөн тайө черисө оз позь жар луннад, небыд сылөн гөгрөс кынөмыс, өдйө нельсмуно. Сідзкө, колө вөчлыны лыа вылас ва йөртөд да сэні ловйөннас видзыштны кыйөмасө. Сэсся и бөртинас вөлись нин чукөртны да катөдны гортад. Да солыштны. А сэсся мамыд пөжалас черинянь. Либө йөлөн да колькөн пөжас сөй латкаын. Ок, чөскыд! Торйөн нин аслад кыйөмаыд! И ставөн ошкөны тэнö кыйөм-вайөмсьыд!

А өтчыд Джыдж шор уддорынджык, Кореня Канава кыр лөньтасын, Сашөкөд дзик нин дивө лои. Сийө вөлі вöсньыдик нидзув вылө кельчиясөс вугралө. Виччысьтөг кодкө сэтшөм горша тшапнитис вугырсө да трактнитис шатинсө, мый муртса кысыс эз нетшышт. Весиг повзис ичөт зонка, но кызкө-мыйкө тай сяммис жö брынснитны шатиннас. И васыс лыбөдчис муртса ли не ас кузяыс чери! Öдөбыввсьыс кызкө воис кок улөдзыс да и жнөпкысис дзик нин ва дорас, мыніс ичөт вугырсьыс. Да и пондис веглясьны-чеччавны. Но весьөпөрөм зонка кызкө-мыйкө тай слөймис жмуткысьны сы вылө да мый вынсьыс личкыны. И сэк жö ачыс гораа шуалө: "Ой, мамо, сыныс! Ой, мамо, сыныс!" А вына чериыс уліас сідзи и чеччөдлө ичөт кыйсьысьсө!..

А вѳлѳма абу сын, а гундыр кодъ сир. Кыдз-мый сѳмын сійѳ ше-
дѳма ичѳт вугырас! Бѳртинас сѳмын тыдовтчис, мый шедѳм нин кель-
чисѳ тшапнитѳма да ѳдѳбвывсѳыс сѳкод тшѳтш берегѳдзѳыс лѳбовтѳма...

Мый вермас лоны таѳсь нимкодѳыс ичѳт вуграсѳысѳы?! Да и
бать-мамысѳы тшѳтш?..

Ок, Берег Дор! Мыйта нимкодѳыс и гажѳыс йитчѳма сѳкод Хохол
Йѳра Сашлѳн!.. Виччысѳтѳг кѳ зѳрмас ли, мый ли купайтчигѳн либѳ
вуграсигѳн, пырѳны пыж чѳмѳясѳ. Унджык сѳмѳьяислѳн сулалисны
найѳ тани, лѳйсѳм тѳскѳн вевттѳмаѳсь. Пыж сѳни куйлѳ и кулѳмѳяс
ѳшалѳны, вугыршатыѳс и подольникѳяс сѳнѳсь жѳ, нигѳля корсян ку-
ран и кѳбан, и мукѳдтор, мый колѳ вадорын да кодѳс дзик нинѳмла
гортѳдзѳыд кыскавны.

Либѳ кымѳраджык лунѳ галесниктѳ келасны мѳдлапѳлѳ лиасѳны. Эс-
тшѳм кыз, вижоват да чѳскѳыд лиѳс шутѳмвѳывса увѳѳсь пожѳмѳьясын!..
Либѳ рыжик вотасны сѳтысь жѳ. Рытѳьявѳылыс сѳсся мѳс корсѳны
мѳдѳдчасны... Гожся луныс ѳд кузь, бать-мамыд абуѳсь гортад, мыйкѳ
колѳ вѳчны! Быть коланасѳ, налысь индѳмасѳ, эштѳдан, а сѳсся и
нокан-керан мукѳд челядѳпиянкѳд, мый аслѳыд любѳджык. И гожѳмнад
Сыктыл тѳгѳрджык ставѳыс вѳчсѳѳ-керсѳѳ...

Эстшѳм на гажа, уна ваа да уна чериа вѳлѳ Сыктылыс налѳн бѳд-
мигѳн! Мыйта дзоньвидзалун бѳсѳтлѳсны сѳтысь! Мыйта содтѳд сѳян
кѳйлисны!

ѳни на син водзас Хохол Йѳра Сашлѳн, кѳдзи ѳтчѳыд грездкодѳнас
петѳсны Сыктылѳ черисѳ кѳйны. Пѳрнѳй мужичѳйѳс и том йѳз, и че-
лядь. Кѳнкѳ Чукрѳй Лѳыаын лѳсьѳдѳисны ю пасѳтала бона, коз понѳль
тшѳкѳыда сатшѳѳдѳисны сѳтчѳ увлань юрѳн, зу моз, и мѳдѳдчисны пасѳ-
тала кѳвтны. Зѳбѳясѳн бона вѳвсѳянѳ бузѳдчѳны, берег дорѳясѳд пы-
жѳн лѳзчѳны да бурскѳны. ѳтѳвылысь тадзи вѳтлѳны черисѳ горув. А
грездѳвѳѳтса коськѳн, кѳтѳ кельштны позьѳ да ѳтарыс и мѳдарѳыс
алькѳс, юсѳ потшѳма кулѳмѳясѳн. А кор араваѳыс воис татчѳдз, сажень
нѳль-ѳ-вит вылнаѳ ю вѳмѳныс зѳля чѳвтѳсны вѳль кулѳм-потшѳс. Бонаѳс
кежѳдѳисны. И пондѳисны кѳвтны йѳртѳдсѳыс гырысь синма тѳвѳѳн. А
чериѳыс! Сын и ѳдѳ! Сир и ѳкѳш! Кельчи и мык! И весигтѳ ком!..
О, Енмѳй-мездѳысѳѳй, сы мында чери!.. Бѳд кѳйсѳысѳылы вичмѳис нѳбав-
мѳн! Вермытѳма нин олысь пѳрысь пѳль-пѳчлы на тшѳтш юкѳлисны и...

А кѳпыдлуныс ѳтувѳья нѳксѳѳмас-уджас! А гажѳыс югыд шондѳа
луннас! Да шоныд ваа Сыктылын бузѳдчѳмас! И сымда йѳз! Версѳтѳ
и челядь! Посниулов велѳдчѳ гырысьджыкѳясѳы!..

Кѳть зсѳкѳ и, шуам, ѳния синмѳн кѳ вѳр-ва видѳѳм бѳксянѳ дѳнѳ-
явны, кутшѳмакѳ и чорыдджык вѳлѳ татшѳм кѳйсѳѳмыс...

Но вѳлѳ, вѳлѳ йѳзлѳн ѳтувѳья кѳпыдлуныс, сѳлѳн, Хохол Йѳра Саш-
лѳн бѳдмигѳн!

• ѳд со и кутшѳм пызанѳяс лѳсьѳдѳисны Войнаѳдз Май да Октябрь
праздникѳяс дырѳй! Чѳскѳыд сѳян-юанѳн! Бара жѳ ѳтувѳьяѳн! Гырысь
и челядь пѳттѳдзѳныс чѳсмасѳлѳсны. Гырысьѳяслѳ — кода сур, посни-
уловѳы — тагѳя сур. А сѳсся усѳтѳдз йѳкѳтылисны ѳтувѳья кѳтшын...

Грездса йѳзлѳн ѳтувѳья кѳпыдлунон жѳ, мойдын моз, лыблѳс и югыд-
гажа школа. Джѳйдж шор мѳдарын, Сыктывлѳн джуджѳд-гажа кыр
йѳлын, югыд-кыз пожѳм керѳясысь, гырысь ѳшинѳяса. Дивѳ кодъ
школа! И тшуписны-лѳптѳсны сѳйѳс асѳныс жѳ грездса мужикѳяс...

Хохол Йѳра Саш оз нин помнит тайѳ дивѳ керѳмсѳ, но, кѳнкѳ,
мыйта жѳ вѳлѳ сѳки гажѳыс да кѳпыдлуныс! И надеѳяыс, мый тайѳ
гажа школа пырыс налѳн челядѳныс петасны Вѳль югыд Олѳмѳ!

Сизим арѳс тыртѳм бѳрын мунѳс велѳдчыны Сашѳ, кѳть зсѳкѳ и
бѳсѳтѳны вѳлѳ кѳкѳямыссянѳ. Часунѳя дорын вѳлѳ ворсѳны денѳга
вѳсѳтысь, и вѳча воѳыс, Коля, кодѳ велѳдѳлѳс нин школаѳ, пондѳис нуѳд-
чыны: мунам пѳ тшѳтш велѳдчыны, Сашѳ! ѳдѳѳн пѳ гажа школаас!

И ѳд мунѳс каймѳдлѳмаыд! И ѳд бѳсѳтѳсны. Дерт кѳнкѳ, сы понда-
джык, мый бать-мамыс сиктын вѳлины пыдди пуктана йѳзѳн.

А ѳна жѳ, кѳнкѳ, ичѳт вѳлѳ сѳки Хохол Йѳра Саш! Да челядь руа.

Пукало вывлань шөри воссяна парта сайын Сашо, кывзо, мый висьтало чим съод юрсиа учительша Екатерина Алексеевна съод жо пов дорын. Виччысьтог гырысь ошиньсайса пожомьяс выло тивзигтыр пуксис уркай кельоб. Ичотик Сашоос, коди товьяснас ена нин кыйлис дзугйон татшомьяссю, дзикодз весьопортис тайо. И сийо ырсмунис-чечыштит парта сайсьыс да мый вермомсьыс городис:

— Видзодло! Видзодло! Уркайыс мойта! — и чепосийс ошинь дорю, пондис чуньнас индавы.

Коймод классаяс — а отлаын пукалисны отиод да коймод класса велодчысьяс — пондисны гизыны-серавны дзоля морт вылын. А Екатерина Алексеевна матыстчис сы дорю, шылькнитис еджыд юрсиодыс да бор нуодис парта саяс. Да мелиа велодис:

— Оз позы, Сашук, парта сайысь урок дырйи чеччавны. Переменаодз коло чола пукавы.

— Да вед сэтчодз лэбзясны уркайясы! — эз на морччы татшом олодомыс лэбачьясыс коды жо вольной зонкалы. — Он и адзыло, кушом найо мичаось! Горд моросаось! Падвежа крукыла ныраось!

— Мед они ко ог адзылой, — нюмсо кутимоз шуало Екатерина Алексеевна. — Ми корко тэкод товнас ветлам да тэнад велог вылысь бурджыка видзодлам найос. А они мияны коло чола пукалы да помодз кылзыны урок.

"Збыль али мый но тайо ичотик мортыс ме жо вөли?" — шоныда и шензьомон казытыло они тайос ыли муясысь воом, дзормом нин юрсиа да ена нин чуқырасьом чужома Хохол Йора Саш, и кытко весиг борзьо-муткыртчылло пытшкюсыс, да пондыло доршасьны синваис.

А сэсся Сашоы пондис бура сетчыны велодчюмыс, комион и рочон, да товнас весиг козьнавлисны нин премияон — "Доктор Айболит" нигаон. Одыон мича, морта нига!.. Тайо вөли сылон оломын медводдза премия! Сылысь олом-вочомсо мукод йозон медводдза ыджыд доньяло! Уркай одон жо лэбис Сашо сийо луннас бать-мамыс да вокьясыс диню!

А гожомнас школаын вөли пионерлагерь. Горнлон-полянон тутсом да зэлыд барабанлон гораа швачком шы уло посни челядь отвыв ырснитлисны-чеччылисны узянинысь, вочлисны зарядка, отлаын сейисны и быдлаб ветлоддисны стройон. Сидзсо эсько и вель нога да ена шензюдана вөли ставыс, и эз мудзлы тадзисо ноксигон-олигон Сашо, но бара вөр потка моз ас кежысьджык быдмомаылды гажтом пондис лоны гортысь да вольной оломысь. Сылон ертьясыс — адзо од вылисянысь! — Джыдж шор вомын вуграсьоны, кор коло, Шор Лыло варчоны, модалоплын рыжик вотоны, мос корсьоны, пивсянъс дорын войнаысь ворсоны — корьясо ачыс сийо вежджык вөвлө Красноярскон командирон, — а сылы ковмо татони отаро стройон ать-дваон ветлоддыны, вожатойлысь быдтор понда юасыны. Оти кадо узны водны. Оти кадо чеччыны...

Гажтомыс пондис босытны ичот зонкаос. Позьо шуны, веськыда йирны-сейны пондис. Бать-мамсьыс и вокьясьыс сэтшом нин гажтом лой! Оз вермыс сэсся сийо водзо овны лагерын! Голя помодзыс воис!

И кор батыс бара воис видлыны пиуксо, ичот морт сидзи и шашаритчис сы диню: сэсся эн коль меню татчо, батьо! Ме тэкод тшотш муна горто!

И од кызко тай гогорвоис небыд съолома батыс матю воом зонкаос. Эз и коль сэсся лагерас, коть эсько и джын кадыс на сомын вөли олома. А съом мынтома помодзыс выло...

Гашко и лов тырнас мовпалис муса батьоыс, мый по удитлас на зонманойыс стройнас ать-двайоддыны да тодтом йозкод овны-зыртыны. Кытчодз по асьным ловьяось на, мед и отлаын оло-нимкодьясьо динаным...

Быттьо сэки нин кылома-тодома мел батыс, мый водзо вылассо этша нин и кольома налы татшом отвывья шудыс. Морт оломас, гашко и, медыджыд шудыс!

А регыд сэсса сатōка чегъясъсы олōмыс ставсō лōсьōддiс сiдзи, мый сылы, Йōра Сашлы, ковмис со нин пōшти нэм джын чōж зыртчыны-овны йōз муясън. Ылын-ылын гортсянь. Быть тай велав, кōть сэсса кōнi. Олōмыс тай быд ногыс кеслōдлō, и велōдō. Дона батыдлōн вына сой бердō тай он шашаритчы да долыдпырысь он котōрт-пышый сē муса гортад...

А мōд да нельōд классъясън школаын велōдiс ачыс завуч — Егор Димитрōвич. Векни косъныд чужōма, кудриа юрсиа пелькиник том морт на. Сийō вōли батыслōн бур тōдсаōн, ошкылис Сашōос бура велōдчōмсъсыс. Да батыскōд отлаын ышōдiс сийōс ёнджыка лыддысьны.

Кыськō чукōртōмаōсь школаō вель уна нига, комиōн и рочōн, и одазōм вывсъыд Сашō сiдзи и нылшалiс найōс. И ёна нимкодъ лолiс сылы лыддыōмаыс пыр мукōд муясō воыны, дзик мōд кодъ йōзлысь олōмсō тōдмавны, геройаслōн подвигысōн сьōлōм тырнас шензыны. Да сэк жō и кывны, мый бытгъō и ачыд тшōтш кызкō тōлксялыштан.

Егор Димитрōвич весиг индылис медуна лыддысьсыс Сашōос нига велалысьнас, библиотекаръ пыдди, мый ёна жō нимкодъмōдлiс зонкаōс.

А сэсса, кор Сашō велōдчис нин сиктса шōр школаын, а отарō одазъыс Ыджыд Война нырыштiс нин батысō, грездса югыд-гажа велōдчанiн чажмунiс-сотчис. Кōдзыд тōвся войō кодкō камōдiс налы ошиняс да весьōпōрōмōн юōртис та йылысь. Сашō мамыскōд тэрыба пасътасисны да чепōсйисны кōдзыд йиркōдчысь да руа ывлаō. Пемыд грезд весьтын ыпгъялис повзъōдчысь гōрд кыа. И чорыда кылис тшын дук.

Котōрōн воисны Джыдж шор дорō. Танi тырыс нин жуис-вийис йōз! Грездса бабаяс да Сашō кодъ зонкаяс. А верстьōясныс да батысныс налōн ставōн нин дōжнасисны Война вылын. Кодъяскō, сōткигтыр да медмисътōм кывъяснас матъкигтыр, зiлисны лэдзны ва качайтан машина, но сийō некыдзи эз кōсйы уджавны, вемōдзыс ли мый ли кынмōма. А унджыкōныс гумлалисны Джыдж Шорысь кōдзыдысла кыза руасысь васō да, чептōн сувталōмōн, мыччалисны ота-мōдныслы керōс паныд. Кор Сашō котōрōн тшōтш кайис чепт помланьō да тшапнитiс тыра ведра, кистыны йи кōдзыд васō вōли нин некыдз и некытчō. Буретш сэки ыджыдсыс-ыджыд Яр Би ыпнитiс-чепōсйис школалōн став ошиньясōд и одазōсьясōд, сьōд тшынōн пугрōдлōмōн шамыртис аслас ён сывъясō коньōр школасō дзоньнас да, быд здукō, пыр отарō ёнмиг и кызиг, пондiс найжыны сийōс мездыны вермытōма нин. И ыджыд жарысла бōрвыв чепōсйисны весьōпōрōм кусōдчысьяс, бабаяс да зонкаяс. Налы сōмын нин колис вешйыны да шога видзōдны Гажа Биыс вылō.

Шемōсмōдана да весьōпōртана серпас! Югыд жыръяса мича-гажа школа, кодi велōдiс Сашōос гижны и лыддысьны, ыпнитōдiс вежōрсō югыдгоръяс тōдмавны, они сийō син водзас сiдзи и сылис жарсыс-жар Биын...

И сэнi жō пō весиг сотчōма идрасысьсыс — неыджыд мыгōръяса гōрбакодъ нывбаба.

Сэсса сийō бара на, отарō-мōдарō чатрасигтыр, мунō важ грезд кузя, кодлы, гашкō, нельсē сайō во нин, — тэрмасътōг восьлалō ыли муясō, буракō, помōдз нин ылалōм, а они кōдзалōм гортас воōм морт, чолōмасъ тōдсаяскōд, тōдтōмджыкъяссō мый вынсыс зильō тōд вылас уськōдны, сёрнитō олōм-вылōм йылысь, верстьōджык йōзыскōд, дерт жō, ёнджыка казытывлōны важсō, кōнi быд керсьōм-вōчьсьōм они чайтсьō Хохол Йōра Сашлы донан да бытгъōкō кутшōмкō шудōн югдōдōмаōн.

Век на лэчыд гōлōса, кōть эськō и ёна нин чукырōсь чужōма Крестин, Сашōлōн мамыскōд пōшти тшōтшгъя нывбаба, кыпыда вашгъялигтыр казытывлō:

— А кыдзи, шу, мийō, Сашō, коркō, война дырйиыс, отлаын турун пуктiм Чомкосаын. Эн на кō вунōд, гортсянь окмис верст. Подōн каям,

сэсса и гөрбуш косаён олтам кузь лунтыр. Тэсö тöлькö на велöдчин ытшкынысö. Коса нырыд тэнад öддьөн унаысь сатшкысьыс да сибдыліс чорыд вутшкö... А туруныс сэтөн посныд вöліс, öддьөн чöскыд вөр турун. Водзтісö ыжъясла вердём вылöджык пуктылöмась...

— Кыдзи нö ог помнит, Крестин! — сылö тайö казтылёмсьыс Хохол Йöра Саш. — Не сöмын вутш йыл, но и уна понöль ме сэки, кужтöгыд на шаркниталі...

— А сэсса колö тэчны зорöд! — вашъялö пöрысьмём вомнас Крестин. — А тэ миян пытшкын öтнад мужикыс. Быть тэныд колмис лоны главнöй чöлтысьнас... А туруныс вöлі ульдзык на, зорöдас ёна топа-лёма да пöсялёма. Тöлнас вөлөн кайим вайны да, — пöдёма и сотчыштёма...

— Ме сэсса вель дыр ёна шогалі и яндыси таысь! — Хохол Йöра Сашлы öні шудаа жö казтывсьö мед көть и татшöм кужтөг на ылав-лөмыс.

Но сэк жö и шогпырысь мөвпыштсьö сылы водзөн кувсьём мамыс йылысь. Öд со сійö, Крестин мозыс да öткымын мукöд нывбабаяс моз, öнөдз на жö вермис овны! И став олём-вылөмыс эськö найölөн дзик мöд ногөн артмис!

Паныдасьö Хохол Йöра Сашысь ар вит-ö-квйтөн ыджыдзык Анна. Век на жö коркөя моз кыпыд сёрниа. Чолём-здорово! Кысь-мөй нин вошин?! А эн на вунöд, кызди мийö тэкöд коркө колхоз муястö гөрлім?! Ме трактористка ХТЗ вылын, а тэ бöрсянь плугаритан.

— Сымда буссö, мыйта тэ сэки меным койин, ме сэсса некор, нэм чöж эг ньылашавлы!..

— Ха-ха-ха! Дерт но, трактор көлеса бöрсянь плуг вылад пукалігөн!

— Куш көрт вылас пукалігөн! Да сьökыд гөръяссö öтарö лэптиг-лэдзигөн. Кыдз-мөй сöмын абу усльысьёма менам лэчыд гөр улас!

— А меным вед, ныл мортлы, эз жö кокныд вөл. Куш көрт пуклөс вылын жö пукала ме. И юр весьтын некутшöм велттьöд абы. Зэрö көть ва лымийөн слөтитö. Унаысь сөткылі ас кежысь — мыйла, мөся, сöмын и велöдчылсьёма трактористас. Ныл мортлы!..

— А ме, кыз бус пиын плугаритысь зонка, ёнакодь завидьтылі тэ-ныд. Со, мися, кутшöм Герой коды нылыс! Эськö, мися, аслым трактор руль саяс пуксьыны. И вед веськыддыкинъястыс пуксявлі нин...

Воча воö дзормём кудриа юрсиа Митрей, важ моз век на тэрыб вöраса, көть эськö и ар дасён олөмаджык Хохол Йöра Сашысь. Ыджыд Война пыр сьökыда мунлём да кызкө тай ловийөн кольлём морт.

— Эн на вунöд, Сашö, кызди мийö тэкöд Куж Ладейкаын пөрö-чылім! Сымда вөр гымгим лучкөвöй пилаяснад!

— Тэ бöрся сьökыд вöлі вöтчынысö, ош моз муркөдчин...

— Томджык дырйи ме музöмсö эг и тöдлы... Пөрöдчём бöрад ме выль ыджыд керка лэптылі, мамолөнкöд орччөн. Челядьöс быдті. Толькө тай гöтырöй, шонъянöй Анукöй, водзджык жö энолтіс менö-а...

Паныдасьö ыджыд мыгöра, тшöтшыд нырсера чужöма, Йöра Сашысь ар мöд-коймөдөн томджык Володь.

— Пыралам миянö!

— Часлы ме талун сідз на ветлөдлышта, абу на окота дыр кежлö öтилаас сибдыны.

— А эн на вунöд öтлаын пурйөн кылтöмтö? Кыдзи тэ менö Волся вабергачын домалін ас дінад да кыскин? Менсьым пурйөс? Не кө тэ, карсö меным эськö не аддзылны вöліс! Сэтчö и колмис эськö кось-мыны. Да сэтысянь бөр подөн кайны гортö... Пыралам, тайöс көть пас-йыштам!

— Сёрөнджык...

Паныдасьö мöд Володь, еджгов юрсиа, беринөсь чужöма.

— О-о, кодöс ме аддза! Некор аддзылтём гөсть! А эн на вунöд, кызди тэ менö коркө, Кажым леспромхозын, мастералігад велөдлін

маркеруйтчыны? Тэ примитан керсö пөрөдчысылысь, сортимент индан, а ме молотокон да долотоон сизьда. Авио, пиловочник, баланс... Казы-тылан-ö ылі муясад татшөмторсö?

— Дзикөдзсö немтор на тай абу вунöма... .

— А сэсся ме и ачым десятникон лои, а сэсся тшөтш и мастерон... Босьтам доз да пукуштам?!

— Часлы, водзын сөдзджык юрөн ветлөдлышта...

— А садь юр кузяыд кө... Эн на вунөд, кызди мийö тэкөд, Кажы-мад, ньöбим быдса спирт доз! Зонкаяс на! Юим да юим, а сэсся ме петі ылаө ортсасыны... да и уси лым пытшкас! Чеччыны ог вермы, лым куль кодь лои.

— Мыйкө дыр эн пыр да, ме петі корсьны! — Хохол Йöра Саш-лөн вежöрын быттьö востымөн востыло тшөтш и тайö вöвлөмторыс. Кызкө бара жö шудаа востыло! Но сийö шуö:

— Мый сэсся керан да он кер, водз тай велөдiс мянöс олөмыс винаяс дiнад... и быдторыс дiнö...

И водзö паныдасьомьяс! И казтыломьяс! Война йылысь. Бать-мам йылысь. Сьöкыда олөм йылысь. Ёнджыкасö томлун йылысь! Кыпыд кад йылысь. Том гаж йылысь!

Вöвлөм велөдысь Марья Алексеевна да сылөн верöс Иван Григорьевич ордын, ёна нин олөма, ыджыд мыгөрьяса мича йöз ордын, шань сьөлөма да уна гөгөрвоысь йöз ордын пукалыштiсны да юыш-тiсны пув сора чорыд вина. Гажмыштiсны. Содтöд быдтор йивсьыс варовитiсны. Дерт, тшөтш и öнiя дзуг олөм йылысь. Сьöкыда бөр ловзьö бөрья каднас ёна пазавлөм овмöсыс! Весиг со ыджыд Грездын öтувья мөс карта абу кольöма, мыйтакö скöт сөмын и чукөртöмаөсь дөбель-киöдз бонзян совхоз бердас. Унаөн уджтöмалöны. Сюсьджыкьясыс сöмын асланыс овмөсьясын кутшөмакө выныштчалöны. Но ёнасö пась-көдчыны оз жö вермыны ни оз лысьтны. Кодьяскö ёна юöны. И сэтшөм жальöсь челядьныс!

Союз киссьөмянь быдлатi бонзис да жебмис. Тани көть Украинаын. Чечняын көть Молдавияын. Югославияын көть код төдас мый ылна Кубаын! Ыджда йиркнитчөмыслөн из-чорыд гыясыс кузяла и пасьтала ызöбтiсны да ставсö полошуйтiсны! И сымда йöзлысь олөм чашвартiсны! И со мыйта во нин некызди оз вермы бөр успаньвыв пуксьыны...

Сьөлөма, ыджыда мөвпалысь йöзыдлы мыйта сёрниыс сюрö та йылысь и быдтор йылысь.

Бöрсö мунигөн, грезд помланьын нин, Хохол Йöра Сашкөд орчөн лои бур мыгөра, топыд на вир-яя олөма нывбаба. Сувтовкерис. Дзарк-нитiс сы выло лысва дырйи моз югьялысь сьöд сэтөр кодь на синья-яснас да шоныда-вильыша шуис:

— Бур лун ылі муысь воём гөсьтлы!

— Бур лун! — нывбабаөс пырысь-пырсö лючки төдтөг на, ылө-сас шуис Хохол Йöра Саш. Сэсся бурджыка видзөдлiс нюмсермунөмөн сулалысь нывбабаыс выло. Көсаө кыём да юр дзибьяс тупыльö тэчөм юрсиыс ёнакодь нин пужьялөма, но чим сьöд синкым сертиыс кө видзөдны, коркө нывбабаыслөн сук юрсиыс, дерт жö, вöвлөма ай тар бөж кодь сьөдөн и сылы ёна төдсаөн. И вильыша нюмьялысь сьöд синьясыс, дерт жö, төдсакодьöсь сылы, и тыр вира на шылялөм чужөмыс... Хохол Йöра Сашлөн топавлiс и ыркмунлiс сьөлөмыс... Ставсö помөдз гөгөрвотөг на, сийö, дерт жö, төдiс нин тайö нывбабасö... И эз, эз öнiя тьөтöс сийö аддзы, а сийöс, кодi коркө, уна-уна вояс сайын, вöвлi öнiя олөма, шыльыд нывбаба пыддиыс — ыджыд сьöд көсаа, югьялысь сьöд синма ныв сэки вөлі... Кыпыд серама да пөсь сывья... Сийö — и абу сийö?!

— Тоня?! — ёна ызьбөмөн и ёна шөйөвошөмөн да та вöсна кутшөмкө чишкасьом шыён чөвтiс сэсся Хохол Йöра Саш.

— А-а, төдiн на жö? Кыз бруньöсö? — серөктiгмоз вочавидзис нывбаба.

— А тэ менё тōдін жō, Тоня?! — сувтōминас муртса эз горōд Хохол Йōра Саш.

— Кыдз нō тэнō он тōд! — мужичōйлы веськыда синмас шоныда видзōдиг, пōся шуис нывбаба. — Кыдз нō он тōд Йōра Сашōс! Ольōксан дай свет Иванэчōс... Биа-бордаōс!

— Оні ме Хохол Йōра Саш, — шуис таdzi ыдждōдлōмсьыс ним-кодьмōм гōсьт.

Нывбаба гылыда серōктыштис таысь, мыччис кисō; кийс сълōн вōлі вына и топыд, виччысьтōг паныдасьōмсьыс ыпнитōмысла тиралыштис. А Хохол Йōра Сашлōн шамырысь эз на жō дзикōдз вōв бырōма коркōя зумьдлуныс.

— Кымын во нин ме тэнō эг аддзыл? Во нелямын вит? Армияō мунōмсянь?

— Дырджык нин... — кусōдтōм нюмсернас, но тшōтш и курдōдыштōмōн шуис нывбаба. — Велōдчанінсьыд, Кардорысь воōм мысти, тэ сōмын тōвсō волевлин ме дорō. А сэсья тай мыйлакō пондін пышьявны меысь... А сэки вōлі на нелямын квайтōд во...

— Нэм джын нин кольōма! — чуймис Хохол Йōра Саш. Сэсья юалис: — Тэ онисō кодарō мунысь?

— Койдінō лэчча. Ме важō-ōн нин сэні ола... Талунсō важ гортлань мог суліс волены... — бара на шоныда видзōдліс Хохол Йōра Саш вылō, сэсья содтис: — А тшōтш и гуся дум вōлі: ог-ō, мися, кызкō виччысьтōг паныдасьōти важ тōдсакōд... Оддьōн важ тōдсакōд... Култōдз кōть эшшō ѓтчыдысь видзōдлыны сы вылō... Кутшōм нин лōбма...

Хохол Йōра Сашлōн гут ыдждаōдз топавліс лолыс: — Кывлін менам воōм йылысь?

— Воис тай и менам пельōдз.

— Ме инō тэнō кольōдышта! Кōть неуна казытыштам важ бурсō...

— Да тэ вед, кōнкō, важō-ōн нин вунōдін ме йылысь?! — шуис нывбаба.

— Мый тэ, Тоня, эг жō вунōд! — пōся шуис Хохол Йōра Саш орччōн восьлалиг. — Тэкōд менам аддзысьлōмьясōй век вōліны войся енэжын югыд кодзувьяс кодьōн.

— Ок вед кутшōм! Век на важ кодьыс лōсьыд басниа! — гылыда серōктис нывбаба.

— Торйōн нин Кардорын ѓтлаын велōдчыштōмным югзьōмōн югзьылō син водзын... Ок, Кардор! Архангельск! — Оні вылысь на ыпмунис-ловзис Хохол Йōра Саш. — Петам вōлі тэа-меа Двиналōн кыр йылō... йōз синъясысь ылōджык... Ывлаыс шоныд на... Ваыс паськыда исковтō морелань, синмыд ѓдва судзō мōдар берегōдзыс... И тэнад киясыд шоныдōсь... Вом дорыд сотō и дзужалō... Чайтсис, паськыд ю кодьыс жō шылыдōн да помтōмōн лōѓ миян ѓтвывъя олōмным... Сэтшōм сэки окота меным вōлі, мед буретш таdzi и лои... Сэсья ѓд тэ сэки, быттьōкō, тшōтш и кувсьōм мамō пыдди лоин меным...

— А меным?! — татшōм сёрнияссьыд єна жō ырзьōмōн шуис нывбаба. — Тэнō бурджыка тōдмалōм бōрын? Тэнсьыд пōсьлунтō и мелі-лунтō... И ярлунтō тōдмалōм бōрын... Да эшшō нин Сыктывкарын мамотō дзебōм бōрын... Ой, коньōрушкой, онōдз на син водзō пет-кōдчылō сійō меным...

— Менам вōлі жō сэтшōм сьōлōм кылōмыс: ыштō ачыс Енмыс тайō шогыс пыр тōдмōдис да йитис миянōс... Гашкō и нэм кежлō йитис...

— Но чожа тай ниртчис да быздалис йитан везыс... — ышловзис нывбаба.

— Велōдчōм бōрын торйōдисны миянōс, разнōй лесопунктъясō мōдōдисны...

— Первой тōвнас тэ волевлин на ме дорō...

— Дас кык километр удж бōрын вōлі кырссъышта! Войся вōрōд! Кōдзыд вōрас дзебсьōм Яг-мортыс плетьōн быттьō вачкалō менō!

— А сэсья кыскō пемыдсьыс пыран менам жырйō...

— И Вōрсалōн чорыд, киясысь веськала тэнад небыд сывйō!.. Войбыд кежлō... Збыль ѓмōй татшōмыс вōліс миян коркō?

— Вёлёма тай и кольёма, — гөгөрвотёма нюмсермунёмон шуис нывбаба. — Сыктывлон визув ваон кылалёма...

— Олом вояс чөжнас меным сэссия унаысь пөся казътывсис та йылысь, — бара на веськыда шуис өнісө пөрысьмөм нин Хохол Йөра Саш. — Кутшөм тайө шуд вёлёма, войся кодзыд вөрөд кырссъыштөм бөрын веськавны тэ дінө...

— Но инө, атгө нин көть сыысь, мый абу на вунөдөмыд...

— Татшөмыд вунас өмөй?! — пөся шуис Хохол Йөра Саш. — Ме казътыла ставсө тайөс и өні, олом помланьө, ылі муын олігөн, тшөкыда юасыла ачым ассьым: кызди эськө артмис ставыс, эг кө мийө сэки янсалөй тэкөд? Ме эськө, дерт, кольчи гортө... Тані, мый верми, мырси... Тшөтш и батьбөлысь керкасө куті... Өні вед со сійө сөлсем нин кисьөма-а... Челядь эськө татісянь водзө нуөдісны важ рөднымөс... Али мый? Али ёнджыка юны эськө понді да, мукөд тшөтшгъяс моз, важөн нин жө чергыси?.. Али тэ эн лэдз эськө тадзисө лоны?.. — быттөкө шмонь сорөн, но сэк жө и нормыштөмөн сёрнитіс тадзи матө воыштөм Хохол Йөра Саш.

— Өні мөй нин немтор абусө лөсьөдлыны, — сьөлөмсяныыс шуис нывбаба. — Өнісө, лёка ли бура ли, ассьыным оломгъясөс олома нин. Бур на көть, мөй бөръяпом со тадзи виччысьтөг паныдасим.

— Ме шуа, мися, мый эськө вермис лоны...

— Менам надеяыс тэ вылө вөліс жө сэки, — восьсөнмоз жө шуис нывбаба. — Не сөмын кажитчылін тэ меным, но, мамнытө дзебөм бөрын, тшөтш быттө и жальөсь вөлінныд өткөн кольөм вок сикас... Сөмын мөй кык арөсөн ыджыдджык вөлі да, тайө жө падмөдыштліс-а...

— Ок, кужис кө эськө бөрийсыны томлуны! — кыкнан пыддиыс шуис Хохол Йөра Саш. — Кыдзиджык колө овны му вылас? Кыдзи колө радейтны? Кыдзи колө семья лөсьөдны да кутны сійөс?.. Но лючкисө велөдны мянөс вөлі некодлы, и сьөкыд олом пырыс уйигөн ас кужаным век зілим кутны бөжөдыс зарни лэбачөс. А кызд на пө и кутан сійөс? Выліті да чожа лэзъысьсө?..

— Дерт, гортад кө бөр локгін Армиясьыд, тэ эськө эн вош татөні, — ыджыда шуис нывбаба. — Сиктын и леспромхозын йөзыс вөлі пыдди пуктөны тэнө.

— Но вөр пыдди да му-видз пыдди ме бөрийи му пыдөс, лэччи шахтаө! Партия чуксаліс том йөзөс бөр ловзьөдны Войнаөн пазөдөм Донбасс. А ме, эн на кө вунөд, дас көкъямыс арөсөн лолі коммунистнас.

— Төдам!.. И, дерт, сійө здукъясас тэ эн жө казътыв ме йылысь?

— Кыдзи нө, көнкө, эг казътыл! Тэнө и өтнасөн кольөм гортөс... Вокъяс өд сэк кежлө тшөтш нин Армияынөсь вөліны... Но страна чуксалө! Ыджыд Делөяс вылө. Подвиг вылө. А мөй вермас лоны таысь вылынджыкыс да коланаджыкыс? Немтор оз вермы лоны!.. И нөшта чайтсис сэки: пемыд горт пельөсад кутшөм нө буртор верман керны?! Дзикөдз юсыны да коньөрөн лоны сөмын и верман сэні...

— Сэссия нө век шахтаас и уджалін?

— Эг... Шахтаас ме регыд ёна дойми, вылсыныыс "кумпол" усис да сьөкыда жамкнитіс. Но, чорыд породаыс чуктис. Көкөс ёна дойдис... Колмис петны сэтысь...

— А сэссия?..

— Сыөдз кутшөмакө төдсаөсь нин вөлім лоан гөтырпукөд, хохлуш-какөд... Шойчыштім да бурдөдчыштім сьлөн рөдвуж ордын, абрикосөн да яблөкөн чөсмасыштім... Пытшкөстө чажнитысь сливовицаөн гажөдчыштім. А сэссия и петім Днипро дорө, карө да пырим уджалны заводө... А мыйкө дыра мысти менө парторгө бөрийсны... Ме вед и Армияын служитигөн өтарө парторгалі... Ачым эськө ог вөлі пырөдчы, а век бөрийөны... Көть и коми морт, кызд шуласны, нацмен, но рочьяс и хохольяс тай век пыдди жө пуктыліныс...

— Йөзыс вед абу синтөмөсь, казялөны, коді мый вылө туйө, — шоныда шуис нывбаба.

— Но бөръяпомыс менам аслам сингъясөй унатор вылө воссисны.

Кызди да кытчö вöли нуодö партианым. Да кызиджык мийö олам. Да кызиджык олöны ғырысыджык партийной юралысыяс... Торйон нин ёна думъясöй да сёлöм кылöмöй пондiсны вельсыны миян войскалөн Чехословакияö пырöмсянь... И, дерт, ме пондi мод кывъясöнджык байтны. Велькыдджыка и чорыдджыка. Парторгысь заводса рабочöйяс менö бöрйисны профсоюзö. Мед найö дор ёнджыка сулалны. Сэни сэсся и помасисны менам "подвигъясöй", пенсия вылö петтöдз.

— А мöй, абу тай вошöмьд, кöть и йöз муын! — сёлöм сетис нывбаба.

— Весиг орден эм — "Знак Почёта", — шоналöмвывсыс ошйысьыштiс Хохол Йöра Саш.

— Гортын кö вöлин, не öти орден эськö мичмöдiс паськыд морöстö! — эскана шуис нывбаба. — Вед кöни пö тай чужлан-лолан, сэни медзёна на колан.

— Но тырмас меным и öти орденыс, öнисö мод государствоын олысьыдлы... — ышловзис та вылö вочасö Хохол Йöра Саш, сэсся чöв усьлöм бöрын ачыс юалис: — А тэ кыз-мый олин-вылин?

— Мöй ме... Мастералышти мыйтакö, а сэсся верöс сайö петi...

— Тöда, код сайö... Мудер морт велькалöма... Но кöть абу юысь...

— Олам тай-а... Челядь пондiсны чужны, сёкыдджык лоис найöкöд да планöвикö велöдчи. Сэни сэсся и уджалi пенсияöдз. Öни внукъясöс отсала быдтыны, витөнöсь найö менам.

— Менам эмöсь жö нельöн. Комиа-роча-хохолъяс...

Нывбаба чöкыда серöктiс:

— Шуан жö!

— А мый нö, бисова, сiдзи и эм! Дедыс — коми, бабыс — хохлушка. Бать-мамыс — код тöдас нин, мыйяс... Быдсяма вирыс öтлаö сорласьöма. Сiдз жö, кызди басниас быдсяма кылясыс. Ме вед кушöмсюрö коми кыляс тшöтш найöлы йиджта...

— Сiдзи сэсся и кольччин ыли муас? — водзö на юасис нывбаба. Лолыс сёлөн, дерт, вöли кыпалыштöма, сылы вöли нимкодь орччөн восьлавны важ тöдсаыскöд, нимкодь сёрнитны ськöд. — Гортланьыд эз и кыскы?

— Кызди нö эз кыскы, Тоня! — лов вылас уна пöлöса жö вöрзьöмъяс-ырзьöмъяс кылиг, шуис Хохол Йöра Саш. — Водзджыксö век вöли вöтася гортöс и став тöдсаясöс. Сэсся садьма да, весиг синвайöй пыдзрасьö... Но, кызди тэ шуан, челядь нин сэсся пондiсны чужны. Бöжыд кузьджык лоис... Тшöтш и гöтырладорсянь рöдня найöлөн сэни жö... И заводын ачымöс менö пыдди пуктыны пондiсны. Весигтö комиссарөн вöли ыдждöддöны...

— А мöй, бур комиссар тэ век вöлин, кöть и том дырйиыд гортын, — сёлöмсяныс шуис нывбаба.

— Ог тöд... Йöзыслы тыдалöджык... Но сэсся и гажа жö муыс сэни, миян серти ёна шоныдджык. Ставыс кö лючки да бура, кокныдджык и донтöмджык миянын серти олнысö. Томджык вöли да ме, шуам, тöлся кышöд эг пасьтавлы... И сёян-юаныд водзти вöлиджык... И Днипро орччөн, кар дорас мийö олам да, гожöмнад век нин лэчылаам шойчыштны, купайтчыштны, кöть эськö и юсö ёна жö нин пельсöйтiсны... Кыз шуасны у-уна вуж лои менам сэтчö лэдзöма, кызджыксö и вöсньыдджыксö. Кызди öни найöс ставсö орьöдлан?.. Сэсся со и, ас кöсйитöг, мод государствоынöсь мийö лоимö... Кызди öни лыбöдчан сэтысь? Джуджыд потшöс сайсыс? Да и кодi пö танi миянöс виччысьö... Миян кодыс öд вöвлөм Союз пасьталаас кызь вит миллион морт! Кызь вит миллион трагедия! Быдöнлы колö патера ли, керка ли... Быдöнлы колö удж либö пенсия... А миян важ керканым со дзикöдз нин киссьöма... Ок эськö мамойö кö сэтшöм водз эз кулсы!..

Кöть и вöслалис орччөн коркöя радейтана нывкöд — öнисö, дерт, ёна нин шылялөм, пöрысь, быттьокö дзик нин тöдтөм нывбабакöд; кöть нэм кезлас йиджтысьöм дона серпасьяс гөгöрбок кытшалiсны сийöс — Сыктывлөн югыд вöнь и Öзынчой и еджыд юсь моз сьв-

видзись вичко, — но ставсьыс таысь отпырйё ызьёмысь Хохол Йёра Сашлысь ловсё быттьёкё бара на тшапнитисны съёкыд-гудыр оломён вына төвныръясыс да, кос кыз пу корйёс моз, пондिसны нёбодны-гартны кызисюрё, и некызди он вермы сувтны бус чир кодыд. И ставыс ёні вёлі отвывтчёма-гудрасёма сылён лов вылын — и ним-кодълун, и радлун, и шог, и гажтём, и дой... И оломыс со олома нин! Немтор нин он вермы бергёдны! Немтор нин он вермы керны! Весиг он нин вермы важён-важён дырся моз пуктыны юртё съод синма нывлён пось морёс вылө. Ставыс нин кольёма и код төдас кытчө вошёма!..

Нывбаба, дерт, кутшөмакё гөгөрвоис сійёс. Сы вёсна мый ёнія здукъясас и ассьыс сылысь кызисюрё гудрөдлісны жё ловсё на вылө усьём чорыд оломыслён нем жалиттём төв ныръясыс. А медся ыджыд шогыс да дойыс сылён гашкё и вёлі сыысь жё, мый немтор нин оз позь бөр бергёдны! И нывбаба ыджыда, но дженьыда шуис:

— Киссьём ватё пё тай он курышт!

И комияслён тайё важ шуёмыс, гашкё и вунөдлёмаыс нин, код пиё йөршитчёма уна-уна йөзлөн сымда шог и дой, быттьёкё и кутшөмакё бөр пальёдыштис Хохол Йёра Сашёс. И сійё водзё на восьтис съолөм кылөмсө:

— А бур на көть, мөй со тадзи паныдасим мийё тэкөд, да көть отлаын мыйтакё радлыштім и шогалыштім. А то ме видзёда фото вылө да отнамөн вёлі вийся...

— Кутшөм фото вылө? — чошкөдчыштис нывбаба.

— А мамо кулөм бёрын тай снимайгычылсьёма карын.

— Да? Ме ог помнит! Менам абы сэтшөмыс.

Хохол Йёра Саш перйис фотосё морёс зепсьыс да мыччис ёртыслы:

— Со, неважён меным мөдөдісны карса төдсаяс. Менам, аслам, вунөдлысьёма жё нин. Гашкё, сійё и медъёна йөткыштис менё гортлань бара на волены. Гашкё сэсся медбөръяысь нин волены...

Нывбаба пёся босьтис киас фотосё да сатшкысис сэтчө съод синъяснас. Чужөмыс пырысь-пыр жё ёна шоналіс, кызкё пыркмуніс, пондис вуджрасьны шудён-дойён...

— Со тай ме куйла шуйгаладорас! Ануக்கөд! А мөй? — лөсьыдик тай вөлсьёма! Абы ёнія кодь бруньё!.. А со Сюзь Митрей паськыд пельпомъяснас... А зтайё тэ!.. Съод юрйыла дөрөмаыс!.. Дерт жё, тэ!.. Енмөй, сэтшөм на томиник! Весиг нэриник на!.. И сэтшөм шог! Ок, Енмөй, сымда шог тэнад чужөмын и быдлаын!..

— Дас сизим арёснад абы кокныд мамтё дзебны...

— Ок, ок, ок! Шонъянөй дай Гранюкөй! Югыд шондйөй!.. Ёні на, быттьө, ставыс син водзын. Пасьтөдөмыс и гортө пуктөмыс. И кар помөд вөлөн мунөмыс. И гуё лэдзөмыс. И ставыс, ставыс!.. Мыйла нө оломас сэтшөм лёкасё артмө? Сэтшөм съёкыда да сэтшөм шога-доя? Кытчө нө Емыс видзөдө? Абы өмөй жальёсь сылы йөзыс?!

А вёлі гажа, гожся кодь на шоныд лун. Сөдз енэжсянь бура на пөжис шонді. Гөгөр нюдза на вежөдіс. Водзын енэж лөзөдыс уйис еджыд, коркөясө йөзөн ёна пазөдлөм, а ёні бөр дзоньтавны пондөм вичко.

Сійё помтөг дыр нин кыссьё вентиляция штрекөд! Сідз нин векныд му пыдөс розыс быдлаті гыпкысялөма, сөмын шырлы писькөдчөм вылө моз и кольыштёма. И мед кызкё-мыйкё нин бурджыка төрны, ёнджыкасё сылы ковмё кыссыны гатшөн. Гатшөн!.. И, дерт, сійё казаявтөг оз ов, кызди ёсь дорыша палакъяс, лэчыд пиньяс моз, бара на жервидзёны отарё леган йирксыс, дасьёсь выльысь на чуктавны сэтысь. Да и жамкнитны сійёс! Жамкнитны чөскын дозмөрөс моз. Сөмын со кутшөм чөскын!.. Ёд аддзё сійё, гатшнөвтчөмнас, кызди кер пыкөдъясыс ёна личкөмысла желлясьтөдз чездысялөмаось, мукөдыс весиг краджгысялөмаось. Кос саргас моз чегласьёмаось!.. А сійё

чайысь-кыссь гатшён! И ставсё казялё! Став весьёпортанасё аддзё!.. Час ёні жё — тайё жё здукас! — уна сё метра кызта сьоктаыс бара на пондас гыпкысявны... Ёні нин сы вылё пондас йиркёдны! Да и дзикёдз лязёдас! Вир войтёдз пычёдас!.. Сылён дзикёдз топалё лов шыыс... Сылён лёкысь нойтчё сьёлёмыс... Но жё, водзё! Ёдйёджык кыссы!.. Но и личыдджыка кыссы!.. Мед нин выльысь не вёрзёдны да пезьдыны помтём сьокта нальксо! Дявёлыслысь чёссо!.. Но жё, водзё! Паськыда да зумыд откаточной штрекланы! Сэссия и вывлань... Вывлань! Шондй югыдлань! Ен югыдлань! Олёмлань!..

Татчё сэссия и садьмис Хохол Ёбра Саш. Сьёлёмыс морёсас лёкысь нойтчё. Лов шыыс йёрмёма, немторён лоловны. Ёна пёсялёма. "Тадзинад и збыльысь верман пезьдыны узигкостыд! — мёвпыштсис тёждыяна. — Садьман да, абу нин ловья.."

Но кымынысь нин пеліс сійёс татшём нога вётыс шахтасыс коркё петавлём бёрын?!

А мыйла нё эськё? И мыйла буретш танй бара на вётёдй? Важ гортас воём бёрын?

Мед выльысь казытышны, кутшём налькысь сійё мынліс? Мед водзё лэтыны югыд олёмыслысь немторён муртавны позьтём донсё? Али сы вёсна, мый бёръя каднас ётарё гыпйёдлё шахтаясын — Кузбассын, Воркутаын и налён со Донбассын, медся ён йёзыс дасьясён, сёясён шедалёны ад чёсьясё, да унаёнс сэссия оз весиг вермыны лэптыны сэтысь...

Дерт, тшётш и сы понда, мый Союз кыссьём бёрын быд ногыс личаліс сьёкыд уджсё бур ногён кутёмыс... Шахтёрьясёс бура гёгөрвоысь Хохол Ёбра Саш тшётш вийсё на понда.

Ёшиньясёд пырысь асья шондй югёрьяс меліалёны пёсялём чужёмсё, югыда ёрёны синсё. И кыпыда югзёдёны дзоньнас жырсё.

Неылын, вомён нога диван вылын, чёскыда узьё Жельнёг Вась. Бур ёрт и быдторсё гёгөрвоысь тёлка морт. Тёрыт сійё ветлёдлёма аслас мөгьясён районса да совхозса чиновникьяс ордёда да кытй да, мед бурджыка чодмавны татчёс олём-вылёмсё. Колё бурджыка юасыштыны сылысь. Коть эськё и ачыс сійё, Хохол Ёбра Саш, казявтёг оз жё ов, мёй танй керсьё гёгөр. Аддзё ылі муысь воём морт, мый и дона Сыктыл йылын, мукёдлаын моз жё, йёзлён олёмыс, позьё шуны, ичот кёшас жё воёма.

Кадыс ёна на водз, ставён на узёны, весиг и тьётушыс воддза жырьяс оз на кыв, и Хохол Ёбра Сашлы оз на жё чеччысы, да и нинёмла татшём водзнас йёзсё садьмёдны. Но и тёдё сійё, мый водзёсё оз жё нин вермы унмовсыны, сылён унаысь тадзисё овлё: садьмас кё водз асылнас, бёр кыйны чёскыд узян унсё сьёкыд нин долё, кольё сёмын чёла куйлыны да ас кежас ыши-пашиасыны да быдтор йывсьыс мёвпавны. Узьём бёрын сёдз юр вылас тадзи ыджыда мёвпалёмыс сылы корсюрё весиг и кажитчылё на, сы вёсна мый мортёнджык кывывлёл асьсё сійё сэки, быдтор пондаыс вийсьысён...

А ёнісё ёд, торйён нин тёрыт, сымда сьёлём вёрзёданаыс вёлі сылён!

Шуам, ловья сьёлёмдылы ёмёй мёрчытёг олас чужан гортад пыралёмыд?! Да, торйён нин, ёнісё кыссьём-пазалём гортад! "Ок, ёна жё мыжаоь эськё мийё тэ водзын да, сё мусаёй тэ мяян, но мёй нин ёні керан да он кер, сідзи нин лёсьёдліс олёмыс да!"

Сэссия и Тонякёд паныдасьём ёна жё пасьвартёдй Хохол Ёбра Сашёс!

Тоняыс коркёясё вёлі медмичаён — став нывбабаяс пёвстсыс, — кодьяскёд сэссия паныдасьліс сійё аслас олёмын. Да, медмичаён! Да, буракё, и медкыпыдён! Матй серамбанаён! Ёнісё тёдё нин сійё ставсё тайёс!..

Сідзкё нё мый? — эз куж сійё ас кадё донъявны татшём нывсё? Кытчёкё пышйис сы дінъыс? Ёд гётрасис кё сэки, оліс да оліс эськё сыкёд ётлаын. И коньёр гортсё кутіс эськё. И, гашкё и, мукёд вокь-

ясыс эськө пондiсны бөр воавны сы дiнө Армиясяныыс? "Али мөй? Али юси эськө? Шогсыны пондi да, мөй олөмөс сiсiтi керка йөр дiнын? Али леспромхозын кө водзö уджалi, збылысь, ыджыд чинөдз эськө воөдчи?"

Паныда стенсянь, фото вывсянь, сы вылө мудера и кыпыда видзөдö Лев Толстойлөн кодь чужөма Яг Иван дядыс. Быттö көсiйö мыйкө юавны, мыйкө выльтор бара на ыджыда шуны ли, көсiйö эськө да, оз нин тай со вермы.

А мөй эськө сiйö шуис өнiя олөмыс йылысь? Кор со быдтор, мый понда сiйö тышкасылiс ыли муясын и гортас, мый понда ассыс вирсö не öтчыдысь кисьтлiс, сэтшöма вийсис-мырсис, — дзик ставыс со бара на мөдар путкыль бергөдчö?

А сэсся — асья югыд шондi водзын куйлигөн! — Хохол Йöра Сашлы син водзас сувтiс ёна нин важөнся гортланыс волөм, кодi вöли дзонь-нас жö быттö ойдöма шондi югыдөн!

Сiйö вöли сэки том на, ар комын вита, хохлушка гөтырыс сэтшöм жö и. Мусаник челядь, кыкөнöсь — дас арöса нылка да квайт арöса зонка. Гижасисны Казахстанса Целина вылын олысь вокыскöд да и шуисны гөжөмнас öтлаын ветлыны важ гортланыс. Кодi сэки лючки да бура на видзис-быдтiс воча вокыслысь позтырсö.

И аддзисисны öтарла-мөдарсянь воысьяс Сыктывкарын, көкъямыс морт! Кык гозъя да нель челядь! Вöлисти бурджыка тöдмасисны Йöра рөдысь петöмаяс. Ставныс лөсьыдöсь да мичаөсь. Томöсь. Мыйта гажыс! Кыпыдуныс! И олөмыс быттöкө бурланьö катовтчис сэки. Налөн ёна томджык дырся сертиыс вöляджык лои овнысö...

Быдса самолёт тыр — АН-2 тыр, лэбисны карсянь Сыктыв йылөдз Йöра рөдысь петöмаяс! Воисны тьöтушыс ордö тырыс гөстинечөн. "Ак да ок! Кытысь нö тийö та мындаоныс öтпырйö усинныд! Но, гажöйяс! Ыджыд празник тай тийö миянлы керинныд!"

А дядыныс, Яг Иван, абу гортас. Войколөн пö лэччис Лөпырикаө чери кыйны. Мөй керны? Медыджыд командёртöгыс нö кутшöм вер-мас лоны празник? И Хохол Йöра Саш шуис:

— А вай тадзи жö, мөйтаөн карсянь воим, лэччам Лөпыръяс! Мөй нö миянлы верст вит-ö-квайттö муныштны? Челядь гырысьöсь нин, гажа ывлаөдыс нимкодпырысь котортасны. Мед бурджыка видзöд-лыны ас синнаныс батьясныслысь чужан мунысö! Гажа вөр-васö. Медводдзаясь на жö воөм коми моньяс мед бурджыка видзöдлөны и! А сэсся дядыскöд öтлаын би дорын узям! Ыджыд ноддя пестам! Лыс чом керам! Юква пуам!

И öд гырыся-посниа котыр мөдөдчис сэсся тыра сумкаясөн восьлавны Ужъя туйöд, карлань лэччөдысь важ туйöд на. Школа дортi Пост мыс йылö кайисны — ставыс ки пыдöс вылын моз тыдалö! Юсь кодь еджыд вичко и сы гөгөр разгысьöм грездъяс. И сөдз ваөн лөсталаысь Сыктыл. И мөдлапöлас помтöг лөзалысь вөр. И сэтшöм гажа луныс! Шоныд! Лөз енэж югзьö помтöм-пыдöстөм йиркнас!

Эстшöм гажа да кыпыд му! Кыкнан коми моныс казавтöг эз овны жö тайс. Гажаа чиктылысь челядь, дерт жö, ас ногöныс гөгөр-воисны и.

А сэсся и мөдар чой горувсö лэччөм бöрын вöраинö пырисны. Бара жö дивö куш степьясын олысь войтырлы. Сымда пö пуясыс! И дивö — кодкө кузь-веж лыска, а кодкө дженьыдик сьöдоввеж лыска. Кодкө мичаа дорöсалөм да йыла коръя, а кодкө сьöкыдджык да гөгрөсджык коръя. И быдөнлөн аслас мича коми ним. Некор кывлытөм на ним! Пожөм. Коз. Кыдз. Пипу. Льөм. Пельсыс...

Батьясныс ставсö тайöс, дерт, төдöны на, а моньяс да посниулов немтор оз төдны. Абу нин тайö бурьыс налөн вежöрын. Лов выланьыс абу ни. Челядыс көть и Йöра рөдысь жö петöмаяс, но налөн лов вылын оз нин ов гажа вöра муыслөн серыс ни баныс.

Но öнисö мый нö таысь шогсыны? Öнисö, номъясысь öвтчыш-талiгтыр, кыпыда восьлав сöмын Лөпырлань. Визувкодь ёль татшöм

нимаыс, Сыктылө усьө. Хохол Йора Саш төдө, мый тулыснас сыд сын кульмыны катлө выдджыкса тыясө. Коркө отчыд Йора Саш кульмөдчыліс сэні Яг Иван дядьыскөд. Пес кодь дас куим сын, кульмөм бөрас лэччысыс, пыравліс налөн куломө...

Но а сэсса и Лөпырас жө, кос ягө, паськөдчөма пошшенсалөн да вадөрчилөн шойнаыс. Но сы йылысь өнісө налы дзык нинөмла майшасьны...

Воисны котырнас Ёль усянінө. Видзөдөны — паськыдкодь курьяас дядьныс пыж вывьян куломасьө.

И Хохол Йора Сашлөн юрын пырысь-пыр жө чужис өддбөн вильыш мөви: неуна шмонитыштны немтор на төдтөм кыйсьыськөд!

Сійө тшөктіс ставныслы дзёбсыны тшөг лыска-понөля берег дор вөрө да чөла пукалыштны на сэні, некутшөм шы лэдзтөг. Сөмын гусьоникөн видзөдны, мый лоө. Ачыс петіс восьсаинө да гөлөссө вежыштны зильмөн шыасис рочөн:

— Чолөм-здорово, бур кыйсьысы!

Мөдыс сувтовкерліс вөйтөм куломсө виддалөмысь, лыбөдліс юрсө, видзөдліс вөр пиысь петөм байтысь вылө да тшөтш воча шуыштіс:

— Но, здорово, нө!

— Меным эськө колө Сыктыл мөдарас вуджны да? — водзө пес тіс Йора Саш.

— Колө кө, и вудж, — эз зэв пөся вочавидз дядьө.

— Гашкө, тэ вуджөдан менө?

— Некор меным вуджөдчынысө! А сэсса и код пө төдас, кутшөм тэ морт. Дашкө, пыгьялысь.

— Ме карын пыри вөрө вотчыны да воши...

— Карын — вошин? Петлө вай лөсьөдлыны немтор абусө! Төдан-ө көть, мөй ылна татчөдз карсяныс?

— Ог төд, ме тай нель лун нин чайысыа-а...

— Хы, вошөм бөрын карсянь петны татчө! Вай эн пөрьясь! Челябинды мөй татшөмтортө, а не меным. Кыксө кызь километр карсяныс татчөдз.

— Но, ме гашкө и мукөдлатыс бордьясөн лэбовтышталі, — серамсө өдва нин кутөмөн шуис сэсса Йора Саш, мыйөн нөшта на чуймөдіс кыйсьысьбөс. Тайө пө, буракө, кодкө абу тыр сюсь. Пуксьөдан пыжъяд да и вермас на путкыльтны ваө. Мун да пө и корсь сэсса! Этша өмөй быдсяма шышыс шөйтө өні вөрьясөд.

— Но, лэбыштлін кө, өні либө лэбовт жө мөдлапөлас. Мөй тэныд пыжсыс! — зелөдіс сёрнисө дядьө.

Но сэки понөль пиысь рөч йылө петіс тшөтш Казах Йора Иван да серамсө кутны вермытөг шуис:

— А ме петі степө, Целина вылын, да сэтысянь воши!

Сэки дядьө лөсьөдіс ки пыдөссө син весьтас, сюсьджыка видзөдліс тешитчысыс вылө да вөлисти вөрзьөм гөлөсөн шуис:

— Да абы-ө тайө Йора пьян! Но, Ен ськөд! Сашө! Ваньө! Да тайө нө мый керсьө?! Да кутшөм нө дивө тайө?! — Болскөбтіс-лэдзис куломсө ваө да мый вермөмсыс пондіс сынны береглян.

А сэсса нин и мукөдыс сьргысисны-петісны вөрысь рөч пасьтала! И татшөмторсьыд помөдзис чуймөм-шөмөсмөм дядь дзыкөдз нин воштіс кыв-ворсө. Сөмын и шуис Хохол Йора Сашлы:

— Но, зонмө, этатшөма тэ бөбйөдлін менө! Век на тай важ кодьыд байтны кужысь Йора Сашө тэ!

И помтөм нимкодьялунөн гыгьялө ачыс, быдөнкөд чолөмасьө, быдөнөс топөдыштілө дзормөма щөтясьөм Лев Толстойлөн кодь чужөмыс бердө.

А Йора Сашлөн пиыс, квайт арөса Мишө, шуө пөрысь кыйсьысьлы:

— А ты, дедушка, Кишка! И здорово мы купили тоби!

— Да, пиө, здорово и эм! И вед некудзи ог вермы гөгөрвоны!.. Татшөмторсө сөмын батыд тэнад, Йора Саш, вермис мөвпыштны озыр вежөрнас... А өддбөн жө нин бур, мөй мөвпыштөма. Татчөдзсө

воны! Но сэтшөм жö нин нимкодэ меным тiянöс ставнытö, татысь, аддзыны! Позьö шуны — парма шöрысь виччысьтöг казялны! Часы, мийö би дзужкнитлам! Чери менам юква вылö эм нин. Чöскыд юква пуам! А сэсся и танi сьöлаяс олöны, пуртiкасьны лэччылöны. Лэч октам да, дашкö и сьöла на шедас. Сэки эськö и сьöла шыд пуам! Мöй таысь бурджыкыс вермас лоны?.. Но дивö тай! Вöт али вемöс нö ставыс тайö? Сьöд вөр шöрысь, тöдтöг-виччысьтöг, ме аддза тiянöс ставнытö?!

Да, тайö вöли — кыкнанладорсяныс — збыльысь весьöпöртана паныдасьöм!

Сэсся кодi кос пожöм пöрöдö ыджыд ноддя вылö, кодi кос увьяс да сирöд мыр чукöртö пусян би вылö. Кодi сук лапъя ныв пöрöдö чом вылö. Кодi юмов чöд тусьясөн чöсмасьö. Кодi чери сьöмийö да керö. Кодi ужнайтан "пызан" лöсьöдö.

А гажыс быдöнлөн! А кыпыдлуныс! А нимкодэдыс!

Весиг и дзикöдз лөньюм Лöпырика дiн семдытöдзыс жö чуймöма да шенмунöма татшöм вöвлытöм гажысь да нимкодэсьыс. Да некор вöвлытöм воысьясыс!

Чери керысь, кыпъялöмысла гылыда мынысь-личалöм сёрниа дядь велöдö роча-украина нога сёрниа ичöт Мишöос:

— Видзöд, пиö, б'эд чери, кыдзи и вöрас быд пу, кыдзи быд нитш ас кодэыс. Со гөрдов бордья да зарни сьöмья сын. А этайö паськыдыс да гырысьджык сьöмьяыс — ёдипи, либö ляпа. А со этайö вирсин, аддзан сёлөн бара синмыс гыр. Миян Вадöрын вирсинөн и шуöны. А тiян грездын, но, кöни батыд тэнад чужлис, кöть эськö и дзик орчöн, шуöны нин кельчиөн. А этайö со топыд сьöмьяыс ёкыш, сы понда сийс сiдзисö нимтöны, мöй со, видзöд, став бордьяснас лэчыда ёкыштчöма, век дась бытшнитны. Видзöд, сьöмийс еджыд черисылөн, васыс тöлкö на лэптöмайдлөн, личыда мынö. Но а муговджык ёкышьяссö мийö огö и сьöмийöй, мед сiдзи пусьöны да унджык көрсö лэдзöны. Лэчыд пурт йылсö мийö сюям да нуöдам кынöм ув бордьяс костöдыс, небыдiнöдыс. Сэсся и чапкам сювсö, мед катша-рака сёйö. Нёкчимьяссö перьям жö и, чериыс лолалö на пыр да няйтыс чукöрмö сэтчö...

А некор аддзывтöм на чöд сик вылö сатшкысьöм нылкаяс — Сашлөн Алла, Иванлөн Галя да Вера — чöсмасьöны юмов вотöсөн да юасьöны:

— Сы мында танi чöскыдыс! Кодi нö сийс татчö кöдзöма да пуктöма?

— Ачыс быдмö! Шондыс шонтö да зэрьяс киськалöны! — висьтавлö нывкаяслы Иван вок, Йöра Саш кодэ жö русыд юрсиа да лöз синма зумыд морт, мый сöмын неуна латшкöсджык ыджыд вокыс серти.

— Некод кöдзтöг ачыс быдмö? — оз на эскыссы вöртöминын олысь нывкаяслы. Сiдз жö, кыдзи и сьöкыд вежöртны тайс налөн мамьяслы, роча-украинаа коми моньяслы.

— Вөр пасьталаыс тадзи ачыс быдмö! — кыпыда висьтавлö татшöмторьяссы ёна нин гажтöмтчöм Иван. — Чöд и пув быдмö! Чöдлач и мырпом! И тшак!.. Часы мийö танi олыштiгөн ветлам на нöшта вöрас да вотыштам кöть нин чöдсö. Тшак да. Бура сакаралам да солалам да, гортöдз на нуыштам чöскыдсö!

Сэсся кык вок зiля вöчöны небыд ныв пу лапьясысь пелькиник чом, и гөгөр ёнджыка на пондö кывны ульөн кералöм ныв пулөн чорыд сирöд мырдыс. Кос кондаыс кузькодэ кык пом кольöдöны ноддя вылö, а öни сiдз на пестöны чом вомланьö гажа би.

А дядь сэк костi нуöдö сылы пырысь-пыр жö ёна мусмöм, мича сьöд синкыма Мишöос бокöджык, пу вужляён пузувтöм лыа осьлас дiнö.

— Видзöд жö, со кыччö лэччылöны сьöлаясыс пуртiкасьны. Луддзöм бокьяссö гыжъялыштны. Тойясысь мынтöдчыны. Мийö таччö

октам сиись лэч. Мийё водам узьны, а сьолаыс лэчас да пуртикасьны пондас. Сэссия и пырас лэчкас. Немтор, коть и отитё кьям, татшом празник радиыд вöрыс оз гöльмы. А тийö, дерт кöнкö, медводдзайсы на олöмад видланныд вөр кöра чöскыд сьола шыдсö.

— А, диду, велика ли та птаха, рябок? — юасьö зэв збыльысь видзöдысь да кывзысь ичот зонка.

— Як маленька курочка, — сы ногөн жö нимкодпырысь шуö пöрысь вöралысь да коркöя салдат.

Сэссия сийö, нöшта на нимкодпырысь петкöдлö ыли Украинаысь воём ичот зонкалы — аслас коми рöдпомлы, — кызди ставыс тайö вöчсьö. Бытгöкö и кокниа, но сэтшöм мудера вöчсьö. И увторьясөн бордыяс моз потшыштö сьолаыслы воанінсö, а пыранінас öшöдö тыдавтöм си пекая.

— И, думаэтэ, зайдэ сюда рябок? — бара на юасьö зонка.

— А куды ж ему деваться, — воча гыгъялö вöралысь. — Бока чешутся, побарахтаться охота. Да и камушков треба поклевать на песочке, чтоб лучше животик работал.

А сэссия и, чöv усьлём бöрын, кутшöмакö шогö усьыштöмөн, пöрысь вöралысь шуö зонкалы:

— Ок эськö, татöни кö тэ олин, ме эськö тэнö быдторыс дінö велöди вöрад да! Но кысь, абы нин сідзи шуöма да! Тэныд, пиö, коть и коми рöдпомлы, буракö, вöралтöгыс нин ковмас олны...

А сэссия и ставён пуксялісны чом вомянö, чорыд кöра небыд лыс вылö. Мойдын кодь лоём "пызан" сайö!

И нырад чамгö нывлөн сирöдыс! И сöмын на пусьöм юква көр гильöдö выгьтö. И азыма шлонгö кос пес. И муртса кывмөн шувгö-мойдö вой кежлö лöсьöдчысь вөр. И орччөн сьялöдчысь юсянь öвтыштö сöдз ыркыдөн.

А пызан-вольöсьяс вылын мыйыс сöмын абу! И коньяк доз и "сливовица" доз, и весиг Казахстанысь татчöдз воём еджыд кумыс доз! Яблök и слива, абрикос и вишня! Украинаысь гортса калбас и ыли асывылын тшындöм том чань яй! Но медяса чöскыдыс, дерт жö, уна чериысь пуём юква!

И ставыс тайö — тадзисö дивöкодья аддзысьлöмыс, дзоньнас тайö вöвлытöм луныс, и рыгья гажа биыс, и сьод вөр шöрын тайö дивöкодь пызаныс, — ставыс! Ставыс! вöліны збыльысь мойдын кодьöсь!

Олёмас мыйта бурсö вермö мövпыштны да сэссия и лöсьöдны мортлөн муртавыны позьтöм вежöрыс!

Мужичöйяслы кисьтаісны "сливовица", нывбабаяслы — ичотикаөн коньяк, посниуловлы — сэтөр сорён пöжөм чай.

Хохол Йöра Саш сувтис пидзöс вылас, копыртыштлис юрсö да ыджыда, шоныда-шоныда шуис:

— Сё муса Коми вөр-вай, дона чужанінöй тэ миян! Лэдзлы бара миянös олыштны ас ордад. Коть нин неуна гöсьтитыштны бара лэдзлы ас ордад ылалём пи-нылтö...

Быдөн нормыштлисны татшöм шуöмсьыд. Но и точкысисны кружка-чашкаөн да юисны.

Нöшта на нимкодьмөм, винатö радейтысь жö, Лев Толстойлөн кодь чужöма дядь весиг шылькнитис кынёмсö голясяныс да шуис:

— Тая тай öддьөн бур вина вöлöма! Сідзи и öгралö кынöмын. Ай да "сливовича!"

Бур кö, и ю, шань мортöй! Ыджыд мывкыда коми мортöй! Сьölөм бурмытöдзид ю! Да чöсмась-сөй! Племянникьяснад да коми моньяснад вайöмаөн. Да, дерт, и аслад кыйöмаөн.

А став воёмаяслы, дерт жö, медъяна кажитчис би вылысь сöмын на босьтөм юква. Бытгöкö Коми Мулөн, сылөн Вөр-валөн став чöскыдыс вöлі кызкö төрöдчöма сэтчö! Мед нин сöмын бурмöдны сьлöмнысö Ылі Муясысь регыдик кежлö воём рöдпомлысь!

Кажитчис пöрысь вöралысь-салдатлы и сылы видлөм вылö вайөм кумыс:

— Тая өддөн жө бур юан! Ме кывлі, мөй морттө пө кыпөдө да ловзөдө сія, но эг чайтлы, мөй татшөм гылыда да чөскыда пырө.

Сэсса сійө шуис Иван воклы:

— Казахстанад ме эг вөллы. Украинаад воуйтлі, төдышта сэтчөс муястө. А вот тияладорсө ог төд...

— А мөй, гөрисны ковыля степьяссө. Войвывладорас өні пасьталаыс му. Ёнджыкасө шобдї быдтөны, уна клетчаткаа вына шобдї. Сы вөсна, мый пөсь шондыс уна инмө... Өддөн чөскыд нянь артмө... Тупөсьтө пөжалан да, пөльтчөма моз лыбө. Көть и личкыштан, бөр лыбө... Помтөм-дортөм муясыс пызан пөл кодь шылыдысө... Километр-мөд пасьтаөн сөмын и торйөдлаыштөмабсь вөньясөн...

— Дашкө, эз ков сымында степсө путкыялыны? — шуө пөрысь вөралысь, дерт, көнкө, важөн нин мөвпалөмсө.

— Дерт, көнкө, эз кол! — шуө уна жө гөгөрвоысь Иван. — Лөк төлъяс өні бура чашйөны-нөбөдөны турунысь кушмөм муяссө.

— Миян тани, ад горшъяс моз уджалгад, сэтшөмтор жө вермас артмыны, — шуө сэсса Лев Толстойлөн кодь чужөма пөрысь вөралысь-салдат. — Став вөръяссө и быдтор кө лөк ногөн чашъясны...

Дыр быдтор йывсыс сөрнитісны чөскыд "пызана" гажа би дорын өта-мөдсыныс өна гажтөмчөм, өта-мөднысө пөся радейтись йөз, дядя-племянникаяс. Челядь водалісны чомйө да чөскыда унмовсялісны. Куткыртчөмөн пондісны вугравны и тайө кузь луннас мудзөм да пөтөм коми моньяс. А винаөн да вөр-ваөн өддзөдөм мужичөйяс сөрнитісны и сөрнитісны. И помыс эз вөв налөн юасьөм-висьтасьөмлы...

А асылкинас, том йөзлөн узиг да вугралікості, пөрысь вөралысь пуөма сьөла шыд! Да сэсса и пондіс чөсмөдны ставнысө — торйөн нин поснясөс да коми моньясөс — вөр-ва пөтөсөн паркйысь дивөнас!..

Блі гортъясө бөр муналөм бөрын челядь дыр сэсса казтылісны тайө, збылысь мойдын кодь войсө! И ставсө! Ставсө! Өд найө, татшөм ногнас, көть өтчыдысь матө сибөдчылісны асланыс пөль-пөчлөн важ олөм-вылөмыс дінө. А сэсса и код пө төдас, кызиджык да мыйджык кылөны найө лов выланыс став татшөмторъяс бөрас. И кодөнджык кылөны найө асьнысө. Өнісө, дерт, верстяммөм бөрын нин...

И бур на, мый көть тайө югыдыс тшөтш сюрыштис налы! Мый ловьяөн на, кыпыдөн да быдтор сяммысьөн тшөтш адзылісны на найө Лев Толстойлөн кодь чужөма вөралысь-крестьянин-салдатөс. Көть нин асланыс пөल्याсныс пыдди!.. Өні со вед сійө важөн нин куйлө чужан муын, нэм кежлас нин водөма Лөпыр шойна ягө. Неылө налөн коркөя войковтанінсянь...

Садьмис да пондіс ноксыны кылтын тьөтушыс, пач ломтыны да мый да.

Тшөтш садьмис да кутіс нюжмасыны диван вылын узысь Жельнөг Вась.

— Но, кыз-мый узьсис гортад ветлөм бөрын? — юаліс сэсса кыз гөлөснас.

— Быд ногыс, — ылөсас шуис Хохол Йөра Саш. — Водз садьми өддөн лөк вөтысь. Быттө му пытшкын на ме, шахтаын, да чуть эз жамкнит менө. Өдва ловйөн мыні... А сэсса, вемөсөн нин, быттө бөр волі өти өддөн шуда войө. Кызди мийө, кык воклөн семьяяс, ылі муясысь челядөн да быдсөнөн воөмаяс, лэччим тасянь Лөпырйө, кыйсысь дядь дінө, виччысьтөг суим сэтөні сійөс да ставөн узьмөдчим гажа би дорын. Пөсь юкваөн и быдторйөн. Мойдын кодь вөлі!.. Коркө, машинаад, кад лоө да, висьтасьышта... Но а тэ мөй шуан аслад ветлөмыс йылысь?

— А мый ме шуа?.. Кызди и быдлаын өні, оз жө өна гажөд татчөс олөм-вылөмыс. Видз-му овмөс дзикөдз киссян выйын. Шуам, ыджыд сикт пасьталаын, көні куим грезд, көні коркө вөвлі матө дас колхоз, кольөма сөмын өти мөс карта. Дерт, асьныс, торъя войтырыс, өні унджык кутөмабсь видзны скөтсө-а. Сөйнытө өд мыйкө век колө...

— Меным висьтасьыштисны жө нин татшөмторъяс йылысь...

— Вөр овмөс ёна жö пазалöма. Весиг пö со леспромхозлысь медшöр сөнсö — векни көрт туй — разялöны. Мый вермöны, кыс-кыштöны сöмын машинаясөн. Леспромхоз пыдди лöма акционер котыр, көни, дерт, кодьяскö озырмöдчöны, а кодьяскö виньгиртöны. Вөр лэдзöмысь кындзи став мукöд службасö татшöм котырыс чуктöдöма район көштö, а налог омöля мынтö. Со сэсся и уна мукöд уджалысьлы некытысь сетны уждон.

— Быдлаын нин öткодь! А вед тайö көрт туй кузяыс сы дыра да сэтшöма гымöдлісны-петкөдлісны Тям ягъясысь сись кодь мича пожöм! — шуис Хохол Йöра Саш, сійö, дерт, доймастьöг эз ов татшöм-торъяссыд. — Страна пасьта юргис-нималіс леспромхозыс! Öти кадö директорысьлы, Некрасовлы, сетлöмаöсь Сталинскöй премия.

— Важ школа киссян выйын, вылысьлы пом ни дор на оз тыдав, — водзö лыдбöдліс газетö гижысь Жельнöг Вась. — Больнича öдва жö нин ловъя. Öни пö тай сійöс сетöны районлөн гöлиник көшт вылысь Минздравö, гашкö и мыйкö вөрзыштас... Йöз омöльджыка пондісны сөйны, но ёнджыка юöны вина. Торйөн нин уськөдчöны коммерсантъяслөн вайöм, донтöмджык да, дерт, ёна лёкджык юан вылö. Да нöшта “Блеск” вылö...

— “Блеск”? — эз гөгөрво Хохол Йöра Саш.

— Буракö, стеклö весалантор, кутшöмкö спирт сора ва. Донтöм да, юысь мортыд быть босьтö. И дерт көнкö, татшöм “Блескыд” розявтöдз “весалö” кынöмтö. Юр вемтö и.

— Но, сё мокасьт, и оландыр пуксис!

— Та понда кулысьыс унджык, а чужысьыс ёна этшаджык... Сэсся мый?.. Кодсюрö том йöз эськö и карö лэччöны водзö велöдчыны, но бöрсö гортаныс омöля воöны. Кыдзи и мукöд коми сиктъясын. И тадзи коми сиктыс, коми олöмсö медъяёна кутысьыс, ассьыс медбур вежöрсö воштö...

— Татшöмторъястö кылзигөн Яг Иван дядь бергöдчас аслас гортйын, Лöпыръяс, — шуис Хохол Йöра Саш.

— Бергöдчы көть эн сэсся. Сэтшöм нин тай олöм керим бара на... Став важсö путкыльтам да чайтам, мый öни сэсся пырысь-пыр жö ставыс выльмас и бурмас. Бара жö мойдын моз... А кысь нö сійö жö фермерыс вермас ыджыда бурмöдны да ёнмöдны видз-му овмөссö куш сöмын зырнас да чернас мырсигөн? Кор лючки трактор ни машина оз вермы ньöбны? Кор ломтасыс да мавтасыс сылөн вöчан йöлысь ёна донаджыксь? Кыдзи нö сійö куш сöмын аслас сой вынөн вермас вердны та ыджда странасö?.. Бур нин көть, мый татшöм збожъясыс кызкö-мыйкö асьнысö на вердыштöны. Челядьнысö да...

— Челядь дырйи лёк олöм олём, öни бара жö сэтчö воим! — ыджыда ышловзис татшöм сёрнияс вылад Хохол Йöра Саш. — Кыдзи нö ми вокыс кулнысö пондам? А, Жельнöг Вась? Кутшöм сёлöм кылöмөн? Дашкö вед абу нин ылынöсь öни миян татшöм кадъясыс? Пöшти став миян тшöтшгъяяс нин абы ловъяёсь?..

— А сідзи жö и пондам пöрласьны! Челядь вöснаыд ёна шогалігтыр и колмас мөдöдчыны мөдар югыдас! — көрталіс кыз гөлöснас газетö гижысь Жельнöг Вась. — А не помöдз кисьмöм-воём шобдi кольта моз лöня водны.

Водза мөвпыс кык ёртлөн вöлі кайлыны Кажымöдз, кодi ёна нин Сыктыв йывъясланнын. Хохол Йöра Сашлы, дерт нин медбөръяысь, тшöтш окота на вöлі копыртчывны томдырся уджаланинъясыслы. А газетö гижысь Жельнöг Васьлөн, дерт, вöліны и аслас, мөд пөлөсджык могъяс. Но важ гортланьö воём бöрын Хохол Йöра Сашлөн сэтшöма вөрзис сьлöмыс, сэтшöма босьтчöдіс сійöс нимкодъыс и шогалöмыс, мый водзö вөрзыны сылөн быттьökö и эз нин коль выныс. Сэсся öд и бөръяысьсö волігас, во дас сайын, кор Союз киссьытöм на вöлі,

да кокниджыка на позис ветлөддыны, сійö, Хохол Йöра Саш, кайліс нин сэтчöдз, зэв унаöнкöд аддзысьліс сэки, öні пö на пиысь кодсюрö абу жö нин ловъяöсь...

Сэсся и воисны öти кывйö кык ёрт: ладнö пö инö, öнія сэтчöс олöм-вылöм йылысь пö ме тани, районас, мыйсюрö тöдмалі, — шуис та понда Жельнöг Вась. А воддза кайлöм йывсьыд пö тэ меным ставсö бура висьтасян. А ме пö сэні, ачым вöвлі жö нин. И Кажым заводьслөн важ йывсьыс пö ме öттор-мöдтор видзöдлі туйö петтöдз.

Таdzi шуöм бöрын найö, медводз, рытывбыд пукалісны Жельнöг Васьлөн Ичөт Атлас весьтын, кодöс сійö тшöтш босьтöма туйö, да ёна чуймöмөн видзöдісны да босьтисны лов выланьыс, кызди визувтöны таладорас юяс, да кутшöмджык муяс да оланінгъяс на гөгөр пуксялöмаöсь.

Вильысь медся ёна шызьöдіс найöс, кутшöм матынöсь öта-мöд-сянныс Сыктив йыв да Кама йыв!

— Абы и дивö, мöй Кама йылыс пö коркöясö тшöтш пыралöма миян Ужъя вөлöсьтö! — казтыштсис öнісö лов тырнас вөрзьöм, ылі муясысь воём Хохол Йöра Сашлы коркöясöджык нин тöдлöмаыс.

— Да, дас квайтöд нэм помын пö петöма Кама йылыс тиян Ужъя улысь.

— Нельсё во сайын! — пöся шуис Хохол Йöра Саш. — А, буракö, эз эськö ков петкöднысö! Мед эськö и сэті тшöтш, дзоньнас, колис Коми Муён! Коми йöз оліныс да!

— Öнісö сэні, шулі нин тай, олöны сідз шусяна сюзьдінса комияс, Кировскöй обласьтö пырöны.

— Либö көть мöй нин эськö вöлі не öтлаöдны найöс Коми-Пермякъяскöд?! — дöжныштис Хохол Йöра Саш. — Видзöд со, дзик орччөнöсь найö. Камаыс сідз и таdz кезö налань, Веслянаысь уна ва босьтöмөн вомöналö налысь мусö.

— Сідз эськö да... — шуис кыз гөлöснас Жельнöг Вась. — Но öд роч сарьяслөн вöлі нырвизь — кыздисюрö юкы-горйöдав йöз котыръясöс да и ыджыдав на вылын. И со — сюзьдінса комияс лоины Вятка му вылын да öнісö джынвийö рочö нин пöрисны.

— Вот шогыд!.. — доймыштчис татчö ылі муясын жö олысь Хохол Йöра Саш. А сэсся шуис: — А вед том дырйи öтчыд ме и ачым татыясöд ветлөдлі. Кама йывьясöдзыс көрт туйөн воим, а сэсся подөн петалім Кажымöдз. — Öнісö ёна нимкодпырысь казтыштис тайöс Хохол Йöра Саш.

— Сідзкö либö тшöтш таяялін важ пöль-пöчьясыдлысь нэмöвöйся туйсö?

— Дерт, туйыс вöлі ёна нин вөрсялöма...

— Кызди нö оз вөрсяв, став йитöдгьясыс орлісны да... — шуис Жельнöг Вась. — А көрт туй помсö сэксаян ёна нин нюжöдісны. Военнöйяс да дзескыдінын пукалысь йöз. Öні Кама да Сыктив йывьяссян Эжва йывьяслань нин воöны... Мыйта вөр — медмича вөрьяссö! — нуöма куш сöмын татысь...

— А збыльысь вед, кутшöм матынöсь найö ставыс! — некыз оз вермы лöнны ёна шызьöмсьыс Хохол Йöра Саш: — И Кама йыл! И Сыктыл йыл! И Эжва йыл!

— Сы понда тай и, кызд шулім нин, и медмича вөрьясыс тани быдмылöмаöсь! Ва юксянінас, — содгис ассьыс уна нин мөвпалöмсö Жельнöг Вась.

— И коркöясö ставсö, пасьталаыс, вöралігъясас гежмавлісны миян пöльяс да пöчьяс!

— Да, пасьталаыс! Подөн... — Öд со и лыддян важ гижöдгьясысь: "Сшёл кормитца на Вычегду, на Каму — в Кайгородок, в Сибирь и неведомо куда"... — шуис ёна жö ыззьöм Жельнöг Вась.

— Миян тани Койгорт, а Кама вылын Кайгородок! — вачкис Хохол Йöра Сашлы.

— Йитöдыс, дерт, восьсөн тыдалана, — шуис Жельнöг Вась. — Важ туйыс бура йитлöма найöс.

— Видзёд, Кайгородокыс, а дерт кёнкё, Кайгорт либё Койгорт вёвлі, — видзёд, сійё матё пуксьёма Камаё усьысь Кужва дінё... — шуис Хохол Йёра Саш, — а ме том дырйи уджавлі Куж лесопунктын, Кажым туй вылын сійё, час ме тэныд висьтышта на сы йылысь... А орччён визултё неыджыд Куж-ю, мийё сэтысь гымгаён чери кыйлім... Сэтёні, Кама вылас, Кужва, а миянын Куж-ю.

— Да, ставыс йитчёма! — шуис газетё гижысь Жельнөг Вась. — Но видзёдлы жё, кызди Камаыс водзёсё мунё! Коми-Пермякяс бёрын ёнія Пермскёй обласьтёд мыйтакё сетчё на асыввыв, сэсся и, уна ваа Колва да Висер босьтём бёрын, крута сетчё Лунвыв. А Колва да Висер ётлаасянинас пукалё Чердін. Чердынь! А мыйла Чердін? Дерт, кёнкё, сы вёсна, мый кык ыджыд юыс, ётлаасига, вёра мусё чер ногаён шёрыштёны... Кёнкё татёнъясын жё коркё вёвлёма и Изкар. Искор... Коркёя Великёй Перымлён, став коми йёзлён юркарыс. Кодёс вир кисьтана косьён босьтисны роч князьлён войска...

— Кутшёма ставыс тайё вёрзёдё коми мортёс! — ыпъяліс ылі муясысь воём Хохол Йёра Саш.

— А видзёд, нимъясыс кутшёмёсь Камаё усьысь юяслён да оланінъяслён: Колва, Висер, Усва, Лысва, Чусва, Яйва, Косьва, Юсьва, Обва!

— Ставыс тёдса коми нимъяс! — ызъяліс Хохол Йёра Саш. — Миян, Комиын, унджыкыс сэтшёмёсь жё!

— Но и не сёмын тайё шензёдё! — пёся шуис Жельнөг Вась. — Тэныд мыйкё висьталё-ё, шум, сійё жё Обваыс?

— Об?! — чунгёмён-чунгис Хохол Йёра Сашлы. — Тэ чайтан, Из сайса Ыджыд Обыс кызкё-мёйкё татшём сяма жё?

— А мый нё абуыс! Комияслён Об-ыс лоё батыдлён чойыс. Сочыс. Тьётка. Челядьлы ёна пыдди пуктана, ыджыд морт!

— Миян тай эськё тані батыдлысь сочсё вежанён шуёны да, — абу на вунёдёма Хохол Йёра Саш.

— А мый сійё вежаныс? Вежа ань... Но коркёясё, Кристос вераё пыртёдз, буракё, ставныслён вёлёма сійё Об-ён. Ыджыд-бур тьёткаён... А комиясыд век нин Из саяд вёравлісны жё. Ёні на мыйтаён олоны и... А Об кузяыд кё... Кодкё, коми морт, медводз петіс сы дорё, шемёса видзёдліс ыджыд, озыр да лышкыд ваыс вылё да и шуис: Об тайё ставнымлы миянлы!

— Помёдзсё тайёс туявны ёні, дерт, сьёкыд нин, — шуис та вылё Хохол Йёра Саш.

— Сідзи эськё да... — эз кут вензыны Жельнөг Вась. — Ме асыым мёвпёс тэныд висьтала, код вылё медъёна чуйдёдё Камаас усьысь Обва... Сэсся ёд и Сибирас, Из саяс, мыйта жё Лысваыс, Сосваыс да мукёд ваыс! Весиг ме чайта, мый Омск ним йитчёма жё коми Ом-кёд.

— Миян тані, Сыктыл йылын, вомсё шуёны ом-ён...

— Ме тёда... Мися тай, Иртышё усьысь ю вомыс серти нимтісны Ом-ён дай... Рочьясыд ёд сійё местаясас ёна сёрнджык воисны комиясыд серти.

— Ставыс тайё, дерт, интереснё и помёдз туялтём на...

— Но, дерт, водздаджык Муыс, Ай Гортыс, комияслён вёлёма Кама гёгөръясын! Тайёс кылёмыс менам вир-сёнын оло! — пёся шуис газетё гижысь Жельнөг Вась. — Видзёд со и нимъясыс кутшём матынсь! — Коми, Кама, ком... Ставыс тайё кыз нэмъяс пыдёссянь воёма. Сэсся, видзёд со, Коми-Пермякяс сэтёнось жё. И миянлы ёна матыс удмуртьяс! Камаыс, видзёд, буретш найёсянь заводитчё, а сэсся, ыджыда кытшовтём бёрын, выльысь на пыравлё налён муё... И кывъясным миян, удмуртьясыскёд, дзик ёткодьёсь. Коркёясё, дерт жё, ёти йёзён, ёти народён найё да мийё вёлімё...

Сэсся найё сёрнинаныс матёдджык гортлань воисны да водзё быттё пондісны кайны Сыктыв йывлань, коді, кызди шуим нин, сэтшём матын Кама йывъяссянь.

— Во дас саяс ме выль туйёдыс нин кайлі Кажымёдзыс, — казь-

тыліс öні Хохол Йöра Саш. — Öні на ставыс син водзын... Ме сэки тани буретш пыралі книга вузасыніö. Басниö воим том нывбабаяскöд, да найö висътасисны, мый карсянь ветлöддöны Сыктыл йылса сиктъясöд да вöзйöны Комиын петöм выль нигаяссö. Регыд пö веськöдчам Кажымлань. А меным и чунгис: босьтöй менö тшöтш автобусанныд! Ме ылі муясысь татчö вои, а том дырйи сэтчöсьясын ёна уджалі. Көть нин син пöлөн окота тшöтш выльысь видзöдлыны! А мöй нö пö, босьтам, катöдлам бöра-водз, места пö мян эм...

И вед мöдöдчим сэся. Менам сёлöмöй ыпъялö — мöй дыра эг вöлы!..

Выль паськыд туйыс öні оз жö нин Пост грезд пыр нуöд, а школа сай мыс йылсянь кежö, вылинъясöдджык муно. И тöдтöмөн жö кажитчö, туй пöлөнъясöд кутшöмсюрö выль сора вөръяс быдмышталöны да.

— Сы пыдди выль туйöдыс ёна веськыдджык да матынджык, — шуис быдторсö тöдыс Жельнöг Вась.

— Кымынысь ме важ туйöдыс öтарö и мöдарö тапсьöдлі подөн! — шоныда казтылö öні Хохол Йöра Саш. — Комын вит километр Кажымöдз. А водзджыксö и колö вöлі Ныдыбöдз на мунны, эшшö дас нель километр. Ёна колмис том дырйи ветлыны! Гажтöмыд босьтас гортсыд да, петан да, мунан да мунан öтнад.

— Öтнад! — сёлöм сетö ёртыс.

— Ёнджыкасö век тай öтнамөн веськавлі... Но важ туйыс — кайö да лэччö да — кызкö быттö кыпыдджыкөн вöлі, пода мортыдлы, оломöдмаджыкөн... Гортсянь кайигөн медводз воö Сёлö... Öні, дерт, некөн нин немтор абы-а...

— Сёлö?.. Роч нога село?

— Ме чайта, абу, Сёлöыс мян — ва пыдöсысь сюравлысь плавкös из не из, мöйкö рöшкыдджык, буракö, кутшöмкö минерал...

— Хы! Некор эг кывлы татшöм йывсыс! — шензис Жельнöг Вась.

— Сöмын ог тöд ме, кызди сэтчös Сёлöыс вöлі йитчöма ва пыдöсысь сюравлысьыскöд. Дашкö, пöчиноксайса ёляс уна вöлі сэтшöмыс?

— Öтка керка сулавліс?

— Вель ыджыд гаж кушинын, керöсын — öтка овмös. Ыджды керка-картагөн и мукöдторйөн. Гөгöрыс видз-муөн. Митрöшовьяс овлісны-вывлісны сэні. Ыджды писö, Петяös, ме бура тöдлі.

— Водзö и водзö шензьöдöны важ коми йöзыс, кодъяс со тадзи, öткөн, петавлісны овны сьöд вөр шөрö, — бара на шоныда шуис та кузя газетö гижысь Жельнöг Вась.

— Да, мöйта вын, повтöмлун да терпитöм колмыліс найöлы! — öти кывъясис сыкöд и Хохол Йöра Саш. — Мед аслыныс олөм поз лöсьöдны, вöрыслысь му-видз мырддыштны.

— Öні кö эськö быдён тадзи вермис да лысьтіс.

*Сэся Хохол Йöра Сашлөн чужöмыс водзö на югзыштіс öти шуда казтылöмысь:

— Сёлö ёль саяс ме öтчыд вель дыр вöтлыси ыджыд сьöд чукар бöрся.

— Вöтлысин? Муöдыс котраліс чукарыс?

— Но, тулыс помланыс тай найö лыслöны, весиг оз вермыны лэбалны. Ме шалксьöда-муна, видзöда — туй бокас сійö, бисов сын, суалö да дзоръялö. Мися, ранитчöма але мöй! Уськöдчи кутны! А сія, юрсö гоньгöдма да, саяй-пышій меысь. А ме, син ни пель, чашійся сы бöрся вөрöдыс! А сія пыр öтарö суқджык тілляс пырö. Вужляяс уліті тувійö кузь кокнас. Ме мукöдлатыс дась нин вöтöдны, но сія, бисова, эшшö на чожаджыка чепöсйö... Шуа тай, дашкö быдса час чöж вöтлыси ме сы бöрся, лешак бöрся, но сідзи и эг вермы кутны. Сөлсем пöсялі, öддён ёна мудзи, но колмис куш кырымөн бөр петны туй вылас. Вед водзын меным колö вöлі сымында на палгалны.

— А ыджыд-ö нин тэ вöлін сэки? — нюмъялö Жельнöг Вась.

— Буракö, ар дас вита... Шедіс кö эськö, бур содтöд вöлі нянь карточка дінö.

— Быдён кёсий бурджыка овны тайё му вылас! Морт и дозмёр!
— Сыёдз некор ме эг чайтлы, мёй чукарыс не сёмын швычөка лэбалё, но и му кузя мортысь тэрыбджыка котралё, — шуё Хохол Йёра Саш. Сэсся и сійё, татшөм казтылёмсёйс шоналёмайс, водзё висталё:

— Сёлёсяныс дас километр мунём бёрын, дерт, бара жё важ туйёдыс, воан вёлі Уддзи пөчинокө...

— Уддзи? А мёй сійё лоё? — юасё быдторсё төдны кёсийсы Жельнөг Вась.

— Ог и төд... — шуё мёдыс. — Буракё, өддён важ коми кыл жё. Дашкё и кызкё йитчөма "улі" кылкөд... Көть и эскё пөчинокас колё вёлі кайны өддён кузь да джуджыд керөсөд... А Уддзиас вотөдз на черессюлу мича да паськыд ягъяс сулавлёмаёсь, миян батъяс на бура пөрөдчылёмаёсь сэтөн. Керасигас вөр диторъяс кольышталёмаёсь, өні, дерт, көнкё, насянь выльысь нин пожөма ягыс суалё... А Уддзиас нель керка лэптылёмаёсь. Ставыс Лёкан рөдыс. Водзджыксё кык вок волёмаёсь, найёлөн керкаясныс ёна нин воймёмаёсь да лажынтчөмаёсь сулалісны. Сэсся найё дінө мөд кык вок волёмаёсь, найёлөн керкаясыс вёліны ёнөсь на, гырысьсөсь да кыпыдөсь... Терень ордын шойччанін кодь вөвлі, джуджыд кильчөа керка өдзөсыс век вөсьса. Пыран да, пөсь чайөн юктөданыс, рысь кодь еджыд сола ельдөгөн чөсмөданыс...

— Да, мыйкё өддён шаньтор вёлі да муніс миян олөмысь! — шөгсяна пөсьлунөн шуис татчө газетё гижысь Жельнөг Вась.

— А водзаджык Лёканыс пөвстас вёлі менам бур ёрт, Васька нима, өддён бур вёралысь.

— Но, тайёяс көть, миян тыбъюсаяс моз, нельөнөсь жё вёлёмаёсь, рөдвуж. Ковмас кө, век нин отсыштасны өта-мөдныслы.

— Дерт көнкё, сэтшөмджык думөн и торйөдчылісны сиктъясысь.

— А Кужйөдз сэсянь ылын-ө вёлі?

— Көкъямыс километр... Сэті өддён кузь да сук вөр вёлі суалё, коз сора пожөм. Сэтисө, буракё, медся гажтөмөн да шуштөмөн кажитчыліс меным туйыс, өтка зонкалы, — шуис Хохол Йёра Саш. Сэсся, здук мысти, бара на нюмдіс выль югыд казтылөмысь: — Но өтчыд меным ёна колмис "гажөдчыштны" и сэтөні...

— Кызди нө?

— А бара жё сьөд чукаркөд! Сэки дозмөръясыс ёна на олісны Сыктыл йылъясад!.. Буракё, вёлі аръявыл. Ме кая вёлі асланым важ пищальөн. И — дзик нин виччысьтөг! — водзё шлоп-шлоп пуксис чукарыс, кузь пожөм йылё. Дерт, вирөй менам пырысь-пыр жё чажнитіс-ышмуніс, ме лэпти курөкөс да понді каньксөдны-матыстчыны вөр пөлөнөд. Менам сөлсем вуніс, мёй ударникыс пищальын ас керөм, пружинатөм и быдсөн. Мёй сія водзвыл лэптөм курокад вермас гылавын аслас поэйысь.

— И гылалөма? — гөгөрвотөг эз ов Жельнөг Вась.

— Да, усёма, бисоваыд... Ме колана ылаөдз сибөдчи чукарыс дінө да и чөкниті-лэдзи курөксө. Но важ пищальөй менам эз лый... Кызди нө лыяс ударниктөгыд?!

— Нда, весьөпөртанатор тай!

— Ме сёласи да сёласи! Да быд ногыс сөтки ас кежын! Но кысь нө корсян ударниксө турун пөвстсыс? Сэтшөм ичөтиксө? Вед сибөдчисө ме вөр пөлөнөд, а эг туй кузя!.. Но и чукарсө сэтшөм жаль меным кольны! Сымда чөскыд яй пукалө юр весьтын? Ме понді гурйысыны зепъясын, мед көть нин кутшөмкө көрттор аддзыны. Немтор оз сюр! Водзвыл кө төдін эськөн, дерт пуктін-а... Сэсся ме пуртөн да изйөн да, понді веськөдны пищаль ствол дінысь көв пысалан кольчасө. Мед сійөс лөсьөдны боёкыс пыдди...

— Но и дивө тай! — кыза гыгъяліс газетё гижысь Жельнөг Вась. — А сьөд чукар пукалө?

— А чукар, бисова, пукалө да видзөдө ме вылө, мый ме сэні, уліас,

керся... Сэсса вед и перйи да веськөдi ме кольчатö. Весиг мыйтакö тшöтшöдышти да кык из костын йылдышти. И суйи ударник позйö. И, мöй вынсыс нöйтчыс сьölöма, пезьдöдi курöкöс... Но важ пищальöй менам бара на эз лый!

— Сидзи эз и лый?! — сьölөм сетö Жельнөг Вась.

— Сидзи эз и лый, бисоваыд! — öнисö гажаа нюмялö ыли муясыс воөм Хохол Йöра Саш. — Көть тэ сэсса мöй кер! Көть голя тырнад горзы-бöрд!

— А сэсса мый лои?

— А сэсса ме мыччöдлi ме вылö наяна видзöдысь ыджыд сьöд чукарлы кулакöс да сьöласигтыр мөдöдчи водзö.

Кык ёрт сэсса бура дыр гыгьялисны коркöя матö воөм вöралысь вылын. А сэсса, мед водзö сёрниыс гылыдджыка мунас, морт öти румкаөн лöдсасыштиньы.

— А сэсса тi воинныд Кужйö? — коставлыштöм бöрын водзö пондiс юасыны газетö гижысь Жельнөг Вась.

— Öнисö бара жö колмö кежны выль туй вылсыныньыс да не важ моз веськалан Кужьяс. Та понда ли, гөгöрыс выль вөрьяс быдмöмла ли, кызкö бытгьö тöдтöмөн кажитчис Кужйыс. А сэнi ме прамöй пöрöдчысөн лолi. Черөн да лучкөвöй пилаөн дас кубометрöдз вөр пöрöддi öти луннас. Орийöддi кер вылö и лыс сотлi. Кор бурджык яг веськалö да сьölөм вылын кыпыдджык овлö. Позьö шуны, мужик мортөн лолi сэтөн. Менö казялисны сэтөн жö, Кардорö мастерö велöдчыны мөдöдiсны...

— А öнiджыкьясас, дыр мысти кайлөм бöрад, некодöс, көнкö, эн и тöд?

— Мыйла нö! Аслам тшöтшьякöд паныдасыли, миян сиктыс жö петавлөм Öльöксанкөд. Весиг нуöдлiс гортас ставнымöс коньяк доз дiнын пукуыштын. Ыджыд керкаын олö, öддьөн паськыд йөр дiнас, баня и скöt картаяс, вöчасян мастерскöй, көнi пуыс да сямöдысь быдторсö керö. И сымында струмент öшалö сэнi. Менö весиг завидь босьтлiс сьлөн татшөм олөм-вылөмсыс. И челядсьö тадзинад, тыдалö, бура быдтöма, пиыс пö, Сан Санэч, карса прокуратураын ыджыд чина уджалö...

— Видзöд со! Сяма да садь юра мортыд тай некытчö оз вош. Карын ни сьöд вөр шöрын. Ни, тэ моз, ыли Муясын.

— Дашкö и сидз... Да вед и гöтырсö ме Öльöксаныслыс тöдi сэки. Во нелямынъяс бöрын...

— Тöдiн?

— Вöвлi водзтiсö кыскö вайөм немечьяс пöвстын Катя нима öддьөн кыпыд ныл. Öнi на сэтшөм жö кыпыд и, сөмын мöй шылялыштама... Шуа сылы — мöся тэ тай сiя Катяыс? Да пö, ме пö, — шууда сералö... Öльöксан саяс пö верöс сайö петавлi.

— А мукöдсö тöдiн жö?

— Сэсса некодöс эг. Öти дзор тьötкакöд паныдасим, да шуöны вöли: такöд пö öтлаын жö уджалiнныд. Но... нимыс тöдса, а ачыс сөлсем нин тöдтöм. Да, тыдалö, и сiя менö эз жö тöд.

— Да, ёна том дырсянныд да пöрысьмытöдздыд тай ёна вежсьö мортыд.

— Сидзи! И быдтор тай вежсьö!.. Тайöс ме выльыс на гөгөрвои Кужьяс... — Хохол Йöра Саш чöv усылiс, сэсса, тöдчымөн шоналөмөн, водзö шуис: — Сэсса и ме Кужьяс воывлi öти ныл ордö...

— Воывлiн? Кысяннькö?

— Кажымсянь. Рытнас, удж бöрын, вöли кырсьышта дас кык километр. Кöдзыд ывласянь пыра шоньыд позйö...

— И пöсь сывйö?

— Да, бисова, тшöтш и нывлөн пöсь сывйö!

— Тайö вöли Тоняыд?

— Сiя... Кардорын öтлаын велöдчөм бöрын тай торйöдiсны миянöс. Ме мыйкö дыра воывлi на... А сэсса тай олөмыс сөлсем янсöдiс миянöс...

— Өні жалитан?

— Код төдас... Но эгө кө эськө янсалой мийө сэки, сөлсем мөд кодь олөм вермис артмыны менам... И сылөн тшөтш... Быдөнлөн мөд кодь челядь эськө чужиныс... Ставыс мөд кодь.

— Да, төдіс кө эськө томлуныд ставсө водзвыв! — ыджыда шуис татчө газетө гижысь Жельнөг Вась.

— Да эськө странаыс кө морт олөм пондаыс — быдөнлөн олөм понда! — ёнджыка төждысис, — содгіс татчө вөвлөм комиссар Хохол Йбра Саш.

Татшөм ыджыд кыв көртөдьяс бөрад да важсө пыдіа гудйыштөм бөрад, комвис содгыны нөшта ичөтик румка винаөн. А сэсса газетө гижысь Жельнөг Вась юалис ёртыслысь:

— А мый эськө тэ, Хохол Йбра Саш, өні вермин шуны вөрын сэкса. уджыс йылысь? Дженьыдика кө? Войнадырся да войнабөрся мырсьөмьясыс йылысь?

— Мыйлакө меным медся ёна казтылсө, кутшөма вийсисны сэки выльөн на лоөм Кажым леспромхозын колхозник-сезонникьяс. Ачыс Кажымас — Вадорысь "Чарла" да "Урожай" колхозсяс, Ныдыбын — Венибысь "Ворошилов" колхозсяс, Кужйын — Гурганысь "Калинин" колхозсяс, Воктымын да Көмын — Постысь "Смычка" колхозсяс да гөбөрсаяс. И ме тай тэныд виставлі нин, весиг волісны Пөёлысь "Красин" да "Май" колхозсяс. Быдөнлы тырмылісны Сыктыл йылса мича да быттөкө помасьлытөм вөрьяс! И, ме чайта, унджык вөрсө сэкьясө пөрөдісны да кыскисны буретш да колхозникьясыс! Да весиг тулыснас и гожөмнас быд ногыс найө жө кылөдісны Көм, Воктым, Ныдыб да Сыктыл кузя. Постояннөй кадрөвикыс сэки Кажым леспромхозас этша вөлі, на пөвстысь унджыкыс — войнаөн татчө шыбөлитөм йөз: полякьяс, немечьяс, сэсса власовецьяс да мукөд мыж-мөмаяс, найө ёна тшыгьявлісны да лючкисө эз вермыны уджалны. А воддзаджыксяс кадрөвик-мужичөйяс, кулачитөмаяс лыдысь, ставбн жө нин мунісны воюйтны. Со и вийсисны-тойсисны кер дорын колхозник зонкаяс да ныльяс да томджык бабаяс. Да найөлөн жө негырысь винөл вөльясыс. Мөйта кер найө пөрөдісны да кыскисны Сыктыл йылса гулыд ягьясысь! Сэсса и кылөдісны визул ваөд! Куш сөмын черөн да пилаөн, морт вынөн да вөл вынөн вийсигөн! Та йылысь оз кол эськө вунөдны!

— Да, та йылысь некор оз ков вунөдны! — шуис тшөтш газетө гижысь Жельнөг Вась. — Кыдзи и войнаөдзса палазьяса звучникьяс йылысь.

— Менам өні юрсийө сувтлө, кор казтышта, кыдзи мийө кузь төвбыдьясөн камгим-йирим кын керсө! — эз на вермы кусөдчыны пансьөм сёрнисыс Хохол Йбра Саш. — Көдзыд не көдзыд, ульөм не ульөм, а миянлы быд лун колө кайны важ баракьясысь ягө, көні весиг некутшөм юр сюянін ни немтор абу. Книгаясысь лыдьян, мөй лагерьясын пө актируйтлөмаөсь медся көдзыд луньяссө, абу уджавлөмаөсь сэки. А миянлысь коді актируйтас! Миян ылі участокьясад весиг и градусникыс эз вөл. И котлопунктад, буракө, лёкджыка на вердісны дзескыдінын пукалысьясөс серти. Да и воддзжыксьө выныс уна-ө вөлі миян, зонкаяслөн? Да сія жө бабаясылсөн?

— Да, збылысь, бисов олөм ми олім! — шуис татчө газетө гижысь Жельнөг Вась. Сэсса сийө водзлань на кутіс юасыны: — Но, а Кажымөдзыс, шуан, кайлінныд жө бөрьяыссьө волігад?

— А кыдзи жө! — шуис Хохол Йбра Саш. — Позьө шуны, копыртчылі важ уджаланінъясы.

— Но и мый тэно сэні медьёна шензьөдіс, дыр вольтөмөс?

— Вёськыда кө шуны — Кажым прудыс!

— Прудыс?

— Да, Кажым ювилса прудыс! Но, ачыд вед, көнкө, төдан: сзысьянь нөлө километр горулын Кажымыс Сыктылө усьө... Сэки, менам кайлігассө, леспромхозыс вөлі бура дзоньталөма плөтинасө, весиг пө

лы кодъ зумыд ниа керъясон. И прудыс сы пасьта да сы кузгта ой-
дёма! Помтём-дортём море кодъ! И гажа луныс вöлис! Шондi водзын
лöстало сы пасьта ва веркöс! И ошйисьöны вöли кажымсаяс, мöй
рöдёма пö öддьөн уна чери.

— Öни пö сьöкыд видзны татшём помöдсö, — шуис газетö гижысь
Жельнöг Вась. — Ковмёма выльысь лöсьöдны ва лэдзанин, мед кор-
сюрö восьтывны сийöс да личöдыштны уна ваыслысь сьöкыда личкөмсö.
Көть эськө и — бөрря кадъяснас — сы могысьджык и кутисны тайö
овмöссö: чукöртны васö да гожёмнас, кор Сықтыв ёна косьмас, лэдз-
лыны сийöс — мед керйис кузяла бурджыка кылалö. А öни öд тай
оз нин кылöдчыны... Öни пö мөвпалöны усысь ва выннас лöсьöдны
тшöгш электричество перйём.

— Но, дерт, Кажымыд мянöс, ичöt дырсянь, медьёнасö шы-
зöддiс аслас домнаөн да заводнас! — шуис Хохол Йöра Саш. — Вед
и прудсö медводз помлёмаос сы могысь, мед усысь ва вынөн
уджöдны чугун сылдөмсö да көрт керөмсö.

— Да, Сықтыв йывса олөмад Кажым заводъясыд — тайö вель
ыджыд пас! — татчö тшöтш шуис газетö гижысь Жельнöг Вась. —
Пондёмаос пö перйины рудасö дас көкъямысöд нэм шөрьясын на...

— Кык да джын нэм сайын! — öни выльысь на чуймытöг эз ов
и важ гортланьыс воём Хохол Йöра Саш.

— Вайöдлөмаос чугун сывдыны да көрт вöчны кужысь йöзöс Вят-
каысь да Устюгысь. Öд, шуам, көть эськө и ёна важ комияс сыв-
дылөмаос ыргөн и көрт, но не татшём домнаясын...

— Та понда и овъясыс кажымсалөн мянлы вöлины гөгөрвотö-
мöсь: Курдюковъяс, Супрядкинъяс, Кувардинъяс, Филёвъяс. Дерт,
бөртиджыкнас сэни лөмаос и мян Мелехинъяс да кодъяс да... Пер-
войсянь шензöдлiс менö и сийö, мöй сиктыс, посёлокыс ли, öддьөн
лöсьыда, не мян ног, пуксьöма Кажым ю öтар-мөдарас — öтар ног
и мөдар ног юколтчём веськөма уличаясөн. Сэсся, дерт, и вылö кыпа-
лысь гөгрöс домнанас ёна шензöдлiс! Да и завод управлениён кык
судта, кирпичысь тэчём еджыд керканас! Да тшöтш и ю вомöныс джу-
джыд поснас...

— Бурджык воясас пö сывдылөмаос 43 сюрс пудйöдз чугун да
26 сюрс пуд көрт. Дерт, тшöтш и Нючпас заводкөд öтлаын, кодöс
лэптылөмаос Кажым гөгöрыс руда тырмытöмла.

— Ёна пузалөмаос Сыктыл йылса ягъяссö да нюръяссö руда
корсигас. А сэсся вед колö на вöли горш домнаыслы шом, кодöс ке-
ригөн колö сотны сымда пес! Челядь дырйи мийö казьявлывлiм на шом
сотан курень колясъяссö. Сэни пö, гөгрöс кытшолын, лэптасны шöри
поткөдлөм кузь пессö йылмысь чум моз, вылсянныс кыза кундасны
муөн, сөмын и розыйöдыштасны этшаник тшын петём могысь, сэсся
и öзтöны. Дыр трундитö сiдз. А сэсся и артмö дзенакылысь гырысь
шом. Сийөн и шутлөмаос-ломтывлөмаос домнасö.

— Татшём уджъяс вылас пö мырсьылөмаос витсёөдз мужичöй да
некымын дас нывбаба, — шуис быдгорсö водзвыв тöдмалём, газетö
гижысь Жельнöг Вась. — Дерт, Сықтыв йывса сиктъясысь жö войтыр.
А чугун сывдысьыс да көрта колуй вöчысьыс вөлөма сё нелямын морт...

— Уна быдгорсö керлөмаос чугунсыд да көртсыд кужысь йö-
зыд! — казътыштчис Хохол Йöра Сашлы. — Но медся ёна, буракö,
нимавлiсны кажымса пищальяс! Бур көртсыд да, кузь-вöсни ство-
лаось, кокныдöсь, бокас курөкаось, öддьөн инмысьöсь. Көрт вылiтыс
мичаа серöдөмаось. И быд пищальын — керысьыслөн ним-пас.
Найöс вöли ёна пыдди пуктöны мян вöралысьяс!

— А кывлiн-ö тэ заводчикъясыслы паньд йöзлөн кыпöдчылөм йы-
лысь? — юалiс газетö гижысь Жельнöг Вась.

— Мөйкө тай ог помнит! Эг кө вунöд...

— 1773 воын пö заводсö ёнакодъ пазöдлөмаос Сықтыв йывса
крестьяна. Уджсьыныс омöлик дон мынтём понда, да водзвыв этшаник
мынтысьышталөмөн войтырöс уджйöза кабырö уна вояс кежлö йөр-
шитём понда.

— Сідзкё, вай вина румкаён и пасйыштам тайё кыпöдчылöмсö, миянхлысь пöль-пöчнымöс казтыштам! — шуис Сыктыв йывса жö морт Хохол Йöра Саш.

— Вай и збылысь казтыштам найöс, матö волöмаясö! — эз понды пыксыны и ёртыс.

Сэссия Жельнöг Вась шуис:

— А миян кадъясö нин, Мирöвöй да Гражданскöй войнаяс кызкö-мыйкö вуджём бöрын, 1927 воын, заводсö дзикöдз сувтöдасны. Консервация вылö.

— Но бөръя Война дырйиыс бөр на лэдзлісны, — шуис Хохол Йöра Саш. — Кызвыннас, буракö, пуксьöдöм йöз уджаліныс. Ме коркö вöлі Ныдыбö кайигөн, джуджыд пос вылас паныдаси накöд и стройсыс казalı öти тöдсаöс. Сія неважөн воис фронт вылысь да мыйыскö мыжмылöма... Ме некор ог вунöд омöльтчöм, тошсялём нырём выляныыс сылысь видзöдлассö. Сэтшöм шог да матö воём синъяса сія видзöдіс ме вылö! Менам зептын вöліс нянь тор да ме мыччи сылы.

— Сэссия, буракö, регыд и уджаліс сэки домнаыс? — юаліс Жельнöг Вась.

— Регод. Мыйыскö кынтöмаöсь пытшкöсас сылдыны лэдзöмасö. Шуöны тай вöлі — пуксьöдöмаöсь пö козёлöс... Бөръяысысö кайлігөн мийö пыралім домна пытшкöсас. Дырöннад тайö "козёлыс" рöшкыдмöма, мыйкö из сора косьмөн сөй кодь лöбма. Леспромхозса войтыр вöлі кöсйöны сэнi кафе сямаöс керны, мед пö унджык ветлысь-мунысьöс кыскыны, мича-озыр прудыс дінö и сэтшöм жö озыр татчöс историяыс дінö. Но сэксянь олöмыс сөлсем со вежсис, ёна дзескаліс, да öдвакö мыйкö сэтшöм-татшöмсö найö вермисны керны.

Та понда öтлаын ышлолалыштöм бöрын газетö гижысь Жельнöг Вась водзö юаліс:

— Сэссия нö кодöскö тöдсаöс аддзылін жö кöть Кажымсыыс бөръя кайлігад?

— А кызди нö? — шыньюніс та вылö Хохол Йöра Саш. — Книга вузальсыяс веськыда вайöдісны татчöс рабочкомөн веськöдлысь Людмила дінö. Миян сиктысь жö петавлём морт, Васька дялёлн нылыс, Кажымас петалöма верöс сайö. Миянöс виччысигмоз дасьтöмаöсь нин самöвара пызан, коралöмаöсь кодсюрö книга радейтысыясöс. И на лыдын — Ныдыбөн коркöя веськöдлысь Анна Б... И ме тöді жö сійöс! Пöшти ветымын во мысти! И сія менö тöдіс! Коркöя зонкаöс! Ме вед Ныдыбас быдса тöl жö олi. Ме кодь жö зонка Унгефуг Рихардкöд орччөн лучковкаён пөрöдчыны велöдчи... Но — радлуныс да басныыс вöлі! Кызди да мый?! Көнi да кодкöд?! Но та йылысь öддён кузь басныыс вермас лоны... Кажымсаяс висьтасисны, мый öні Сыктыл йыгыасысь вöрсö нуöны татчöдз воысь көрт туй куза, кодöскö керйөн, кодöскö тьöс-пөв вылö пилитöны. Тайö, дерт, бур, оз кол кылöдчыны, Сыктыл йылыс мед тшöтш шойччыштас. Сöмын асынысö öнiя лёк олöмыс, дерт көнкö, ёна жö тальяліс...

— Да, дзикöдз киссис и вөр овмöс! — шуис Жельнöг Вась.

— Но менö, буракö, медъёна вөрзьöдіс Людмилаыслөн батыыс йылысь, нэм чöжыс ош моз муркöдчысь Руч Васькалаөн олём помыс йылысь висьталöмыс. Кажымас сія ныл ордас мыйтакö олыштöма бөрьяпомыс. Моргыд юр венмас торксялны нин пондöма. Но сэтшöма пö гажтöмтчö чужан гортсыыс! Мыйкö дыра кежлö кольöны керкаö öтнассö, а сія оз тöд, мый керны, оз тöд, кытчö воштыны сымда удж бергöдысь кырымъяссö. Öтчыд, дай мöдысь, дай коймöдысь петö горт туй вылö да кызкö-мыйкö мөдöдчö подөн комын сайö километр. Сэтысь сэссия и казялöны да бөр косöдöны сійöс.

— Да, морт сьöкыда чужö, но сьöкыда жö и помасьö сылөн олөмыс, — ыджыда шуис газетö гижысь Жельнöг Вась.

А тайö сьöкыд казтылёмсыыс шогö усьыштöм Хохол Йöра Саш нормыштöма шуис:

— Менö, дашкö и, тэ тадзи кымын жö адзин гортö нуöдан туй вылысь...

Жельнöг Васьöс ёнакодь ойкнитис важ ёртыслөн тадзисö дöж-ныштöмыс, но сийö выныштана кыпыдлунөн вочавидзис сылы:

— Но, тэсö, шуам, йöра кодь на, Хохол Йöра Саш! Тэ ачид на кытчö колö мунан и бöр воан!.. Тэ, бурджык, висьтасьöмнад вай нуöды менö водзö Ныдыблань!

А мöдыслы и нимкодьджык лöб таысь, сылы и аслыс окота висьтасыны важөн жö нин адззывтём бур ёртыслы аслас олöмлөн пансян воясыс йылысь.

— Сэни Сыктылö Ныдыб юыс усьö, öтпасьтаöсь на найö öтла-асянинас. Сэни, гажа керöсын мийö олим, шуи нин тай немеч Унгефуг Рихардкöд да Венибысь Микей Васькакöд велöдчи лучокөн пöрöдчыны. Но век жö медводз ме веськалi сэтчöясö вöр босьтны...

— “Вöр босьтны?” — эз гөгöрво Жельнöг Вась.

— Но, Сыктыл йывъясад тай — пасьталаыс! — вöли “босьтöны” тадзи вöрсö пöрöдтöдзис на. Рочөн кö, сийö лöб — отборка леса. Гулыд ягыясын медмича пожöмъяссö, сулалiгас на, вöли бöрйöны “авио”, “палубник” да “понтонник” вылö... — Хохол Йöра Саш сувтовкерис, мöвпсö бурджыка чукöртiгмоз, тöдчö вöли, мый сийö пытшкöснас шоналö и пöсялö тайö казтылöмсьыс. — А тэ, дерт, тöдтöг он ол жö, кутшöмось вöлины Сыктыл йылыясланыд ягыясыс! Помтём-паськыд ва юксянинъясас. Бура позис найöясын бöрйiсьнытö!

— Дерт, эз весьшöрö сэни нимавны-юргыны пöрöдчысь звучникъяс!

— Эстшöм мича ягыяс зымвидзисны-сулалiсны! Енэжсö пыкöны, збыльысь мойдын кодьöсь. Посниджык и гырысьджык ю йылыясын да на коластын. Сыктылö усьö Ныдыб, сэсса — Кажым, улынджык усьö Воктым, а Воктымас — Кöм. А налөн йылыясыс дзик матынöсь Гобöр юсянь, кодi визултö нин Вятка-Камаö. Сэни пасьвидзисны Гобöр Дачаса пожöма ягыяс. Но и сыладоръясын жö заводитчö и Ань-ю, кодi бара визултö нин Лузийö. А Ань-ю колтысьясас помтöг шыльквидзöны Тям ягыяс! Ставыс мича-гулыд ягыяс! Ми дядыскöд бöрйiсьлим жö сэтгөн! И тöдан? — пöшти быд пожöм вöли вöнялöма-гогналöма! Ставыс “авио”! Бур, мöй Енмыс сетiс адззылны на татшöм дивö-ягыяссö!.. Но вот, ме тай и шуа, пöрöдтöдзис медся бур мастеръяс вöли бöрйöны медмича пожöмъяссö дона сортимент вылö. Налы отсасысь зонкакскöд. Ме тöда, Война пансытöдзис на Гобöрсянь ветлöдлiсны Котков ая-пиа, Гурганьыс — Кöрентя Ольöксан, Вадöрьыс, Буракö, Соболь Иван. Отсасысьяс пыддiыс быдöнлөн налөн вöлины пияныс либö мукöд рöдпом зонкаяс. Ме тöда, Федя Мелехин öти гожöм ме моз жö ветлöдлiс... Öни ме бурджыка мöвпала та йылысь да шензя — кутшöм тайö вöли ловтö кыпийöдлана удж! Öти гулыд ягыянь мöд эшшö на мичаджык ягö! Öти визул ю йылыянь мöд гажа ю йылö! Пöрысь мастер Пока Семен Иван нуöдö менö яг доръясöд и веськыд визирьясöд, öти ю колтысьянь мöд ю колтысö вуджöдö. Став вöр-васö сийö тöдö и гөгöрвоö. Сöмын и вöтчы бöрсыйыс... Пöсялöм вылысьд ёльсысь ва кыштан, чужöмтö мыссян, мудзöм кокъястö пожöмö пыкöмөн вывлань лэптылан, ягыслысь пыдiа шувгöмсö кылзыштан. Сэсса Бускоыд пондас вутчыны яг дорöсын. Ыпъялысь виртö лөньюдны зi-лигтыр, мунан да дозмöр лыян, ыджыд сьöд чукарöс. А рытнас ю гоблөкысь сир лэптан шатино домалöм кысананö...

— Ставыс тайö вöвлi жö тэнад?! — чуймöмөн юалис газетö гижысь Жельнöг Вась.

— Да! Вöвлi! И заводитчис Ныдыб йылын, Кажимсянь на кыз вит километр сайын. А гортсянь кö — квайтымын километр нин лöб! И ставсö колö вöли ветлöддыны подөн!.. Берег дорас вöли ичöтик керкатор сулалö, Кармановкаөн сэки шусис. Ме вöли сэки дас куйм арöса. Куш кыкөнöсь дядыскöд став помтём-дортöм вöр пасьталаыс! Да эшшö Буско пон. Сьöд войсö узыштам керкаын, а асывнас куймөн каям ягö. Бокисянь кö видзöддыны — öддöн мöрччана серпас...

— Висьтав бурджыка! — корис газетö гижысь Жельнöг Вась.

— Водзын, дерт, котöртö съöd сера еджыд сера, ёсь ныра да чыкыла бöжа Буско. Миянöс медъёна вердысь...

— Вердысь?

— Уна вöли сийö воас дозмöрыс, да Бускоыс яга-нюра доръясын öтарö вучис...

— Та йылысь сёрöнджык бурджыка висьталан... А Буско бöрысь кодi мунö?

— Дерт, дядь. Кузькодь ныра да гөрдов уска — тайö дядьыс меным век Сталин кодьöн чайтсьыли! — кучик лазья, кытчö пысалöма топыдик чер, кучик картуза, бокас лчыд пурта-пуртöса, пельпом вылас öшалö двустволка... Сэсся и ме тапсьöда, сылөн отсасьысь, адъютант либö оруженосец — важиник пинжака, нямрассьом картуза, кирза сапöга. Менам пельпом вылын — паськыда вешъялысь ыджыд көрт мерник, кодөн меным колö муртавыны — морöс вестяын — пуыслысь кызтасö. Бокын менам öшöдöма кисточкаа сулея, кытчö кизьöртöма карасинөн са. Мөдар бокын öшалö лчыд гогын, да пуртöсын пурт.

— Да, лöсьыд котыр! — серöктiс газетö гижысь Жельнöг Вась. — Но, кайинныд тi ягö, сэсся кыз-мый?

— Матыстчам сись кодь веськыд да шыльыд пожом дiнö, чатöртчылам джуджыд туганланыс. Дядьыс судзöдö лаз мышсьыс топыдик черсö, лöсыштö кырсьсö, клёнöбтö чер тышнас. Пуыс бур жыннан моз кыпыда бовгö... Сэсся чер нырнас дядьыс чуктöдыштö лöсассьыс векныдык вез — лючки-ö пу слöйыс мунö. Дзик веськыда кайö! Сэсся и шуö меным мастер: "авио", квайг метр.

Ме морöс судтаын весь-мөд пасьята гөгөр гогнала кыз топыд кырсьсö, гөрд вöнь кера, муртала кызтасö да кисточкаөн гижя. Мед пөрöдчысьяс тöдöны, мый медводз колö орöдны тайö пожомсьыс. Ме весиг гижя дона сортиментлысь номерсö да кутшöм воö сийöс миян бöрийöма. Ставсö тайöс аслас кузь-векни тетрадьö пасйö и мастер.

— Ёна тай бур артиль тiян вöлöма! — сьölöмсянь шуис газетö гижысь Жельнöг Вась.

— Миян вöлис гулыд ягын быдмысь мича пожомöс öддьөн пыдди пуктöм! — кыпыда шуис важсö пöся казьятылысь Хохол Йöра Саш. — Кыкнаннымлөн вöли сё во чöж лэптысьöмаöс пöся радейтöм!

— Сэсся нö эн и содталыштöй бöрийöм пожом лыдсö? Мед унджык нажöвитны? Öд код пö петас да лыддяс вöрсьыс, мыйта тi тадзи босьтiнныд?

— Эг! — падъявтөг шуис Хохол Йöра Саш. — Дядьыс, Пока Семен Иван, вöли чорыд, но веськыд морт, татшөмтортö керны сылы и дум вылас эз воы.

— Да-а, збыльысь, кутшөм честнöйöсь вöлины коми йöз! Быд боксянь!.. Но öтарö гудрасьысь олöмыс, быдсяма войтырыскöд öтвывъя шуксöмыс ёнакодъ тай тшыкöдис и миянöс... — ышловзёмөн кайтыштiс Жельнöг Вась. Сэсся, коставлөм мысти, водзö юалис: — Но, тi кыкөн тадзи бöрийсянныд, а сэк костi Буско мый вöчö?

— Сия яга-нюра дорöсын вуччö. Шуи нин тай, мöй уна вöли сия воас дозмöрыс. Да торйөн нин йöзөн полошуйтгöминад. А ачыд вед, көнкö, тöдан, мöй пöткаыс веқджык олö яга-нюра дорбсас. Сэни сылы и вотöс, сэни сылы и ва, сэни сылы и лыа пуртыкасьны да чулляс кокалны — гальки...

— Увтчö Бускоыд да, тi он и ветлöй али мый?

— Кыдзи нö ог ветлöй. Абы код ёна ылын, дядьыс менö öтнамöс вöли ыстас пицальён. Меным, дерт, öддьөн любöй таысь. Мед не ылавны-вошны, мунiгмоз видзöдала да думьысь пасьяся, кызиджык меным бöрсö воны дядьыс дiнö, чуксасьтөг. Сэсся и казяла ме пу йылысь съöd чукарöс! Вылын юра да гөрд синкыма. Быттö смолльö мырийсь лöсалöма, шондi водзын югьялö. Вылисянныс ултысь пон вылö наяна видзöдлывлö. А Буско, дерт, казялö менö да ёнджыка на пондö вутны. Мед сölсем нин ылöдны асланыс ыджыд лэбачöс, ултыш-

тігмозыс весиг тупылытчылас на! Эстшөм төлка пон! А сэсса и ме, пу бердө двустволкаос топөдөмөн да ыгыялысь вирөс лөнөдыштны злиг, лыя. Швуч-швач усё чукар! И тэ лэптан кыкнан кырымнад ыджыд да пөсь на лэбачөс! Кило куим-ө-неля, а овло и вит-ө-квайта...

— Тэныд тай бур шуд на усьлома том дырийыд, Хохол Йөра Саш! — завидыштөмөн шуис Жельнөг Вась. — Ме татшөмторьястө эг нин төдлы.

— Тайö шудсө ме сьорысь мөдар югыдас нуа! — пөся шуис Хохол Йөра Саш. — Шемөсмөдана мича гулыд яг дорөсын сьод чукар кыйөмс!

— Сідзи унакодь ті кыйлінныд сэки?

— Мукөд луннас вөлі, вөрсө босьтігмоз, куим-ө-нель дозмөрөдз лыям.

— Да? Кытчө нө сымында яйсө воштінныд?

— Дозмөр көяяссө, морөсса кыз чигнас, — мян сійөс шуоны клупөн, — вөлі сольштам да гор весьтын косьтам. Чугун кодь топыд яй лоө, сэсса көть мөйта олас сія, оз тшыксы. И мукөд чигьяджык яйсө унакодь солавлім ыджыд чуманө. Гортө шочиника петалигьясө нөбальмөн лэчөдлім. Мамо мян ловъя на вөліс, чөскыд шыд пуліс солалөм да косьтөм дозмөр яйсыс. Но и, дерт, асьным мийө, дядыскөд, вөрас пөттөдз жө сөйим. Рач тыр вөлі пуам, лысө-яйсө лэпгалам, а шыдас пызьтор гудыртан. Кор няньным бырө. Няньыс вөлі этша да дыртө олігөн регыд тырмө, а пызьсө нянь пыддиыс карточка вылө сетлісны. А этшаник пызьторсө, сідз нин нөгыла дозмөр шыд пиас гудыртан да, ок чөскыд да пөтөс лоө! Нянь оз кол!

— Сідзкө, вөрыд тай бура на чөсмөдлөма и быдтөма тэнө?

— Сія гожөмсө да аръявылсө бура! Пөтөса олім... А вот мөд гожөмнас Тям ягыасын и быдлаын вөлім, вөрсө жө босьтім, но дозмөрыс вөлі этша. Вотөстөм воясад, буракө, кытчөкө вешйылө сія.

— Но, а пусьөм-керөмнас кызди тиян вөлі сэні? — юасьө ёртсыяныс быдторсө төдмавын көсийысь газетө гижысь Жельнөг Вась.

— Ёнджыкасө ме пуси, — воча шыньмуніс Хохол Йөра Саш.

— Тэ?

— Ме вөлі чунь-гыж доймытөдз кушта пөткасө. Торйөн нин олөмаджык чукарьяслөн зэлыд да топыд гөныс. Сэсса чишкала би весьтын, кера да пуа. Бура велавлі тайөс керны, весиг чультсө лөсьыда гугөдны-кыртөдны... Лунтыр ветлөдлөм бөрад да нэмөвөйя пожөмьяслысь чорыд кырсьсө гогналөм бөрад, дерт, ёна муздан да сьөкыд нин тадзсө ноксыны, уныд личкө. И, дерт көнкө, дөзмытөдз лөліс зонкаыды. Но дядыслы, буракө, окота вөлі велөдны менө и татшөмторьясыс дінө. Не сөмын кужны лыйны дозмөрсө, — Хохол Йөра Саш сувтовкерліс, лышкыда нюммуніс ылө кольөм шуда луньяссө казьятылөмысь да водзө на шуис: — Рытъя пусьөмыд эськө мөй да, но дядыс вөлі и водз асылнас садьмөдө менө пусынысө...

— Садьмөдө? — шензыштис Жельнөг Вась.

— Да... Ме сингьясөс тілигтыр да нюжмасигтыр босьта рачөсчайникөс да лэчча джуджыд кыр йылсянь Ныдыб дорө. Кыръя-юа костса ыджыд лайколсө, морт судта эжөр пөвстті векныдик ордымөд, нёл моз тювкнита. Сы вөсна, мөй пола змейясысь...

— Змейясысь? Тиян сэні эмөсь змейяс?

— Öтикөс ме аддзылі, кызди веглясигтыр турун пытшкас пырис. Менам сэкся сой кызта и кузьта кымын. Сыктыл йылын да Ныдыб йылын шочиника олісны найө... Дядыс эськө и вөлі шубө, мөй ужгьяс пө тайө, ядтөмөсь, немтор оз керны морттө. Сөмын тай ме, берегдорса кузь турун пиас өддьөн ёна полі найөысь, кор эшшө ас синмөн аддзылі... Но ме катөда выліө сөдз ва, песта би, өшөда тагангьяс йылө рач и чайник, берег дорын кайяс сьылоны, гажа асылыслы нимкодьясьоны, визулу ю сьялөдчө матын, сөдз енэжын шонді няйө-кыпөдчө, и менам полөмгьяс вочасөн разалөны. Öд пуксьө гажа ягын выль уджалан и вөралан лун!

— Но, Яг-морт пи Хохол Йөра Саш! — сөмын и шуис татчө газетө гижысь Жельнөг Вась.

Тьотушыс сетіс Хохол Йёра Сашлы важ Бива Кёрт. И, дерт, Ылі Муясысь воём коми морт тōдіс сійōс! Тайō шензьōдана Бива Кёртсō! Кōть эскō и важōн нин вунōдліс сы йылысь. Сылōн быдмигōн век на оліс тайō Биваыс налōн гортын. Дедушыслōн на пō сійō вōвлōма, Ыджыд Айыслōн. А, гашкō и, код пō тōдас, кутшōм дедушлōн на вōліс! Код пō тōдас налōн рōдыс кутшōм Дедуш медводзōн перйыліс сійōн Войвылын век сэтшōм колана Би!.. Дерт, сылōн, Хохол Йёра Сашлōн челядь дырйи тайō Биванас эз нин перйивны Бисō. Да и батыс на, буракō, висьтавліс, мый татшōм мōрччōдана Биваыс бōръя кадъяснас — гашкō и, нэм-мōд-коймōд! — ёнджыкасō Видзысь пыдди нин олōма-вōлōма гортаныс, налысь Йёра рōднысō дорйысь-видзысь пыдди вō-лōмаōсь кōрт йōраясыс. Сōмын тай бōръя дик нэмыслōн нōйтчысь-пузласысь олōмас весиг и налōн эз тырмы вынныс ставнысō коляс рōд помсыс бура видзы. А, гашкō и, вунōдісны рōднаныс ыргōн-кōрт йōраясыс йылысь, да сы понда тшōтш и найō кōдзалисны, буракō, насянь коркō-некоркō пансылōм рōдыслōн йылōмъяс дінас?

А эстшōм жō нин мича да пелькиник, эстшōм жō нин зумыд да синчōжōсь, ки пыдōс пасьта ѓтторъя кōрт! Йёра рōдлōн — йōраяса пас!

Ѓта-мōдсянныс чепōсйысь, кузь ныръяса да кыз чушъяса кык йōра вылын, паськыд сюръясас кутчысьмōн пукалōны верзьōмаяс. Мыш на мыш инмōдчыштōны на ѓта-мōдныс дінō йōраясыс. На вылын пукалысь кык мортыс баялōжнаныс инмōдчōны на жō ѓта-мōдныс дінō. Но здук мысти вына пемōсьяз чепōсьясны места вывсьыны кыккокийв, да и торъяасны кык верзьōмаыс. Но Бива вылас найō век кежлō кынмō-маōн сулалōны чер дорыш моз гōгрōстыштōм, гōрдовкодъ кōртыслōн этшын, буракō, весиг бронза этшын, кодї кузя вōдитчōмысь ёна шыля-лōма уна мортлōн киясын. Верзьōмаясыс и йōраясыс ёна жō нирт-чōмаōсь-шылялōмаōсь став розьяснас-синчōжъяснас. И сэтшōм лōсьыда пырōны чуньясыд быд розьō-коластō, и быд кусынь и гōрōд лōсьыда-гōгрōса сывдōма. Кодкō тай, небось, кужлōма лōсьōдны татшōм биа-борда баласō, мед сєсся небыда ылькнитны сэтчō чорыд и нюдз со-раса кōртсō. Да сєсся и шōвк кодъ волькōдз шыльōдны.

Унатор казтыштїс Хохол Йёра Сашлы тайō Бива Кōртыс! Том да мича-ён бать-мамыскōд челядьдырся олōмсō. Татшōм олōмсыс пом-тōм-дортōм шудсō! Сєкся лōнь да гажа-озыр коми вōр-васō... И не сōмын, не сōмын!.. Кыдзкō сылōн сэтшōма водзō на пыркнитчис лолыс, мый Ылі Муясысь гортас воём коми морт Хохол Йёра Саш кутшōмкō ногон быттō пондыліс кывны и весиг кызкō-мыйкō адзыны аслас рōдыслысь уна нэмъяс пыр вуджōм-олōмсō ѓдва ли не сійō дзор кадъясянныс, кор вōлі сылдōма-кисьтōма тайō Бивасō — Перымса Пемōс Паса кадъясянь, уна-уна сє вояс сайсянь... И сымда нин йōз олісны-вылісны сылōн, Хохол Йёра Сашлōн чужōм вылō муныш-тысьясыс, кутшōмакō сылōн этшлань матысаджыкъясыс. Дивō пондїс керсьыны Хохол Йёра Сашкōд!..

А сєсся войнас сійō — вōтōн нисьō вемōсōн — быттō тшōтш пōрис и аслас Дедушō. Аслас Ыджыд Айō! Быттō ѓтпырйō кык морт пыдди сійō лоис! И кыкнан пыддїис сэтшōм ясыда ставсō пондїс кывны да адзыны. Мый важыс вōлі Ыджыд Ай олігас, и мый вылыс лои аслас, ѓнияслōн чужōм бōрын. Сэтшōм збыльысь сійō пондїс ставсō тайōс кывны да адзыны, мый сыысь збыльджыкасō и ловъя олōмас оз овлы!..

Олō-вылō, бурпōт уджалō-мырсьō, челядьбōс быдтō и нимкодьясьō олōмнас Ыджыд Ай. Шань да тыра позтыр сылōн — ачыс дай ѓгаш гōтырыс, верōстōг водзōн кольлōм ѓрин сочыс, куим ныл дай кык пи. Ныльясыс гирысьджыкōсь пияныс серти, кор найō верōс сайō сеттōмōсь на вōліны, ставōн ѓтвылысь ёна и муркōдчисны-уджалїсны. Сочылōм бōрын выль-ыджыд керка лэптїсны, тōвса джынйōн и гожся джынйōн, сарайōн и картаѓн, керка гōгōрыс мукōд колана стрѓйбаяс

тшуписны-лэптісны, йөр паськөдісны. Сыысь кындзи эм сикт сайын-джык паськыд Йёра Му, нянь бура сувтө сэні. И нөшта на йортгорьяс эмөсь, тыла сотлөмьяс бөрүн вөчалөма-вынсьөдөма. Видзьяс тырмымөн жө шыльквидзёны Сыктыл дорын. Весиг Чомкосаын, пыдіджык вёрын, Йёра Шор дорын, куим ыджыдкодь видз эм, вель уна посни-чөскыд турун сувтлө сэні, мам йөлсьыс дугөдчөм чаньяслы да кукьяслы өддьөн бур овлө сійө.

Дас мөскөдз видзлісны медбур кадьясас унаоңыд, нель-ө-вит вөлөдз, сэсся ыжтяс да чипаньяс... Муяс вынсьөдны куйөд эм тырмымөн, вөралөм да чери кыйөм сорөн яй во гөгөр чөж тырмө, йөл — юан ва моз да поттөдзыд жө — рысь да нөк сөян, нянь пөжастө кыза выйөн малтан...

Дерт, татшөм овмөстө кутігөн-бергөдігөн быдөңлы ёна колө мырсьыны, гырысьлы и поснилы, шуам, төв кежлө сійө жө турунсө заптгөн гожөмбыд мошкоритчан видзьяс вылын, гебийс-номийс-лөддзөс ас вирнад вердан, кык кусыньö синсьөмөн гөрбуш косаөн өвтчан, сэсся Шонді-Мамөн косьтөм бөрүн куртан да куим вожа лэбынөн чөвталан зорөдьясө... Но тай оломаджыкьяс эз на пөрысьмыны, буретш вынаөсь на вөліны, быд удж дорө азымөсь, а сэсся и челядь вочасөн быд-малісны, Ен сыкөд, ёнөсь да зильөсь жө лоалісны. Мөй пө и не удажвын вөв вын отсөгнад да бура сөйөм-юөмнад!..

Тайөтө эськө мөй, да тай оломыс-кадыс өтарө пондс пuzласьны-чегласьны. Кодлыкө колана вир кистана Ыджыд Война панлісны немечкөд, век мөйкө оз тырмы ад горшьяслы, эта пасьта озыр-мича му вылас, век өтарө пурсьёны-юксьёны. Мыйта йи кодь ён том йөзөс нулісны сэтчө, кодскюрөяс бөрсө эз и воыны сэсся. Бур, мөй сылөн, Ыджыд Айлөн, кык зятъыс, ыджыдджык ныляясылөн — Анналөн да Крестинлөн верөсьясыс, Пока Семён Иван да Лёкан Тьөпан ловйөн кольөмаөсь, вөйөйтөм, а сэсся некымын во чөжөн немечлөн пленын мырсьөм бөрүн лючкиөн на бөрсө волісны гортаныс.

Асьныссө эськө и ловйөн кольлісны сэки, буракодь жө овмөдчылісны, вочасөн уна челядьөс лөсьөдлісны. Но бара налөн пияныс — кыкөныслөн нель зон! — томөн-кадөн пуктісны юрнысө немечкөд мөд, неуна сөмын и сөрөнджык лыбөм косьын. Нөшта на вир кистанаджык война вылын!.. Но тайөссө сійө, Ыджыд Ай, өні оз на төд. Му выв оломас эз нин төдлы... Тайөс төдө сылөн йылөмыс — Хохол Йёра Саш, код тавой со Ыджыд Айыскөд быттьө өти мортөн лоис...

А сэкьясө, Ыджыд Ай кадас, немечыскөд чорыд кось бөрас, кутшөмкө бара Гражданскөй война со пансис, сэтшөм жө вира да жальун төдтөм. Но өнісө нин ас муын, ас йөз өта-мөдныскөд чашйысьёны. Юксьөмаөсь Гөрдьяс да Еджыдьяс вылө и керасьёны, и лыйсьёны! Гөляс дор мунысьяс ставсө мырддяёны озырджыкьяслысь. Сөмын вот кодөс пө и озырджыкнас шуны! Кытчө пуктыны торйөдан пассө мортлысь оломсө доньялігөн?.. Мукөддырйиыс нылапиян султөны батьясыслы паныд. Пияныс, быттьө, Гөрдьяс дор, а дзикөдз шөйөвошөм батьясныс он төд, кодьяс дор... Бур, мөй сійө, Ыджыд Ай, верөс сайө петөм ныляясылы юкышталіс скөтсө да мый да, вед со и медся ичөт нылыс нин, ёсь гөлөса Сандра, лэболтіс Пөчинөкө. Ичөтджык зонкаясыс — дас сизим арөса Оңдрей да дас куим арөса Иван сөмын и колісны дінаныс. Дерт, найө томджыкөсь на, мед найөс тшөтш кыскыны лөк пурсьөмас, а водзөсө код пө төдас, мөй лоө, дыр-ө на нюжаласны татшөм йөй кадьясыс...

Сарөс да Керенскөйөс пукылялөм бөрүн пө Гөрдьяс вермалөмаөсь, властьсө босьтөламаөсь Россия пасьталаын и миян татөн Коми Муын. А Еджыдьяс некыдзи оз вермыны миритчыны тайөн, быдлабоксянь бөр пондөны зырөдны, важ Армияыс, кызвыннас, султас на дор, торйөн нин опичерьяс. Комиса юркарө, Сыктылдінкарө, пырасны Латкиньяс да Прокушевьяс, став камунистьясыс пышьяласны вөрьясө да кытчө да... Видзөд со, коми йөз жө татчөс Еджыдьяснас юрнуөдөны, Латкин Стьөпаныс пө Коми Муын медыджыднас көсийө лоны — губернаторөн, став Гөрдьяссө личкыны көсийө, кутшөмкө аслыс нога олом керны Коми

Муын. Сөмын өмөй лёк ногон сийё мөвпаліс Ыджыд Ай кодыём мырсысы коми дядьёясыс йылысь? Али мөй?..

Ыджыд Ай, дерт, бөртиджыкнас төдлас на, мөй сийё жё Латкинсё да сы дор сулалысьяссё Гөрдьяс дзикөдз пасьвартасны, да налы колмас пышйыны граница сайё, Англияөдз. Көні вель дыр олас Латкиныс. Но Ыджыд Ай тайё му вылас оз нин төдлы, мөй Латкин Стёпанислөн гажыс бырё ас мусыс, да гусьон бөр воё Россияё, көні явитёны сийёс да кутёны, а сэссия вайөдөны горт муё, судитёны да лыйлөны. Тадзи сэссия и помасьё тайё коми мортыслөн — дерт, көнкө, абу йөй мортлөн! — оломыс... Но ставыс тайё лоё водзын на, сы йылысь төдө Ыджыд Айлөн йылөмыс — Хохол Йөра Саш, коді тай тавой дивөкодя өтлаасис Ыджыд Айыскөд да быттьө тшөтш и ачыс нин төдмөдө сийёс водзё лоанаыскөд...

Но өнісё, Гражданскөй кось чашйысьөмас, лючкисё он жё и төд, кызди олны да мөйджык керны. Со и налөн ылі сиктсынь, Кажым пыр, Гөрдьяс ветлісны Сыктыл йывланьё, Манастырка грездөдз, коді Вятскөй Муын нин. Налөн сиктысь Руч Васьякаясөс да Екмөльов Пирсыясөс тшөтш босьтлісны сьөрсыс, мед вынаджыкөн лоны. Бур, мөй Ондрейсё налысь, томджык на да, кызкө эз на босьтылыны, көть эськө и зонмыс бура нин быдмөма. Манастыркаас и лоёма косыс. Но Еджыдьясыс пө вермөмаөсь сэні Гөрдьяссё, да мөдьясыслы кызди сюрё пышйыны колмас. Но тай ылөдзсё абу жё нин вөтчөмаөсь сэні вермысьясыс. Көть эськө и Гөрдьясыс ёна полөмаөсь Кажым завод босьтөмысь...

А налөн сиктын медыджыднас лоёма Марпа Олёк, Комбед Олёк, век өтарё тшәпитчө ыджыд вөв вылын, кодөс мырдымаөсь Кассянылысь, өтар бокас нагана, мөдар бокас шашкаа, подөннас мунігөн кузь шашка помыс муёдыс тюрөдө нарошнө лөсьөдөм гөгыль вылын. Тайё султса синма Олёкыс гоз-мөдысь, паныдасылгыясё, шуліс нин сылы, Ыджыд Айлы, мөй колө пө эськө тэнө, кулакөс, пыркөдыштны жө да... А сэссия сийё жө Комбед Олёкыс нянь мыррадігөн лыйөма Викенёс нянь мешөкьяс вылас. Коньөрлы өтка синмас камгөма-дзужкнитөма. Ас сиктса жө мортөс помаліс. Нель-ө-вит челядя батьёс! Окма жө эськө да!..

Войнаяснад да мөй да дзугсьө оломыс! Сэссия и, асланым пищальясысь кындзи, винтовкаяс да наганьяс лоалөны, сәддатьяс ваялөны воюитанінысь, том йөз кырымө найё веськалөны, а мөдьясыс, дерт, кыздисюрё ыршасьёны да шенасьёны найөн. Мед көть мөйкө эз жө ло асланым зонкаяскөд!..

Тувсовья вылыс, кор ыджыд лымья дырйи на лун сьөмөснас пондіс сылышталны, а войяснас ёнакодь чарөмалны, Ондрей пиыс пондіс вөзйысьны Ыджыд Айлысь:

— Ая, вай мийё лызьөн кайлам Воктым ягьясад, асланым Ылі Чөс туйё, көр кыйны.

— Кодьяс нө эськө мийёыс лоанныд? — чошкөдчыштис Ыджыд Ай.

— Но, выль зятыд — Васько да сылөн ичөт вокыс. Оні, чарөмалны нин пондіс да, көрьястө өддьөн чожа поэьё вөтөдны паськыд лызнад. Асланым Иваныд ичөтджык на-а.

— Сылы тадзисё кыйсыны водзджык на, — зэлыда көрталіс та кузя Ыджыд Ай.

— Ме тай и шуа...

— А тиян нө байтөма нин та кузя өта-мөдныдкөд?

— Да... Найөяс лөсьөдчөны нин. Ме мөй колө босьта да Пөчинөкөдзис кая. А сэтсыянь веськыда вуджам Воктым ягьясас.

— Но, мөй нө керан, кайлы инө. Көр яйыд өні оз ло лишнөй, скөттө ёна чинталөма лоис да. Гожөм кежлас, страдуйтігежлө, шедас кө, поэьё солыштны да тшынодыштны.

— Миян, ая, өддьөн бур зарадьяс дасьтөма көрьясыс вылө! — лөзов синьяснас кызкө вывтіджык дзаркнитлөмөн кыпыда шуис Ондрей. — Сэтшөм бур зарадьяс миян эмөсь! Ылісянь поэяс дітшйөдлыны вылын сюраясөс.

Ыджыд Ай сэки помодзсө эзджык гөгөрво пиыслысь татшом кыпъялөмсө да эз понды водзөсө юасыны. Но бөрас — Ыджыд Шогыс лоом мысти! — кутшөмакө кывсис, мөй зонъяслөн, кажымса пицальясыс өтар, вөлөма тшөтш боевөй карабин! Дерт, та понда жө и медьенасө дзаркнитлисны пиыслөн синъясыс, кор сийө кайтыштис "өддьөн бур зарадьяс" йывсыс.

И мунис Андрей аслас Шудтөм Кодзувлы воча!..

А паськыд гажа Воктым ягьясын, дерт, яг дорөсьясөдысджык, вөлі Йөра рөдлөн Ылі Чөс туйыс. Нэмьяс чөж Йөра пиян арбыдьясөн кыйсьылисны сэни, чөскөн и лэчкөн, капканөн и пицальён. Уна и пөтка да дона ку лэччөдывлисны гортө.

Тани жө, кызди и пасьтала Сыктив йывса мукөд помтөм гулыд ягьясын котырьясөн олісны йөра да көр. Абу Войвыв көр, а вөрсә, Европаса благороднөй көр, коді төдчымөн ыджыдджык, вылын юраджык, вынаджык да и мичаджык войвывса серти. Сийөс кыйөмыс быд вөрәлысьлы вайліс Ыджыд нимкодълун. Не нин сёрнитны небыд-чөскыд яйыс йылысь, топыд-шоныд куыс йылысь да уна вожа пашкырмица сюръясыс йылысь.

Воктым ягьясас жө да гөгөрыс быд во кисьмыліс став сикас вотөсыс, торйөн нин уна воліс гырысь пув, кодөс вотлісны помөдзыс кисьмөм бөрын, өнджыкасө пужьявлөмьяс бөрын нин, да доліс сийө ма көра. Татшөм чөскыд пувсө мыйта колө сөвтлісны нарөшнө сизьдөм ыджыд колодаясө, вывсыныс топыда личкылісны сизьдөм пуыслөн мөд джыннас да кольлісны лым усътөдз. А сэсся нин вөла доддьөн лэччөдлісны гортөдз. Төвбыд кежлө витамин!

И чери мыйта колө кыйлісны ыджыд да джуджыд Тыл тыысь и Воктым тыысь.

И медмича пожөмсө, вөсни болоня да сирөн лышкыда йиджовтчөм пытшкөса пожөм керсө лэччөдлісны керка вылө и гид вылө, и пывсян вылө, и быдтор вылө, — шоныдсө бура кутө татшөм керйыс и дыр оз сісьмы, ва ни кад дырсыс-дыр оз босьт сийөс!

— Тиян вөлөма өддьөн шань да кыпыд олөм! — шуө өні Хохол Йөра Саш Ыджыд Айлы, тавойсө, дерт, артмө — ачыс аслыс.

— Мийө олім кызди кужим да кызди вермим! — зоча шуө сы кодь жө лөзов синма, лөсьыд чужөм вылас рудов уска Ыджыд Ай. — Озыр вөр-васыс миянлы быдтор на вөлі сюрө. И гажа вөр-ваыс сьөлөмтө бурмөдө! И вылісяныс, власьтъясыс, өнасө эз на личкыны миянөс... Но тай войнасыд да йөй нога полошуйтчөмъясыд бөръя помыс пондіныс жө дзугны ставсө...

— А мөй нө Андрейыс? — юасьө Хохол Йөра Саш. — Сия вед меным дядьөн лоө, но ме сийөс сідзи и эг аддзыл!

— А кысь нө пө аддзылан, зонмөй, — ышловзис да копыртис өна дзормөм юрсө Ыджыд Ай. — Мунис сия вөрө лызь вылын аслас тэрыб кокнас, а бөрсө вайөдіныс норт вылын, вөрзылтөмөс да лолалтөмөс нин. Бырис да эз ло менам дыр виччысянаторйөй...

— Да мөй нө көть лоөма сэтөні, Воктым ягьясас? — нөйтчө жө лов тырнас Хохол Йөра Саш. — Ме век көсийлі бурджыка төдмалны та йылысь да сідзи и лючкисө эг вермыл.

— А кысь на пө и төдмалан, кор кык душегубыс веськыдасө эз висьталныс...

— Вай тэ висьтал көть нин сийөс, мөй төдан!

— Татшөмторсө висьтасигөн бара на колмас муртса сөзасыштөм дойяссө-ранаяссө вылысь парсалныс... Но мөй нө керан... Тэныд колө жө төдны тайөс... Тэ со тшөтш жө нин пөрысьмөмыд... А култөдзыд мед эськө и аслад пиыдлы на удитін висьталныс... Миян рөднымлысь и тайө шөгсө...

— Ме висьтасы! — шуис Хохол Йөра Саш. — Ме и тэ йылысь унджык висьтасы. Кутшөм тэ вөлөмыд, миян Ыджыд Ай, да кызди тэ олөмыд. Шуөны вед вөлі, мөй ме пө, тэнад йылөмыд, өддьөн өна муна тэ вылө... Коркө мийө өти зонкакөд косясим...

— Но и мөй? Тэ вермин сийөс? — юалөмнас орөдыштлис висьтасьөмсө Ыджыд Ай.

— Верми...

— Мийö век вöлим ёнöсь! — тöдчöдана шуис Ыджыд Ай.

— Но сiя зонкаыс мамыслы норасьöма... Мамыс локтiс пинясыны миянö. Ме öтнам вöли пукала пызан сайын да чöв ола. А сiя тай сэсся кыз дöжныштас: мöй пö Ыджыд Айыд моз синкым улсяныыд бутыша видзöдан? Мöй он шыасьлы?!

— Сидзкö, абы на вунöдöмаöсь менö?.. Дашкö и либö тэ понда тшöтш дырджык оз вунöдны...

— Но мийö тай ылалыштiм байтöмнас, Öндрей кузяыс...

— Сэки, асья лöзалiгас на, воис гортö Сандра, кодöс, ачыд тöдан, неважөн сетiм верöс сайö Пöчинöкас. Кыккокйив скачитöма вöла доддын. Ныр-вомыс синванас мыскалöма, мича глöсыс горзöм-бөр-дöмысла чирöма. Пырис керкаö да и усис менам морöс вылö. И оллялö, и оллялö:

— Ой, ая! Ой, ая!

Мамыс уськöдчис сы дiнö, Öрин тьötкаыс тшöтш: — Да мöй нö лоис, нылукöй? Мöй нö сэтшöм лёкыс лоис?

— Öндрейыд! Ой, воканöй!

— Да мöй нö Öндрейыс?! — добöлькаöдз жö ползи ме. — Вай, ныланöй, лöнышт да лючки висьтал.

— Кыкöныс воиныс гортö, а Öндрейыд абы! — шуис Сандра да бара на бөрддзис.

— Но, дашкö, веськыда гортö лэччис, тiянö пыралтöг? — Ог на кöйы ме лэдзны ас дiнö медлөксö.

— Эз, ая!.. Вөр керкаас öтнас кольöма сiя!..

— Öтнас кольччöма? Но, дашкö, лун-мöд олыштас на да и локтас гортö. Лызь вылад сiйö миян öддьөн тэрыб...

— Оз вермы сiя вонысö, ая! — бара пондiс сыркъялны Сандра. — Сiя, ая, ёна доймöма... Ёна раниччöма!..

— Раниччöма?! — ачыд тöдтöг он ов, ёсь пуртөн öнi быттö и меным аслым морöсö сатшкиныс.

— Юрас пö пуляыс кызкö инмöма, ая... Вирыс пö уна петöма...

— Юрас инмöма пуля?! Да кызди нö? Кодкö нö лыйис але мöй?

— Ог тöд, ая... Шуöныс тай, мöй зарадиччигөн лыйöма патроныс...

— Васькоыд да вокыс шуöныс? Но мöйла нö öтнассö кольöмаöсь Öндрейсö? Сы ылнаас? Матö нелямын километр гортсянь...

— Мийö пö чожаджык петiмö юөртны...

— Кыкнанныс петiныс юөртны? И коньöрöс öтнассö колиныс вөр керкаас? Вирөн öйдöмасö?

— Ок, кырнышъяс! Ок, кöинъяс! — оллялö Öгаш, тэнад бабушыд, Ыджыд Мамыд, оллялö Öрин, тэнад тьötкаыд. Керка тырис оллялöмөн. Гажа виль керканым миян тырис ыджыд шогөн да дойөн. Но пö и Зеть миян! Но пö и сетiм верöс сайö нылукöс! Морт сёйыс сайö! Душегуб сайö! Да кызди нö позьö кольны ёна раниччöм мортöс öтнассö вөр керкаö? Ывлаас вед со и эстшöм на кодзыд! Торйөн нин войнас... Вед сэтшöмтор кö нин лоис, позьö öтиыслы петны вөрсьыс, а мöдыслы кольччыны доймöм-раниччöмыс дорö... Көртöдсö лöсьöдыштны, ваөн юктöдыштны. Нöшта мöйкö керны. А найö, кырнышъяс и эм, энлötмаöсь... Бур вылö кайис зонкаыс, ыджыдджыкъясыдкөд пö гажаджык. А со тай, петкöдлiсны гажаджык!..

Ыджыд Ай чöв усис татчö, шогыс выльыс пондiс пöдтыны сiйöс, да кылъясыс эз сэсся мöдны сюралны.

Мыйкö дыра мысти пикö воём жö Хохол Йöра Саш сьөлöм сетана шуис:

— Да, ыджыд тай шог усьöма миян керкаö! Окма жö эськö да... А сэсся нö мöй водзöсö лои?

— Мöй лои? Колö чожаджыка кайны коньöрыс дiнö? Гобөр туйсянь на кызь верст лызь вылын... Ме, ачым, сымдатö ог нин вермы челикöдыд... Сэсся вед и колмас петкöдны шудтöмöс норт вылын. Ачыд лызь вылын мунан, а тыра сьöкыд нортсö бөрсьыд кыскан... Дас куим

арёса Иван, тэнад батыд, оз на жё вермы татшөм сьёкыд уджтө керны... Котөртлём Пока Семен Иван ордө, Анналөн верөс динө, сийө мортыс том на да и ён. И Воктым ягъясас уна жө вөравліс, и вөрсө быдлати бура төдө...

— Ме төда жө тайөс! — шуис татчө Хохол Йөра Саш. — Мийө ськөд Сыктыл йылын да Ныдыб йылын ёна дозмөр кыйлім!

— Но вот, Гобөр туйөд Иван зетьсө мийө катөдём вөлөн, а сэсса сия лызь вылө султис да и веськөдчис Воктым ягъясланьыс.

— Отнас?

— Отнас... Мед нин не маниччыны. А нортыс пө найөяслөн керка дорас кольөма.

— Мөй со сэки мөвпаліс Семен Иваныс-а? — ышлолалө өні Хохол Йөра Саш.

— Бур мортыд да, ён мортыд да, көнкө, төлькө и думайтис, кызди чожаджыка вобдчыны том шуриныс дорөдз. Кызди мездыны сийөс пикө воомысь. Этійө көинъясыс вед өтнассө энолтөмаөсь-а...

— Сэсса и воас Иваныс Оңдрейыс динө? — водзө нуөдө сёрни визьсө Хохол Йөра Саш.

— Ён мортыд да, төдысь мортыд да, медвеськыда лөсалас-мунас. Бур, мөй и ылаыс көдзыд вөлі, войся чарөмыс лунтыр пөшти кутөма...

— А сэсса мөй? — доналө Хохол Йөра Саш.

— Воас вөр керкаас, да Оңдрейыс ловья на...

— Ловья?!

— Нар вылас пө өтнасөн вийсьө-пессьө... Садытөм... Юрыс кы-дзисюрө вир көртөда...

— Ок, коньөрөй дай зонманөй! — тшөттш вийсьө некор аддзыв-лытөм дядыс понда Ылі Муясысь воөм Хохол Йөра Саш.

— Синваыс пычкыяс Пока Семён Иванлөн татшөмтортө аддзигөн. И пиньсө лөгпырысь мурчнитас зонсө тадзи энолтысьяс вылө. Сэсса битор өддзөдас горъяс, чай пузьодас, туисторйын вайөм нөгыла шыд шонтас, мед нин юкталыштны-паньөдыштны да содыштны коньөрлысь вынсө. Но мөдыс нин оз вермы сөйнысө — чайсө сөмын мыйэтшкө нылыштас... Дзикөдз шогө усяс Семён Иван. Мөй керны? Ёнджыка шортыны керкасө да вочасөн кызкө паньөдышталны на? Дашкө воссьыштас на сөян вытьяс?... А водзөсө кө лёкджык на лөө коньөрлы? Дзикөдз кө лолыс петө тани? Дашкө, кызкө колө чожаджыка кыскыны Гобөр туйөдз, верст кызьсө, сэни виччысьө вөла, сөлөдны сэсса доддьө да чожаджыка лэччөдны сиктса першал динөдз?... И сөлөдас көр куөн вольсьыштөм нортө Оңдрейөс Семён Иван, бура домавлас, ачыс бөр султас лызь вылө да аслас жө туйөд мөдөдчас бөр. Пондас кыскыны небзьыштны нин пондөм чарөм вылти.

— Ой, бисова, кутшөм драма! — вийсьө Хохол Йөра Саш, сийө быттьө өні выльысь, ас синнас аддзө став лоана-керсянасө.

— Кыскас да кыскас ён мортыд! Кыскас да кыскас! И куш төлькө өти дум вийсьө Пока Семён Иванлөн вежөрын и лов вылын: "Эн кул, Оңдрей! Вөр сынөднас, тувсов көра нин сынөднас, ёнджыка лолов да бөр ёнмөдчы! А ме тэно өддьөн чожа исколтөда Гобөр туй вылөдз! Тэ сөмын ёнджыка лолов! Эн лэдз лов шыыды кусны!..."

Но Гобөр туй динө петигөн Оңдрейлөн лов шыыс кусө...

— Дзикөдз кусө?!

— Сөлсем кусө... Коньөрөс мийө пуктимө доддьө шоньдөс на, но лолалтөмөс нин...

— Ой, бисова, шогыс!.. Дас сизим арёса пи помасьө тэнад кырымъяс вылын!... Ыджыд Айө, кызкө тай сьөлөмыд абы жө потөма сэки тэнад?!

— Абы тай... Дашкө, сы понда, мөй менам вөлі эшшө өти пи — тэнад батыд... Коліс кызкө водзө олны... Сийөс на коліс быдтыштны... Ныльяслы, мед көть и верөс сайынөсь, кызкө-мөйкө отсыштны...

— Менам батьөй томөн на жө, комын вит арёсаөн, усис жө война вылын! — матө воөмөн шусис татчө Хохол Йөра Сашлөн. — Мийө, куим вок, өтнанным кольлім батьөтг-мамтг!

— Но тай шогыд! — дзыкӧдз дзугыльмис татчӧ Ыджыд Ай. — Бур кӧть, мӧй ме и тайӧс тшӧтш эг тӧдлы таладор олӧмас. А мӧдар югыдас, дашкӧ и, ставным бӧр ӧтлаасям...

— Но, а водзӧсӧ мӧй тӧян лоис? — юасьӧ сӧсся Хохол Йӧра Саш.

— Ӧндрейӧс дзебӧм бӧрын мийӧ кайим Пӧчинӧкӧдзис, сӧдз шусяна зятным ордӧ. Мисьтӧм бугыльсӧ дзеблаӧ. Нырсӧ кыскалӧ. Баснинас кытшылясӧ. Эг вермы терпитнысӧ да, эг и тӧдлы, кызди чер тышкӧн лӧсыштсӧма юрас...

— Эз кув?!

— Черсӧ ичӧтджыкӧс суйсӧма лаз козьянӧ... Да и шапкаыс сьлӧн кызджык вӧлӧма юрас... Дурмыліс-кольмыліс тӧлькӧ... А сӧсся и Сандра уськӧдчис мездысьны... Ой пӧ, Ая, эшшӧ ӧти лектор эн кер!.. А сӧсся и ачым бӧр палялышти. Висьтал, мӧся, пеж лов, кызди ставыс лои!

Зарадитчигӧн пӧ патроныс гымӧбтӧс, да пуляыс веськаліс юрас. Мӧд вокус сӧдзи жӧ кайтӧ и...

А, мӧся, тӧян вӧлӧма военной винтовка, эн-ӧ сийӧн кызкӧ лыйӧй зонкасӧ?

Некутшӧм винтовка пӧ эз вӧл.

— Сӧдзи и сосиныс кык вок, буракӧ, мед сӧлсем не йӧзасыны, кытчӧкӧ ӧна пыдӧдз дзебиныс винтовкасӧ.

— Чайтан, винтовка пулянас ранитчис Ӧндрейыс?

— Ме чайта, сийӧн. Вермас лоны, мӧй велӧдчис-ворсис затворнас, а сӧсся и гымгис-луйис тӧдтӧм пищальыд. Да и кызкӧ веськаліс юрас... Вермис лоны ускӧтгьӧйс и пасӧ лыйсигӧн. Шуам, пас пусяныс кызкӧ бокӧ дзӧлкнитӧс вына пуляыд да и чергӧдис зонканымӧс мияныльс... Либӧ кӧр паныдалӧгӧн ылісянь судзӧдис сийӧс... А, дашкӧ и, зыкӧ воиныс да косыштіныс... Ог тӧд, сӧдз ли тадз ли вӧлі, ӧні тайӧс некызд нин он вермы тӧдмалны, некод нин абы ловья... Оз кӧ кык кӧиныс мӧдар югыдас, медбӧрын, збыль вӧлӧмасӧ висьталныс...

— Но мӧйла нӧ, мӧйла кольмаӧсь ӧтнассӧ Ӧндрейсӧ? — некызд жӧ оз вермы лӧнны Хохол Йӧра Саш. — Вед ӧтиыс кӧ лӧччис юӧртны лектор лоӧм йылсыс, а мӧдыс кольччис ӧна доймӧмыс дӧнӧ, дашкӧ и, вермис на и кызкӧ отсалны. Ваӧн юктӧдӧмӧн, ӧзйысь юрсӧ ва рузумӧн ыркӧдӧмӧн. Кызкӧ кокньӧдышты нӧйтчӧмсыс...

— Ме, дерт, шутӧг эг ол жӧ лек зятыслы та йылысь... Но сьлӧн, мутилӧн, и та вылӧ воча кылыс вӧліс. Ассьым пӧ ме воканӧс, томджык на да, эг лысьт ӧтнассӧ лӧдзны кузь туяс. Ӧтнассӧ пӧ колны вӧр керкаас ӧна ранитчӧмаыскӧд эг жӧ лысьт...

Мӧся, сийӧс, ловьяӧс, дзонь-здоровӧс, эн лысьт колны ӧтнассӧ, а кулысь мортсӧ лысьтӧн энолтны?!

Мийӧ пӧ ӧглаын чожаджык кӧсйим лӧччыны да юӧртны... Мӧй сӧсся босьтан кӧин рӧдыдлысь!

Сӧсся Хохол Йӧра Саш шуис:

— А ме вед коркӧ, том дырйи, паныдасылі сийӧ Васькоыскӧд. Неуна гажакодъ вӧлі да веськыда пыки юалӧмӧн: мися, вай висьтал, кызди тийӧ менсым Ӧндрей дядьсӧ помалінныд? А сийӧ тай кызди чушнитас ме вылӧ, ӧтка синнас кызд дзӧлкнитас!..

— Ӧтка синма? — юасьӧ Ыджыд Ай.

— Да...

— Но, сӧдзкӧ тай либӧ Енмыс чорыда мӧйкӧкертӧма жӧ став мыжъяссыс!.. Но, дерт, кӧнкӧ, немтор жӧ эз висьтал сия тӧныд?

— Эз... Ачыс пӧ зарадитчигӧн ранитчис.

— Сӧдзи и гусяторсӧ гуас нуиныс... А дас сизим арӧса зонмӧй миян эз ло.

Чӧв олыштӧм бӧрын Хохол Йӧра Саш юалис Ыджыд Айлысь:

— А мӧй нӧ Сандра?

— Сандра, нылукой менам, дерт, ӧна жӧ матӧ воӧма вӧліс. Тӧлькӧ на верӧс сайӧ петис. А со муса вокус бырис. Эз ло. А верӧсыс сьлӧн ӧддӧн мыжа таысь. Дашкӧ и, медся мыжа. И, дашкӧ и, ставсыс

таысь нылукуы асысö тшöтш мыжаон кылис... Ляскысис Сандра менам морöсö да ыджыд гөлөсөн бөрдө-горзö.

Айö пö, мөй нö меным öнi керны? Кыдзи нö меным водзö олнысö?

А, мөся, лэччам бөр гортö! Кыдзи тэ öнi верман татшöм немортыскöд олны?

А мöдыс, злыдниыс, чепöсийс жö мян дiнö, пидзöс вылас султiс. Ая пö, эн лэччöд Сандратö ме дiнысь! Öддöн пö муса меным сiя! Эстшöм шаня да лада пö мийö пондылым олны!..

А ме шуа: мөся, лёк кöин, öти мортöс энöлтiн сьöд вөр шөрö кулны, а код пö на тэнö тöдас, мөй на пö тэ керан ныланöйыскöд.

А сiя сэсся Сандра дiнö мөйкөкертiс: Сандра, эн лэччы бөр гортад! Эн энöлт менö! Ме öнi тэтöг пропадыта!

— А Сандраыс мөй вочасö?

— А Сандра друг веськöдчис, синъясыс быттьö косьминыс уна синвасыс. Синъясыс яра дзаркнитiныс став мян рöдсалөн моз. Да и яра жö шуис ныланöйыд:

— Ме лэчча бөр ая ордö! Ме ог вермы воськолтны муса воклөн вир вылтi!

— И лэччис? — ыгыялö жö öнi Хохол Йöра Саш.

— Кöлуй-мöлуйсö чукöртiс да öтлаын и лэччим, — шуис Ыджыд Ай и югыда жö дзаркнитысь лöзов синъясас тöдчö вöли татшöм нылсö радейтöм и ёна пыдди пуктöм, а тшöтш и асысö Мортөн кылöм.

— Эстшöм жаль Öндрейыс! — бара на эз вермы кутны сьöлöм вийсьöмсö Хохол Йöра Саш.

— Мед кöть кыдзи эз ло сэтöнi, но лёк йöзлөн кöдзыдлуныс, мöд морт дiнö налөн веськöдлуныс матöдiс Öндрейлысь помсö, — шуис ышловзёмөн Ыджыд Ай. Сэсся сöдтiс: — А медъенасö, дашкö и, сiя жö война вылсыс петкöдöм виньтовкаыс и дзенгис кужтöм на зонкасö. Не кö ыджыд косьын, — ас вöрын суöдiс пианöйöс сiя жö войнаыс...

— Бур кöть, мөй менам баттьö, тэнад медбөрря пиыд, кольлöма на тiян...

— Да, ме тэнчыд баттьö, сэкисö дас куим арöсаöс, водзö на быдтi, быдсяма удж дiнас велöдi, вöралны велöдi, чери кыйны, бур мортөн лоны велöдi.

— Тэ пö адзылöмыд на и менсым чужöмöс? — юалис сэсся Хохол Йöра Саш.

— Да, адзыли и тöдлi! — лöсьыд чужöм тырнас шоныда нюмъөвтöмөн шуис Ыджыд Ай. — И тайö, дашкö и, вöли менам олöмын медыджыд шудыс!.. Öддöн арзысь-горзысь тэ вöлин! Öддöн асруа! Сöлсем жö ме кодь. Кык бабуш вöли öтарö видзöны-пестуйтöны тэнö, томиник мамсыд öтар. Но, аслад бабушыд да сочöй менам, Öрин. Öтиыс мудзас, мöдыс пондö! Ъвлаö ортсыасыны сьöрсөн-бöрсөн вöли петалöны. А меным любö! Но, мөся, татшöм яр горзысьыд мортөн на лолас коркö! Миянлысь Йöра Рöднымöс водзö нуöдысьөн!

Татчö сэсся и садьмис вöтсыс, дивö кодь вемöссыс палялис ли Ъли Муясыс Важ Гортас воём Хохол Йöра Саш. Синсö восьтöмөн да лов шысö кутöмөн куйлыштiс на вөрзывтöг — сылы вöли жаль на янсöдчыны Ыджыд Айыскöд. Виччысьыштiс на, оз-ö бөр на бергöдчы-во сэтшöм матыса да ас Ыджыд Айыс, ачыс бөр на сьö оз пöр ли...

Но ставыс нин вöли весьшөрö! Хохол Йöра Саш бөр колис öтнас. И сэки сылы ёся чунгис сьöлöмас:

"Меным колö чожаджыка бөр мунны аслам челядь дорö! Аслам внукъяс дiнö! Мед кöть накöд, метöгыс, мөйкө лёктор эз жö ло! И меным колö, мөй поэяна, дорйышталны найöс, мөй вермышта на отсышталны налы".



Владимир ТИМИН

Коми драматург В. Д. Лекановкӧд

Абъячойын

“Володенька!

И ме тшӧтш вӧвлі томӧн,
И нывъяс менӧ радейтлісны зэв...”

“Василий Дмитриевич!

Тэд кӧть абу комын,

А тэ и ӧні

Пӧрысьмӧм, но лев.

Он тэрмась сёрниясын.

Юртӧ вылын кутан.

Он вышшитчы,

Но тӧдан аслыд дон.

И радейтан тэ сідзи чужан мутӧ,

Кызд мича нылӧс

Радейтӧ том зон”.

Ми варовитам кыкӧн

Абъячойын

Да казтылам,

Лун чӧжӧн ветлім кыт.

А мудзӧм шонді югӧръяссӧ койӧ,

И лӧньӧм сиктӧ пуксьӧ гоҗся рыт.

Библиотека, ылыс видз да ферма.

Кок йылын лунтыр,

Бергӧдчылӧ юр...

“Володенька!

Тэ сӧмын эн зэв тэрмась,

И чужан сиктын

Ставыс лоӧ бур”.

Мый висьышталӧ ыджыд ёртӧй, тӧді.

Тшук сувтлыштас да шуас:

“Веськыд мат.

Дыр мунны сьӧкыд, сы вӧсна мый пӧда,

Кӧть меным татчӧс сынӧдыс и ма.

А вöвлі коркö томлун,
Быттьö ытва,
Кор сьöкыдлунсö венны весиг рад,
Сэк вöліны и гажа сиктса рытьяс —
Эз сöмын пьеса, —
Збыльысь гажа кад.

Кöть ставыс бöрын,
Ньöти ме ог дöзмы.
Кыз овсьöма,
Оз шызьöд талун лов —
Нэм чöжөн зили
Вöчны бурсö йöзлы,
И таысь ыджыд шудыс мем
Оз ков.

Мед сöмын водзö
Кыскис йöзыс дорö.
Мед сöмын юргис
Мича коми кыв.
Мед сöмын шуда,
Быдмысь челядь горөн
Век вöлі тыр да кыпид
Ывла выв”.

* * *

Квайт час асылың кытшовта карсö,
Ылын горалö аэропорт,
Том морт туй боксö гöликөн варскö,
Руньгö рытсыяныс ылавлём морт.

Сійöс ас думөн ньöти ог сак ме —
Асьным ылавлам — пöрысь кöть том...
Беддён гудйысьö шыблasyсь бакын
Важөн бритчытём олёма бомж.

Тьötö сумкаөн кыйкъялö-жöдзö,
Юртö веськöдас, ньобан кө доз.
Любöй пöраб, шонид ли кöдзыд,
Сьöма — могмодас, абу кө — оз.

Муна сувтлытöг водзö и водзö,
Тьöтлөн отсöгыс меным оз ков.
Важөн мынтöма медбөрья водзöс,
Медым винаөн пöткöдны лов.

Асья уличьяс чужтöны мөвпьяс,
Найöс та кадö некод оз торк.
Сыктив ю дорсянь ыркыдөн öвтö,
Мыйкö вашкöдö тополь пу кор.

Кыз и век, тöждыс карыслөн чукийөн,
Регыд шеныштас бордьяснас ун...
Меным асылыс козьнавлö здукьяс,
Мыйысь бурланьö бергöдö лун.

Серпас

Көмтөм нывка зэр улын
Гарья кузя котөртө,
Сөдз синвасө дзевигмоз,
Юрсө улө копыртө.

Гожся рытө виччысьтөг
Неминуча лоөма:
Йирсянінысь гортланьыс
Мөсныс абу воөма.

Мамыс колхоз удж бөрын,
Ой, мудзөма, ой, видчө,
Ньөрийөн вөтлө нывкаөс,
Мөстөг мед эз явитчы.

Быттьө сійө мыжаыс
Сюрук ыръянитөмсьыс.
Лунтыр ноксис, горт оліс,
Видөны со нинөмсьыс.

Нывка воис сикт сайөдз,
Келіс ляпкыд ю вомөн,
Оз тыдав, оз бакөсты —
Бубаыс кө нуөма.

Өтнас сукмөм рөмыднас
Вөр діяссө гөгөртіс,
Полөмпырысь ньөртөрийөн
Кытшовтіс и егырті.

Со нин яглань матысмис,
Водзын джуджыд пожөмъяс,
Мөссө кыськө адззыны
Надеяыс вошөма.

Кодарланьө сетчыны,
Кытысь отсөг виччысьны,
Оз кө кыськө вылісянь
Енмыс сылы мыччысьлы?

Сөмын пернапасасис,
Сөмын тадзи юаліс —
Гортлань восьлалігмозыс —
Аддзө: мөсныс сулалө..

Ньөрсө бокө шыбитіс,
Малышталө Сюрукөс,
Ышловзьялө кокниа:
Энлы, гортын сюрө тэд.

Вөтлө долыд сьблөмөн
Гортлань мир туй пөлөныс...
Тайө ичөт нывкаыс
Менам мамө вөлөма.

Нарьян-Марын

Нарьян-Марын гажа талун,
Том и пөрысь, аддза, рад —
Портө воөма “Фостраун”,
Ылі' Бергенысь корабль.

Сійö вайöма тöваръяс,
Лун-мöд мысти кывтас бөр,
Кызд быд рейсын, öни бара
Море вомön нуас вөр.

Тайö вöрсö лючки-бура
Кыскис уна лун да вой
Печораöд топыд пурйön
Миян уджач “Волховстрой”.

Мед “Фостраун” серти ичöt,
Майбыр, тырмö сылön вын,
Плицияснас шлачкö, видзöд —
Небесаöдз кайö тшын.

Сувтiм якөр вылö портын,
Водзын ваис — пом ни дор.
Ас каютаын ме — гортын,
Но и кыскö карлön гор.

Рытнас ветлас ресторано,
Коді вахтагасьсь прöст.
Буретш гажöдчöны тані
И Норвегияса йöз.

Ызгöм-бызгöм, вина киссьö,
Пыран — кокниа он пет.
Водзвыв тöда: уна пийсьыс
Век нин ёрткодь сюрö тэд.

Тадз кымын и лои регыд:
Клоп! — и тайкö ме эг усь.
Горзö крепыд зон:
Норвега!
Индö чуьнас мелань:
Русь!

Ог ме вензья,
Кöть и коми —
Гажа моргыд век нин прав.
Дружба вöсна
Стопка со ми
Лэптiм — ме да скандинав.

Быттьö лоим ми
Посолъяс.
Абу жö öд коньөр тусь,
Горза воча:
Мирön олам,
Тэ — Норвега!
А ме — Русь!

Сэсся кывъяс огö тöдöй,
Но ми лоимöй кык ёрт.
Коркö, пемыднас нин, мöдiм —
Гыяс вылын миян горт.

Разалiмöй лючки-бура,
Ёртöй кыпыд,
Ме тшöтш рад...
Нарьян-Мар,
Тэ волан юрö,
Кодыр казьятыла том кад.

* * *

Финляндиясь гость Паула Кокконенлы
мича тувсов лунö

Мем дыр эз гижсьы,
Сы вöсна мый корси
Ас кывйöн сиöм —
Медся бур да шань.
Мем войвыв вөр-ва
Вашнитис:
Эн сорсьы,
Öд Паулаыд
Ловзьöм Зарни Ань.

Со кутшöм сийö
Раминик да муса,
И чужöм вылас ворсö
Мелі нюм.
Дзик Зарни Ань моз
Шонтис Коми мусö
Да чужтис водзö вылö
Югид дум.

Мый эм на кöнкö вылын
Миян кодзув,
И комияслöн
Нюжалас на нэм...
Тэ Зарни Аньöн
Воин йöзыс водзö,
И аттьö Енлы сыысь,
Мый тэ эм!

* * *

Ставыс чужö, олö, бырö,
Гашкö, весиг рай и ад,
Сöмын öтнас водзлань нырöн
Кывтö ставсö венысь кад.

Эз вöв заводитчöм сылöн,
Некор оз ло сылы пом,
Кывтö помасьлытöм ылö,
И он бергöд и он пом.

Кытысь?
Мыйла?
Кытчö воам?
Весьшöрö ог жуглы юр:
Кутшöм мывкыдöсь кöть лоам —
Некор воропыс оз сюр.

Сöмын тöда и ог юась:
Ковтöминö дзик эг чуж —
Тайö помасьлытöм юас
Менам помасьлытöм вуж.

Гарья.

1998.07.18

□ □ □

Владимир ШИРЯЕВ

Князь ныв

ПОВЕСТЬ

Гожом чуксалө

Женяос садьмөдис өшинь занавесьяс костөд писькөдчысь шонди югөр, кодi вачкис сылы веськыда чужөмас.

Бөрья вежонас, мыйон лэдзалисны гожся каникуляс вылө, Женяос некод оз садьмөдывлы, оз нетшкывлы сылысь эшкынсө, кыдзи төлын. Вод, майбырöй, кор окотитан, чеччы вольпассыд, кор унмыд дзикөдз веськалас да сэсся аслыд дышөдас туплясьны. Некутшөм төждлун оз маит сьлөмтө. Оз ков мөвпавны урокьяс йылысь, гортса уджьяс вөчөм йылысь. Велөдчигад вөли мам век чиршөдлө, полө мыйыськө, а Женя помалис квайтөд класстө мукөдысь эз омөльджыка. Куим "тройка" сөмын и лоис во помнас...

И вот öни, кор некод оз чукав, аслыс дырсө оз узьсы. Женя тэрыба чечкис вольпась вывсьыс, вештыштис занавесьяс да гурйив восьтис узьлан жырйысь өшиньсө. Чужөмө өвтыштис кокныдик, шоныд төвру. Бара талун луныс мичаысь-мича. Поводдяыс быттө төдө, мый челядылы воис шойччан кад: школаысь лэдзалөм бөрын зэр тусь на эз войтыштлы.

Мукөд детинкаяс чеччөмабсь жө нин, котралöны өшинь улын, мач чужьялöны. Посныдджык нывкаяс бокинджык чиркьяс моз чеччалöны, муас гижтөм визьяс вомөн княнича торьяс бөрся вөтлысьöны.

— Братенков! — кодкө казялөма нин Женяос. — Пет нин өдйөджык, а то мян защитник оз тырмы.

Женя немтор эз вочавидз, тэрыба кутис корсьны керка ключ. И сэки син улас уси пызан вылын куйлысь гижөд: "Мыйон садьман, пыр жө лок ме динө. Ветлам магазинө, видзөдлам тэныд спортивнөй костюмтө. Мама".

Татшөм костюмсө Женялы важөн нин корсьöны, но некытысь оз сюр. Быдөнлөн нин эм, а сылөн сөмын абу. Кытысь сөмын йөзыс веҗьялöны ньобавнысö!

Женя весиг эз сөйышт, игнасис да петис явла вылө.

А, веськыда кө шуны, Женяос мамыс уджаланинө ньöти эз кыскы, көть сэни мича сад, ыджыд оранжерея да син водзад пөртмасьöны мичаысь-мича дзоридзьяс. И та вылө вөли öти помка.

Лун вит сайын кымын сийө мунис оранжереяас нидзувьяс корсявны. Эз өтнасөн, а Роман другыскөд. Локтисны, а сэни кутшөмкө нывкаяс ноксьöны. Гашкө, дасөн, Женя кодь кымын жө арлыдаось. Восьса градьяс вылө дзоридз рөсада садитöны, ведраясөн ва ваялöны да мусö киськалöны.

Öти нывка, медся збойыс буракө, кутю пон моз уськөдчис детинкаяс вылө.

"Мый тиянлы колө татысь?" — скөрысь кутис чирзыны, быттөкө сийө, а абу Женялөн мамыс тани медся ыджыдыс.

"Асьным төдам, мый колө! — воча ёкыштчис Женя. — Быдөнлы ог кутöй висьявны".

"Некутшөм нидзув татысь он корсьöй!" — адзис нывкаыд детинкаяс кийысь банкаяс.

"Тэнсыд ог юалөй!" — скөрмис тшөтш и Роман.

"Ог лэдзөй, и ставыс! — нывка сатшкис на вылө сьод синъяссө, шеныштис кияснас. — Öнi жö марш татысь!"

Тайö нин дзикöд скөрмөдiс детинкаясö. Роман чабыртiс кулаксö да воськовгiс водлань, но сьод юрсиа нывкаыд тэрыба копыртчыштлiс, кватитiс бокас сулалысь пелькиник ведра да öддзöдчөмөн ыльнитiс Женяöс да Романöс ваөн. Детинкаяс весиг эз вевъявны бокöджык вешйыштны, ваыс кыкнанныслы вылас веськалiс. Другьяс дзикöдз скөрмисны, кватитiсны нывкаöс сьод көсаöдыс, шымыртiсны кияссö. Нывкалы отсöг вылө чилзигтыр уськöдчисны пöдругаясыс.

"Ми тiянöс, катшаясöс, сiдз купайтам, мый нэмныд он вермөй косьтысьнытö!" — шеныштчис Женя.

Тайö зык шöрас и суис найöс Женялөн мамыс, кодi вөлöма оранжерея пытшкас да петöма татчö челядьлысь увгöмтö кылöм бöрын.

"Локтiсны, Агния Васильевна, тайö шпанаясыс да косясьны заводитiсны!" — скөралiс сьод синма нывка.

"Ачyd первойөн воин миян вылө, а öнi суклясян", — пинь пырыс сöдзöдiс Женя.

Мыжаөн, дерт, лоины детинкаяс, и медводз, Женя. Мам эз и мöд стöча юасыны, мыйсянь ставыс заводитчис. Гортын на пöтмөн пинялiс. Шуö, зэв пö шань нывкаяс воывлöны отсасыны школа-интернатасы. И Нинаыс пö, Симуковаыс, кодi буретш на вылө первойөн вузвысьлiс, абу омөл нывка. Тадзи кө пö көсьян и водзö вылө кутны асьтö, верман оранжереяö нбөтчид не волены. И батыс Женяöс дивитiс жö: тэ пö öд мужикьяс рöдысь, гач новлан, а мужиклы колö кужны кутыштны асьсö, торйөн нин нывбаба водзын.

Ставыс тайö бара усис дум вылас Женялы, кор сийö мöдöдчис мамыс дiнö. И сьод нывка дiнö лöглуныс выльысь ыпнитiс яр би моз.

— Романöс эн аддзылөй? — юалiс сийö футбол чужъялысьясысь.

— Сокерин мунiс аэропортö, — висьталiсны сылы. — Мамсö колльöдö...

"Сiдзкö, театрыс бара нин мöдöдчöма кытчöкö", — думыштiс Женя. Романлөн мамыс артистка, и сийö тшöкыда дыр кежлö ветльвлö гортсыс. Кор Роман да бабыс кольöны кыкөн, сэки Женя частöджык пыравлö на ордö. Кык друг велöдчöны ворсны гитараөн, а то сiдз-тадз дурöны да больöны. Мукöддырийыс сэтшöма ышмыласны, мый весиг бабыслы öлöдны ковмывлö. Суседьяссыс пö яндзим, кор пу кузя детинкаяс грымöдчöны либö гигзöны-сералöны.

Женялы волiс дум нуöдлыны Романöс аскöдыс тшөтш, а со эз артмы. Кад вошгытöг сийö мöдöдчис öтнасөн. Автобус виччысьны эз мöд. Луныс тай мича, позьö и подөн воöдчыны. Мамыс оз жö радейт автобусьяс вылын ветлыны. Ме пö совхозад уджалiгөн велалi муяс вывтi подөн велöдлыны. Воддза агрономалöмсö казьтылö, кор ещö сиктын на овлiсны.

Карса уличаяс кузя, кыдзи и век, жуисны машинаяс. Кутшöмьяс сöмын абуöсь: автобусьяс и самосвальяс, нянь кыскалысьяс и таксияс, санитарнöйяс и аварийнöйяс, гөрдьяс и лöзьяс, посниджыкьяс и гырысьджыкьяс. Сы мында, и ставыс разнöйöсь. Быдөн кытчöкö тэрмасöны, быдөнлөн аслас мог.

А йöзыс абу жö этшаджык, жуö сöмын. Мича луннад быд ловъя лолöс кыскö ывла вылө: пузчужöм кагаос и крукыла бөдь моз кусыньтчөм пöрысьсö.

Öти сквер дорт мунiгөн Женя казялiс куим детинкаöс, кодьяс вöли ворсöны кутасьöмысь. Налы вöли ар көкъямыс-ökмысөн. Аштытöдзыс нин котралöмаöсь, а век на вөтлысьöны öта-мöд бöрсяяс. Мукöддырийыс, мед öдийöджык суöдны ёртсö, веськыда котöртöны дзоридзяса клумбаяс вомөн.

— Тi нö, пыстаяс, мый тани вöчанныд! — скöрысь шыöдчис Женя. — Али он тöдöй, мый оз позь талявны дзоридзяссö? Мöдысь кө казяла — буртор эн виччысьöй!

Детинкаяс эз лыстыны шуны кыв ни джын, юръяссö лэдзöмөн ылыстчисны сы дiнысь.

Карбердса оранжерея дорын, кодöс кытшалöма пöвйиысь топыда тувъялöм турунвиж заборөн, паськыд уличаяс абуöсь. Танi аслыссяма лөнъ олöм, кöни весиг луннас некодысь повтöг жбыръялöны вöрса пыстаяс. Сöмын коркö-коркö вуджöртглас татi машина — волас цветъясла. Сэсся бара шы ни төв. И лишнöй йöз оз ветлöддыны. Кажитчö весиг шондiыс мелiджыка инмöдчö татчö аслас югöръясөн, быттьöкö тöдö, мый танi лишнöй жарыс сэтшöма жö оз ков, кыдзи и кодзыд поводяыс.

Дзиръя öдзöсöд пырöм бöрын веськалан садиö. Забор пöлөн, и сiдз, чукöрөн-чукöрөн, быдмöны лём кустъяс, сирень, лежнöг, пельсы пуяс, — найö, кодъяс оз повны кодзыдысь. А йөр шöрас — стеклитöм вевтъяса да стенъяса кузь керка. Тайö и эм оранжереяыс.

Йөр пытшкö пырöм бöрын Женя сувтыштiлiс да сюся видзöдлiс гöгөр. Нывкаяс некөн эз тыдавны, кык тьотка сöмын копрасисны град дорын. "Талун, буракö, абуöсь нин ёмаясы", — кокныдджыка лолыштiс детинка да векныдик туйöд веськöдчис оранжереялань.

Быд пöрийö, кор Женя пырö тайö югыд керкаас, сийöс долыд шемöслун босьтö, быттьöкö веськалö мöд муö, кодi төдса вöли таöдз сöмын книгаысысь, кинофильмысысь да телепередачаысысь. Пыр жö нырад öвтыштö чöскыд дук, кутшöмöс кывлан парикмахерскöйясысь да мамлөн духи дозъясысь. Сэсся видзöдчан бурджыка, и синъяс вoдзад заводитöны пöртмасыны быдпöлöс рöмъяс, кыдзи войся востым либö öшкaмöшка дырйи. Кутшöм сöмын дзоридзъяс танi эз быдмыны: гöрдъяс и пемыдгöрдъяс, лöзъяс и кельыдлöзъяс, вижъяс и еджыдъяс. Быдмөгъяс гоньгöдчöмаöсь сiдзи, быттьö ошйысьöны öта-мöд водзас: тi пö мичаöсь, но ме ещö на мичаджык. И кытысь сöмын босьтöны найö татшöм мича рöмъяссö. Быдмöны дзик орчöн, öти пöлöс му вылын, шонтысьöбны öткoдъ шондiөн, лолалöны öти сынöдөн, а быдөн чукöртöны кыскö аслыныс лöсялана краскаяс. И кыдзи веськалöны сьöд муас синъястö пöртысь татшöм рöмъясыс!

Женя кокныддика лолыштiс да пырис оранжерея пельöсö потшыштöм неыджыд комнатаö, кодöс танi нимтiсны контораён. Мам буретш пукалiс аслас местаын, сёрнитiс кодкöдкö телефонён. Позис гöгөрвоны, мый кутшöмкö организациялы колöны букетъяс, мед встретитны карö локтысь дона гөстъясöс. Мам эскöдiс, мый вермасны волены любöй кадö, эм пö и гвоздика, и гладиолус, и каллы, и бегония, и примула, и ещö мыйсюрö.

Став тайö нимъяссö Женя сёысь нин кывлiс водзджык и лыддьывлiс оранжереяса джаджъяс вылö крепитöм биркаясысь, а век сорлассьö, помнитны оз вермы. Тешкодьöсь нимъясыс дзоридзьясыслөн. Мукöдсö шуны кывйыд оз бергöдчы. А мам велалöма нин, коть некымын во сайын на ноксис сöмын совхозса муяс вылын вöдитан быдмөгъясөн. Буракö, агрономас велöдчигөн тöдмавлöма та йылысь, а сэсся книгаысысь лыддьöма.

Телефон трубкасö пунктöм бöрын мам петалiс оранжереяысь, сёрнитыштiс, кылö, тьоткаяскöд, сеталiс налы кутшöмкö индöдъяс. Сэсся Женя да мамыс петiсны татысь да веськöдчисны магазинö.

А магазиныс вöлöма карбердса ичöтик лавка, кöни вузасисны став пöлöс төваръясөн — телевизоръясөн заводитöмөн да джодж краскаясөн помалöмөн. Но Женялы колана костюмъяс эз нин вöвны. Куйлiсны костюмъяс сöмын ичöтджыкъяслы. Но вузасысь бурöдiс зня-пиаöс, мый татшöм кöлуйсö регыд бара на ваясны, и сэки ачыс быть котöртглас оранжереяöдз да юöртгас Агния Васильевналы.

А Женя, веськыда кö шуны, эз ёна и жугыльмы. Оз тай пасьтöгыс ветлöдды. Гожöмнад абу быть кышавны шöртысь кыöм костюмтö, позьö на и виччысьыштлыны.

Магазинысь петöм бöрын сийö эз нин мун оранжереяö, а веськыда мöдöдчис гортас. Ачыс вöли рад, мый вöлис мамыс дiнын, и сэк жö

эз паныдась Нина-ябединакөд. Интернатса нывкаяс, буракө, муналомәось нин гортаныс и татчө эз воливлыны.

А сэсся, пажун дырйи, локтис гортө Женялөн батыс да висьталіс, мый сылы аскисянь сетöны отпуск. Муқод воясө век арнас да төвнас шойччывліс, а таво лэдзöны гожом шöрын. Заводыслы пö тадзи бурджык. Женя весиг чеччыштлис нимкодьысла, көть батльон висьталöмын ыджыд выльторйыс эз нин вöв.

Ая-пиа төвнас на, кор немтор эз төдны отпускъяс йылысь, унаысь сёрнитлісны тайö гожомсö кольбөдөм йылысь. Вöлі чорыда шуöма, мый таво батыс петас отпускö гожöмын, мый сійö некытчө оз мун бокö, мый найö быть кутасны ветлывлыны чери кыйны. Та дырйи кутсис төд вылын, мый найö ветласны кытчөкө оз öти либö кык лун, а вежон либö дырджык кежлö.

Ая-пиа эз сöмын сёрнитны та йылысь, но и заводитісны лөсьбöдчыны. Виль во бöрын батлы вöлі сетöмаось заводсьыс премия, и сійö пыр жö нёбис палатка. Ичөтикöс. Кык мортлы узьны арталöма. Бöрынджык нёбисны вугыр шатинъяс, лөсьбöдісны вугыръяс да кыснанъяс, табьяс да жылкаяс. Мам вöлі сералö нин, мый та дон кө пö нёбöны черисö лавкаысь, то куйм морта семьяыды тырмас сөйны во гөгөр чөж. Но öд кыскө вайөм трескатö либö хектö ас кыйөм свежөй чериыккөд нётчыд он öткодяв. Тайöс öни быд йөй гөгөрвоö. Сöмын, шулöны тай, чериыдлөн юрыс зэв пыдын.

Другъяслөн гусятор

Женя да Роман та йылысь некодлы на эз висьтавлыны. Оз көсйны водзвыв больгыны. Мыйөн эштöдасны найö ассьыныс автоматическөй тывсö да видласны, сэки и позяс ёртъяслы висьтавны, газетö да журналö гижны. Мед быдөн, кодъяс окотитасны, кыйсьöны да свежөй чери сөйöны.

Оз гөгөрвоны йöзыс, кыдзи кыйны черисö. А Женя да Роман асьныс думыштісны. Вит лун сайын, кор лэччылісны вуграсьны карса пристань дорö. Лун джын пукалісны кык друг, öти мык сöмын кыйисны. Романлы кызкө шедіс. А сэні неылын вöлі нывка. Ветлөдлө берег дорöдыс, бобувьяс куталан сакөн гудрөдлө васö, думсьыс чериöс көсйö гумовтны. Шедіс али эз сылы мыйкө — детинкаяс оз төдны. Эз ветлыны сы дінö. Но буретш тайö серпасыс чужтіс налысь ыджыд мөвпсö.

"Ичөтик сакнад немтор оз шед, — шуис сэки Роман, öвтыштіс кинас нывкалань. — Но, вöчны кө ыджыд сак, джодж пасьтаос, сэки бура позьö гумлавны черитö".

"Кызди нö вöйтан сы пасьтасö? Кыдзи сэсся сійöс кутан лэптыны? — кутіс серавны Женя. — Берег дорас ковмас сувтöдны кузь стрелаа кран, кутшөмъяс тай эмöсь уна судтаа керкаяс стрöитысьяслөн".

"Лэптам! Кörtалам кузь зіб помö. А вöйтам берегсяныс.

А сэсся вывті öдйö лэптыны вывлань. Комын-нелямын черитö позьö быдысь сакыштны".

"А тыв шöрас сам тыра ичөтик мешöк көртавны", — Женялөн лөз синъясыс долыда дзирдышісны. Öни и сійöс тшöтш вөрзбөдіс другъяслөн мөвпыс.

Кайисны гортö, пырисны Романъясö да кутісны думайтны, кытысь эскө судзöдны татшөм саксö. Ветлісны спортивнөй төваръясөн вузасян магазинö. Сэні вöліны сыв пасьтаось сöмын.

"Немтор татчө оз шед", — ышловзис Женя.

"А йитлыны кө öтлаö зэв унаос?" — вашнитіс Роман.

"Коді йитлас?"

"Асьным".

Петісны магазиньысь, и Роман кутіс висьтавлыны, мый сылөн бабыс

ставсö вöчас. Сылөн батыс вöвлöмачери кыйысьөн, челядь дырйиысылы абу öти ботан да кулöм кылывлöма.

Пуксисны асфальт вылö, гижтöмөн заводитисны артавны, кымын сак колö налы ньöбны, уна-ö колö та вылö сьöм. Задачаыс эз вöв сьöкыд. Ыдждöдны кө саксö кык пöв, то колö ньöбны нельöс, куим пöв кө — öкмысöс. Но паськалöмкöд öтлаын шемöсмöдана содис и сакыслөн донис.

Пукалисны, ышлолалыштисны, но быть лои вöдчыны медся ичöt лыдпасö: лун-лун быд көпейка чукöртöмөн, кино вылö ветлытöг да мороженой сөйтöг, вермас öкмыны сьöм сöмын нель сак вылö.

Тасянь колис вит лун, а öтувъя кассаын, кодöс меститисны Женялөн сумкаын, артавсис сöмын на öти шайт, көть мороженойяс ньöблिसны зэв шоча.

И со, батылы сетöны отпуск. Чери кыйны, кызди сёрнитчылисны, найö быть мунасны. Бать ньöтчюд оз веж сетöм кывсö. Мый көсийысь-львалис, век на вöчлывлис. Та вöсна, буракö, сийöс өна радейтöны удж вылас. "Степан Иванович, тэ сöмын верман эсавны", "Шыöдчыв сэтчö, Степан Иванович", — шулывлöны бокöвöй йöз. Батьöс бөр-йöмаöсь заводас кутшöмкö комитетъясö и сийö зильö вöчны бурöс быд волысьлы. А неважөн газетын йöзöдисны снимок: медбур мастер пö.

Женя мöдöдчис Роман ордö.

Роман буретш пажнайтис.

— Сöмын вöли лöсьöдча тэ динö, — чеччис сийö пызан сайысь, разис ыджыд бумага тубрас. — Нельнан саксö ньöби.

— Кытысь нö сьöмыд? — чуймис Женя.

— Нажöвити, — шпыньмунис Роман. — Аэропортын уджали носильщик пыдди, чемоданъяс да мешöкъяс кыскалi...

— Зэв тай бур удж аддзысьöма тэныд, — читкыртлис синсö Женя. — Лун джынйөн кө чуктö татшöм нажöтка, то арöдзыс тэ верман ньöбны быдса самолёт.

Тайö, дерт, вöли сöмын серам. Роман висьталис, мый мамыс сетöма сылы дас шайт, мед тырмас кык тöлысь кежлö, а сийö пыралöма магазинö да ньöбöма нель сак. Öни колис сöмын öтлаöдны найöс.

— Йитны? — юалис баб, кор сылы висьталисны детинкаяс ассьыныс мөгсö. — Талун жö вöча.

Сэсса Женя да Роман котöртисны нидзув корсьны. Эз оранжереяö, көни найöс пинявлисны нин, а кар мöдарö. Кодйисны зырийөн эновтöм, важ муяс. Уна нидзув чукöртисны.

— Пöшти тырыс лоис, — мыччöдлис Женя батыслы ассьыс лöz ведрасö. — Тöлысь чöж тырмас миянлы вуграсьнытö.

— Молодеч! — ошкыштис бать.

Сэки шыасис мам.

— Мунйö нин быдса гожöм кежлö, — шуис сийö. — Пропишитчöй сэтчö, Межаса ном гуранас, век кежлö. Мед вильöдасны лыöдзныд. Школаяслы лишнöй шкилетьяс лоасны.

— Номьясьыд ми ог полöй, — серöктис бать. — Челядь дырйи, сиктын олiгөн, эг сетчывлöй, а öни миянös он нин босьт. Номьясьыдлы паныд тай öни быд пöлös лекарствосö лöсьöдöма. Дукуштасны, и "райö..."

— Тянös нинöмөн йöртны он вермы, — вöча ышлолалис мам. — Майбыръяс! Кутанныд гуляйтны медся бур каднас, а миянлы, коньöръяслы, лöд мырсьыны...

— Тэ али мый коньöрыс? — юалис бать.

— Босьт көть менö.

— Ачыд öд корсин сэтшöм уджсö, — серöктис бать. — Мед эськö пырин сэтшöм местаö, көни уджалöны сöмын тöлын. Шуам, пачьяс ломтыны, лым весавны, стадион вылысь йисö шыльöдны. Быд пöлös контораяс тай эмöсь...

— Тэ ачыд сэнi уджав, — вомалис мам. Но, кызди унджыкысьсö, шуöма вöли тайös эз лöгпырысь. Көть сылы мый он вöзйы, а оз эновт

ассыс оранжереясö, теплицаяссö, векныдик да кузь градьяссö. Агроном коль агрономöн.

Татчö локтöдз Женялөн мамыс уджаліс Сыктыв вожса öти совхозын. Батьöс корисны лесопунктысь карса заводö мастерöн. Сэні дасьтöны вөр лэдзсыяслы вель машинаяс. Став семьяён локтісны карö. Разной пöлöс контораясö да учреждениеясö, кытчö вöлі кокниа сюрö местаыс, мам эз мун. А вот оранжереяд пырис. Ас сертиыс уджыс. Сылөн көсйöм серти чужö да быдмö му вылын мойдын сяма дзоридз. Оз öти, а дас, кызь, комын пöлöс. Вермас öмöй лоны ыджыдджык радлун, кор адзан ассыд быдтöмторьястö! Адзан карса быд клумба да газон вылыс, том гозьяслөн венчайтчан таксиясысь, йöз киясысь!

Женя помнитö, кызди карын восьтісны дзоридзьясөн вузасян магазин. Первойсö этша вöлі йöзыс, а сэсса эз кутны тöрны. Восьтісны мөдöс, коймөдöс, а дзоридзьяс вылö öчередь эз чин. И став пöлöс мича дзоридзьяссö ваялöны оранжереяысь, көні уджалö мамыс.

— Первой субöтанас жö ме локта тиян дорö, — шуис мам. — И медым воигкежлö вöлі пöсь юква.

— Уна ог көсйысьöй, а нелямын ведраыд быть лоас, — серöктіс бать.

"Сöмын öти йөрш вылö надейтчö, — думыштіс Женя. — Да ми жö асланым автоматической тывйөн тыртам черинад и асьнымöс, и став суседьясöс. Лишнийсö сдайтам государстволы".

— Романöс тшöтш нуöдам, — шуис Женя.

— Унанад гажаджык лö, — нямдіс батысь.

Женя котöртіс другыс дінö, мед висьтавны батыслысь кивьяссö. Роман вöлі ноксьö сак дінын бабыскöд öтлаын. Эштöдöны нин уджсö.

Нимкодь лоис Романлы, мый Женялөн батысь тшöтш босьтö сійöс. Оз быдөн вöчны тадзитö. Сы дінö важөн нин сибдіс "тöлктöм детина" ним, и ачыс Сокерин бура тöдö та йылысь. Ещö нимтöны "Рыжачөн" гөрд юрсинк вöсна. Дерт, син сайын сöмын. Син водзад сійöс ни öти детинка оз лысьт öбидитны. Ыджыд тушаа, паськыд пельпомьяса. Коланаинын кывтö питшöгсысь оз корсь.

Неважөн Женя локтіс Романьясö. Пукалісны, сёрнитісны. Тиньöбтіс звöнок. Öдзöс дорö уськөдчис да восьтіс Женя. Пырис тайö жö подъездас олысь тьötка. Скөр. Медводз юаліс бабöс, а кор Женя висьталіс, мый сійö мунöма кытчöкö, чукöстіс Романöс.

— Тэ, чöрт, жугöдöмыд öшинь стеклöс! — вувзысис тьötка Роман вылö.

— Кор? Кытысь? — чуймис мöдыс.

— Пажун бöрын, — скöраліс тьötка. — Öбед вылö волігөн дзонь на вöлі, а öні восьса. Тöv шутьялö. Тиянысь кындзи дзик некоды. Вöчны колö...

— Ме сöмын на локті гортö, — пыксис Роман. — Юалöй баблысь, другьяслысь... Милицияö нулöй.

— Тадзи ме тайöс ог коль! — ыршасис тьötка.

Шог вöлі Женялы видзöдны тайö серпас вылас.

— Чайтан, сылы эскасны? — ышловзис Женя.

— Эскасны! — Роман кутчысис юрас, ышловзис. — Ачыд öд тöдан, мый быд татшöм висьталöмлы эскöны. А меным...

Кык во сайын, кор йöзыс сöмын на овмöдчисны тайö районас, пониджык челядь вöлі кутöмаöсь ыджыд сьöд каньс. Первойсö артельён малалісны сійöс, а сэсса бöжас шöрт йылö көрталісны тиньган, кутшöмьясöс вузавлöны чери кыйысыяслы. Роман отсасис жö налы, эз думыштчыв, мый вермас лоны таысь. Мыйён лэдзисны каньтö, сійö заводитіс шарьявны öтарö-мөдарö. Кымын ёнджыка звöнитö ичöтик тиньганыс, сымын ёнджыка дзизьялö-котралö каньыд. Ёна и сералісны ставөн. Некод оз вермы кутны каньтö. Сöмын Роман вевьяліс кызкö тшакпыны. Но тиньгансö разигөн суис көзьякаыс да зонкаöс асьö клешиён моз топöдіс, тöкөтьö пельсö дзикöдз эз орöд. Сэсса и баблы норасис, и суседкаяслы висьтавліс. Весиг нывкаяс заводитісны Ро-

манӧс "кань джагӧдысьӧн" нимтыны, кытчӧдз кодсюрӧс эз велӧдышт.

А ӧтчӧд вӧлі вошӧма мӧд кильчӧ дорысь кутшӧмкӧ велосипедлӧн насос. Бара жӧ Ромаг динӧ медводз волісны. Тэ пӧ босьтін, и — ставыс. А сэтшӧм насосыс Романлӧн аслас кык эм.

Тӧвнас, збылысь, ӧти мыж вӧчис, и сійӧ ачыс оз соссысь. Милицяса ӧти уджалысь, кодӧ олӧ тайӧ жӧ керкаын, ньӧбӧма кодлыськӧ моторнӧй пыж и машинаӧн ӧшинӧлӧ кыскис. Ыджыд машинаӧн. Абу пыж, а быдса катер. А мед некод эз гусяв тайӧ карабсӧ, кытыськӧ ыджыд понйӧс вайис да пыж дӧнас и домаліс. Лун и вой кутіс омлявны тайӧ понйыс, некодлы овны ни узьны оз сет. Милиционер Середовлы аслыс кыв ни джын некод оз шу.

Ӑти рытӧ Роман матыстчис понйыс динӧ и лӧдзис сійӧс вӧля вылӧ. Пышійс понйыс. Но кодкӧ аддзылӧма Романӧс да удтӧма Середовыдлы. Лӧкысь пиняліс, а кор детинка заводитіс воча щӧтясьны, милицияӧдз нуӧдліс. Понйыс, дерт, бӧр сюрис. Бара вайӧдіс и домаліс. Но увтны кутіс омӧльджыка. Тыдалӧ, ас кадӧ да бурджыка заводитіс вердны-юктавны.

Ӑни Середовыс кытчӧкӧ лӧтчӧдіс нин ассыс пыжсӧ, и понсӧ кытчӧкӧ бӧр нуис. Роман вылӧ важ скӧрмылӧмсӧ, буракӧ, вунӧдӧма жӧ. Зэв тай меліа чолӧмасьӧ-а.

— Тайӧ ӧд тӧян абу выльтор, — шуис Романлӧн бабыс, кор гӧрдзалис сакӧ медбӧрґья гӧрӧдсӧ, — Эжва вожын миян пӧляс нин тадзи кыйсьылісны. Помчаӧн вӧлі шуӧны кыйсянсӧ. Ю вылӧ тувьяласны майӧгьяс, вӧйтасны сэтчӧ веж кустьяс, а весьтас джуджыд потш сувтӧдасны, крепитасны сэтчӧ мӧд потш лайканӧс моз. Ӑтар помас паськыд сак, мӧдарас — груз да гез. Сакас ман пуктыштӧны. Вот и чукӧртчӧ черыд. Кор унджык, а кор этшаджык. Но, буракӧ, шедывліс. Эз эськӧ весьшӧрӧ мырсьыны.

Женя да Роман видзӧдлісны ӧта-мӧд вылас, думыштчисны. Кӧс-ійсны асланыс тыв йылыс газетӧ гижны, а, вӧлӧмкӧ, та йылысь тӧдӧны нин каменнӧй векын.

— Мый жугыльтчин? — первойӧн шыасис Ромаг.

— Сы вӧсна жӧ, мыйла и тэ, — вочавидзис Женя, шылькнитіс ассыс руд юрсисӧ. Сэсся сувтіс, кутіс видзӧдны ӧшиньӧ: — Но и мед. Мый миянлы набӧдз, кодьяс овлісны да кувлісны. Мунам, и асьным видам.

Теплоход вылын

Гожся кадӧ, кор и войвылын овлӧны мича да шоньд луньяс, карысь петысь теплоходьясыд ньӧтчӧд оз овлыны тыртӧмӧсь. Пристаньясь найӧ мӧдӧдчӧны ӧти-мӧд бӧрся, и быдын йӧзсӧ шӧтӧмӧн шӧтӧма. Карбердса вӧр-ваыд кыскӧ мича поводдя дырйи томӧс и пӧрысьсӧ.

Налӧн теплоходныс ещӧ эз на вӧв, ковмис виччысьыштны. Нывьяс да зоньяс воӧны, быдӧн петкӧдӧны моздор тырнас дзоридзалысь льӧм пу вожьяс. Нюмьялӧны. Радӧсь, мый вайӧны сӧрсьыныс та гырся букегьяс.

Ньӧжӧникӧн матыстчис на динӧ сьӧд уска дядьӧ.

— Медбӧрґьяысь ветлінныд али мый вӧрас? — юалис сійӧ.

— Ми ӧд абу на пенсионерьяс, — вочавидзис зоньяс пиысь ӧти. — Лоас прӧст лун, и бара мӧдӧдчам.

— Аския лун йывсьыс ті он думайтӧй да, — кутіс дядьӧыд кӧритны том йӧзӧс. — Талунья лун йылысь сӧмын мӧвпныд. Этатшӧм льӧм пуяс пасьвартӧмныд. А ӧд, кӧнкӧ, ещӧ студентьяс, высшӧй заведение помаланныд. — Сьӧлыштіс дядьӧ. — Йӧз серам...

Нывьяслы да зоньяслы, тӧдӧмысь, эз ло лӧсьыд татшӧм сӧрни бӧрад. Дыр кутасны казътивны. Али вунӧдасны?

Воис теплоход, и заводитісны лӧдзавны пассажирьясӧс. Йӧзыс ыльӧбӧн усыкӧдчисны: кокныдыка пасьтыштчӧм нывьяс да зоньяс, де-

тинкаяс и старикъяс. Висьтавтөг позьö гөгөрвоны, кодi кытчö мөддчöма. Чери кыйысыяс пасьтасьöмаөсь шоныдджыка, узьöмөн муноны. А том йөз, дерт, көсьйоны шойччыштны карбердаса лудьяс вылын, гождчдыны да купайтчыны. Сьорсыныс босьтöмаөсь гитараяс, мачьса да бадминтон ракеткаяс, книгаяс да журнальяс.

Братенков ая-пия да Роман меститчисны палуба вылö, тэчисны öт-чукөрö гырысь нопьяссö.

— Лок пуксы, Иванович, — топöдчыштiс сьöд уска дядьö, кодi неважөн на видiс льöм пу дзоридз чегьялысыясöс. Ачыс век на кашкö, абу лөньöма водза скөрмылöмсыс. — Таво первойсы на карсö эновта, — шуис сийö здоровайтчöм бöрын. — Пенсия вылын нин, а кадыс век оз тырмы. Ас керка дорын уджыс уна. Важ нин да. Меьсь пöрысьджык. Öтилатi дзоньтыштан — мөдлатi киссьö.

Степан Иванович висьтасис, көнi найö олоны, корис сьöд уска Николай Митрофановичöс воыны на ордö гөститны. Здоровье йылысь сёрнитисны. Вөлөмкө, найö важысянь төдöны öта-мөднысö. Коркö öтлаын шойччывлөмаөсь Сереговса курортын. Öнi со бара адзысисны. Висьтавлiсны öта-мөдныслы асьыныс олом-вылөмнысö.

Недыр мысти ещö воис öти дядьö. Латшкөсиник тушаа, чужöмыс блин кодь гөгрөс да шыльда, лөсталö сөмын. Еджыд дөрöма да утюжитөм руд гача, юрас идзас шляпа. Öти киас кутö польтчöм портфель, мөдас — тыртöм көрзина.

— Эн-ö тшак вотны мөдöдчы? — шмонитыштiс Митрофанович.

— Босьтi тай со сьöрысь, — пöдөм гөлөсөн буркнитiс идзас шляпаа дядьöйд, видзөдлiс сюся, кытчö пуксыны, но тыртöм местаяс эз нин вöвны. Бөр сийö ылыстчис татысь. А Женя да Роман пукалiсны палуба вылын кокьяссö улас сюркнялөмөн.

— Төдан тайöс? — идзас шляпалань довкнитөмөн юалис Женялөн батылысь Митрофанович.

Мöдыс пыркöдыштiс юрсö.

— Фрукт, — шуис Митрофанович. — Бычö кодь ён, а ветымын витөн пенсия вылö писькөдчис. Кутшөмкө справкаяс судзөдöма...

Недыр мысти журөбтiс теплоходлөн моторыс. Сэсся кылiс сиреналөн чилөстөмыс. Теплоход сыркнитчис да заводитiс ньөжйөникөн калькавны дебаркадер дiнысь. Бөрвылас ызөбтiс-пузис веж быгья ва.

Чеччисны детинкаяс. Пукавсяс öмöй налы öти местаын, кор син водза ставис вежласьö да ворсö, пöртмасьö разной рөмьясөн.

Петисны Эжаа вылö. Паныд локтöны гырысьджык и посниджык катерьяс, самоходной баржаяс, мотора пыжьяс. Быдлаын, кодарö он видзөдлы берегас, йөз тыдалöны: бонаяс вывтi пелька ветлөдлөны дядьöяс да тыөткаяс — вөр пурьялөны, вуграсысыяс пукалөны берег дорын да пурьяс вылын, асьыныс шуда здуксö виччысьöны.

А вöрыс мыйта кывтö! Оз сөмын пурьясын, а прөстнас. Мукöд местаясöдыс теплоходлы прамöй зэлыд писькөдчынысö, лө мунны веськыда керьяс вомöныс. Зөркөдö сiдзи, быттьökö кытчökö киссьöм телегаын изья туй вывтi мөдöдчин.

Лэчисны детинкаяс улö, мунисны теплоход бөжланьö. Блин чужöма дядьöйд танi жö пукалö, куритчö, сыкөд орчча тыөткакөд варовитö.

— Вот татшөмьясыс и пакөститчöны, — индiс дядьö Женя да Роман вылö.

Детинкаяс видзөдлiсны öта-мөд вылас, эз на гөгөрвоны, мый йылысь муно сёрниис.

— Мый нö ми тiяны пакөститiм? — эз повзья Роман.

— Эн меным, а пароходствоыслы, — дядьö тувкис польтчöм чуньнас еджыд эмальөн мавтөм стенö, кытчö вöли вöчалөма бөд пөлөс пасйөдьяс. — Ставсö тайöс вöчаланныд тi, мамтö вузалысыяс...

— Ми тайöс эг гижалöй, — артмис шөйөвшөм Женялөн.

— Сiдзкö, тiян другьясныд, — дядьö скөрмис век ёнджыка. — Некодлы тiянöс, зырымбедьясöс, пельöдныд нетшкыштны.

— А тэ, дядьö, пуксян зэв вылö, но весиг пенсиятö босьтан он йөз моз, а ылөдчөмөн, — крапкөбтiс Роман.

— Аددзылін судьясö, — пинь пырыс чилснитіс дядьö, видзöдліс орчöн пукалысь тьötкалань. — Следовательсö... заседательсö...

— Аددзылі, — тьötка копыртліс юрсö. — Менам öнیا верöслөн ныв-каыс швачкö-пиньясьö оз омöльджыка. Гожöм, кежлö бара гортö воис...

Женялы да Романлы бөр ковмис петны палуба вылö. Быдаын купайтчысьяс, вөр кылöдысьяс, чери кыйысьяс.

"Миян кодь сак некодлөн абу! — радліс Женя. — Весиг бать на оз тöд прамöя, мыйта чери ми кыям".

Межа ты дорын

"Межа" — тайö номера теплоходьслөн медбөрья пристань. Татысьня сійö бергöдчö да бөр мунö карö.

Пристаньын сулалö ичötик лöz дебаркадер. Матигögöрын ни öти керка оз тыдав. Абу тані ни сикт, ни посёлок. Көнкö пö бокин эм ыджыд ты, сэні колялöны кадсö некытчö инасьтöм чери кыйысьяс.

Дзик кыркötш дорас джуджыд кызьяс быдмöны, тökötтьö вөрöшитöны увлянь люзнитчöм небыдик вожьяссö. Да накөд орчöн кыпöдöны веж туганъяснысö кузь лапьяса ныв пуяс.

Теплоход вылын локтысьяс босьталісны көлуйнысö да петісны берегö. Идзас шляпаа дядьö да тьötка кытчökö первойөн варгыльтісны, вошисны кустьяс сайö. А Женялөн батыс да Митрофанович эз тэр-масьны: татчöдз кө пö воөдчим, базаөдыд воам нин, тыд некытчö оз пышйи.

Берег дорын недыр пукуштöм бөрүн вөрзьöдчисны жö. Степан Иванович вольтсаліс медьиджыд нописö, көні палатканыс. и ещö на босьтіс ыджыд сумка, кытчö тэчöма быдпөлс грузсö. Мукöд сумкаыссö босьтісны Женя да Роман. Митрофанович лөсьöдчис медбөрö.

Кустьяс костöд чукльöдлысь ордымöд веськалісны вөр пытшкö. Некутшöм төвру оз инмы татчö. Жар, быттьö пывсянын. Чужöмъяс кузя шорөн лэччö ныйлөм, а сэсса лөнинад и номъяс збоймöдчисны.

— Воам да, пыр и купайтчам, — кутіс сьökыда уккыны Женя.

— Кутшöм нö тияныс лозсны садатъяс, татшöм öдйö кө мудзаныд, — шмонитö Степан Иванович, көть и аслыс абу кокниджык терпитны татшöм "пывсянтö".

— Ми, Степан дядь, ньöти на эг мудзöй, — збодера шуис Роман. — Жар сöмын.

— Матын нин, — ышöдіс Степан Иванович. — Кор тадзи заводитан думайтны ас кежын, водзын аددзан туйлысь помсö, сэки и верстыясыс дженьдаммöны. Сэтшöм нин морглөн сямыс. Век колö помнитны, мый ещö кө неуна зільыштан, то регыд пöртяс олөмö тэон думыштöмторйыд.

"Армияс велалöма, — думыштіс Женя. — Дальней Востокын служитöма, уна во пограничникөн вөлöма. Дерт, сылы не этша вичмывліс подöнтö ветлыны, быдсяма поводдя дырйи верстыяс мерайтны. Вот и велалöма служба чöжнас сьökыдлуньяс дінö. И весиг тöдтöм вöрын сійö оз вош. Женя ачыс ветлывліс вотчыны. Любöй вöрысь батыс петкөдас сэтчö, кытчö колö, кытчö ачыс думыштöма. Суседьяс весиг шензьöны: кызди пö тэ, Степан Иванович, сямман пармаөдыс тадзи шалсъявны. А сійö сöмын нюмьялö. Ме, шуö, ачим ог сяммы висьтавны, кызди тайö артмö".

Межа ты воссис дзик нем виччысьтөг. Вöрса ордым петкөдіс небыд да кузь туруна видз вылö. Тökötтьö водзынджык зеркалö моз дзирдаліс югыд ва, кодлы и помыс некөн оз тыдав. Ты веркөсö усысь шонді югöрьяс вербөдöны синтö.

И керка тыдовтчис.

— Тайö и эм чери вугралысьяслөн базаыд, — висьталіс Степан Иванович. — Кежавлам, видзöдлам, мый сэні йöзыс вöчöны. А то уна нин быд пөлс сёрниыс мунö сы йылысь. Унджык лөкыс, этшаджык бурыс.

— Ме кывлі жё, — шуис бөрвылын локтысь Митрофанович.

А став базаас, кор матыстчисны сы дінё, кык керка сёмын и вёлёма. Отыс кузджык, барак сяма. Мёдыс ичөтджык. Кытшалёны найёс посныдик гидъяс да лэбувъяс, съодасьём стенъяса ичөтик пывсян, пес чипасъяс, тьёс бунтъяс. Төкөтё водзынджык прамой ыджыд йөр потшёма, вежөдоны сэни быдсяма пуктасъяс. Керка дорсяныс берегөдз пөвъяс вольсалёма, мед коктё не нйитёсьтны. Гёра улас ва вылын кык пыж, майгё домалёмаось. Гоз-мөд пыж берегас лэптёма да кымынтёма.

Керка бокё вөчыштём лабич вылын пукалісны идзас шляпаа дядьёыд, коді теплоход вылын ропкис Женя да Роман вылө, да ещө кутшөмкө дядьё. На водзын сулаліс томиник зон, коді воис тайё жё теплоходнас. Спортивной костюма, нопъя, киас кутё вугыр шатиньяс.

— Сідзкө, оз вичмы пыжыд? — скөраліс зон.

— Висьталі нин тай: абу!

— А со, эмось на да, — индіс зон берегань.

— Вавывсаяссө сетёма нин, а кымынтөмъясыс розяось, — нир-тыштис дядьё дыр нин бритлытём тошсө.

— Дзоньтавны колё.

— Мый колё вөчны, ме ачим төда.

— Збылысь, вёлөм, тайё абу база, а код төдас мый! — зон өвтыштис кинас. — Оз весьшөрө нимтыны тэнсьыд базатё князь овмөсөн.

— А тэ, том морт, кывъяснад эн ёна шыблась, — суйсис тшөтш сёрниё идзас шляпаа дядьё.

— Аслам кывъясысь ме ог пов, — вочавидзис сылы пыж корысь. — А тайё княжествотё ми бырөдам.

— Первой ныр увсьыд чышкы да вөлісь ыршась, — чеччис базаса заведующёй, пыркнитіс кинас лөз дөрөмсө, кутіс көмтём кокъяснас педзны места вылас. — Эм менам аслам начальство, кодлы бура төдса, мый ме вөча.

Степан Иванович да детинкаяс пыж вылө жё надейтчисны, гортас на та йылысь сёрнитісны, но өні казялісны, мый весьшөрө вёлёма мөвпалөмныс, Митрофанович катлөдліс юрсө, ышловзис, а сэсса шуис:

— Тайё дивөсө ме важөн нин төда. Колян во босьті өти төдсалысь важиник пыж, вайөді татчө, и кевмысьны оз ков князьяс водзын. Эстөн, ты помас и видза, кустъяс улө кымынтёма.

— Шуда морт тэ вёлөмыд, — серөктіс Степан Иванович. — Меным эськө колө жө та йылысь думыштлыны. Сөмын өд ме веськавла татчө кык вонас өтчыдысь.

— Вой кежлас кулөм вөйтла, — индіс Митрофанович мышса нопыс вылө. — Гажтөмтчыны кө кутанныд, локтөй ме дінө.

Кильчө вылөдз петаліс сійө нывбабаыс, коді онтай локтіс теплоход бөжын идзас шляпаа дядьөкөд өтлаын. Кузь тушаа, косньөдіник. Сөмын өні вежёма нин паськөмсө, павгёма пельпом вылас рудоват кузь халат. Сійө видзөдліс керкадорса йөз вылө, шуис:

— Микулай! Семен! Пырөй да өбедайт! Быдөнлысь пинясьөмсө кывзигөн лунсө воштанньд.

— Бокө ог мунөй, Ирина Питиримовна, — сы вылө видзөдліг дзуртыштис шляпаа дядьё.

Ещө мыччысьліс кильчө өдзөсөд кутшөмкө нывка.

— Нина, видзөдлы дзодзөгъястө, кытчө найё мунісны, — вевъяліс шуны сылы лөз дөрёма дядьё. Но нывка немтор эз вочавидз, бөр вошис посводзө.

— Мөдімөй, другьяс, — съөкыда ышловзис да шуис детинкаяслы Степан Иванович. — Ковмас надейтчыны сөмын ас вылө. Но ми өд и берегсянь вермам кыйсыны!

Женя да Роман немтор эз шуны вөча, а налы өд сэтшөма коліс пыжыс. Окота өд видлыны ассыныс тывсө. А пыжтөгьд ты вылад мый вөчан? Тані весиг и бонаясыд абуось.

Муныштисны берег пөлөн, Митрофановичөс кольбөдісны водзө, а

Степан Иванович да детинкаяс кольчисны. Местаыс воис сьёлём былө. Берег дорыс крута лэччө, абу туруна ни няйт. Орччөн кос яг, тшем вөр сулалө. И кутшөмкө вуграсьысьяс наөдз вөвлөмаөсь нин тани: бадь ньөрьясысь ыджыд коляс вөчлөмаөсь, коді и өні на туяс вуграсьысьяслы, бипур пестылөмаөсь.

— Татчө и лөсьодам ассьыным лагернымөс. — Степан Иванович чөвтис муө сьөкыд нопсө. — Овмөдчам, кыдзи гортын.

Женя да Роман пуктисны өтчүкөрө колуйнысө, заводитисны өдйөджык кульны дөрөм-гачсө. Заводитис пөрччысьны и Степан Иванович.

— Сөмын коляс бокас эн жө купайтчөй, — шуис Степан Иванович. — Вешйөй кытчөкө ылөджык, черисө татысь эн повзөдлөй.

Окота вөлі купайтчыштны, но детинкаяслы эз терпитсы и чөвтны вугырьяс. Разялісны шатиньяс, судзөдісны сам, чөвтисны вугырьяссө коляс бокө.

— Пока шедасны чериясыд, сэк коста ми вевьялам купайтчыштны, — шуис Роман да веськөдчис берег дорөд талялөм ордым кузя ты пөлөн. Женя вөтчис сы бөрся.

Нина

Татчө воөмянь вежон на эз коль, а Нина дөзмис нин олөмсьыс. И төвнас, кор воліс каникульяс былө, кадысь водз жө муніс. Сэні, карын, интернат-школаын велаліс пөдругаяс дінө, бура төдмасис быдөнкөд, гажа накөд. А тани лун-лун дзик өтнасөн. Некодкөд ни ворсыштны, ни сералыштны, ни весиг прамөя сёрнитыштны. Петан керкасы — матігөгөрын ловья лов абу, не кө лыддыны батьясы понсө да сөктсө.

Нина некыдзи оз вермы гөгөрвоны, мыйла бать ыштис локны таштөм оланінас. Од водзті найө овлісны кылөдчысьяслөн ыджыд посёлөкын. Вөлі сэні лөсьыд керка. Көть эз асланыс, конторалөн, но мукөд олысьясысь дзик торья. Керка бокрын вөлі град йөр, быдмисны пельсы да льөм пуяс, потшөс гөгөр вежөдісны өмидз кустьяс. Ошинь водзын и кильчө бокрын век вөліны мича дзоридзьяс. Мам вөлі сэтшөм, мый вермис этшаджык пуктыны картупель либө ещө кутшөмкө пуктас, но дзоридзьястөг өвны эз вермы. И керка пытшкөсын век вөлі дзик жө карса оранжереяын кодь: кытчө он бергөдчы, быдлаын дзоридзьяс. Нинаөс тшөтш велөдіс на дінө. Көть батьөс век дөзмөдлісны разной пөлөс гырничьяс да банкаяс, зня-ныла нуөдісны ас водзө пуктөм визьсө.

Өні ставыс тайө кольөма бөрө. Кык во сайын кувсис Ниналөн мамыс. Регыд и висис. Рак пө вөлөма, и сөрөн шыөдчөма врачьяс дінө. Но кыдзи помнитө Нина, мамыс, коді уджаліс сплавконтораса бухгалтерияын, весиг ас кежын эз норасьывлы висьөм былө. Либө эз кыв висьөмсө, либө чайтис, мый ставыс ачыс кокниа прөйдитас.

Артмис сідзи, мый мам нуис аскөдыс тшөтш и став дзоридзьяссө. Дзевисны сійөс водз тулысын, кор вөлі сөмын на мыччысьөны еджыд бербаяс. А гортьяс сылөн, и лыкысь кыөм венокьясас пөртмасисны ловья дзоридзьяс. Быттьө водзвыв төдөма кулан кадсө, та жежлө лелькуйтөма найөс. Но тайө, дерт, эз вөв тадз. Кулөм ылысь мам ньөтчыд эз думайтывлы.

Недыр мысти Симуковьясө век тшөкыдджыка кутіс пыравлыны өти тьөтка, кодөс нывка прамөясө эз и төд. Уджавліс пывсянын, столөвйын доздук мыськывліс, магазинын чышкысьывліс. Гора Иринаөн шуөны. Тайө Иринасө и вайөдіс бать гортө, тшөктіс, мед Нина шуас сійөс мамөн. Но вермас өмөй Гора Ирина вежны сылысь мамсө. Нывка век зілис некыдзи не шыөдчывны тайө нывбаба дінас.

Гора Ирина вайис сьөрсьыс ассьыс эмбурсө. Пианино-телевизорьяс сылөн эз вөвны, кыдзи и зарни да ззысь тыра ящикьяс, көртөн дөрөм сундукьяс. Но гөльөн асьсө эз лыдды. Виль көзьяка-

лөн первой локтан луно жё Нинаяслон йорын бакостіс мос, рукостіс порсьпи. Бать паніс сёрни, вайны-о горт дінё тьоткалысь важ гидкартасё али тшупны выльысь. Но эз ковмы ни отиыс, ни модыс. Кутшомкё тодса морт отсөгон, гашкё тайо жё Семен дядь отсөгнас, бать локтіс Межа ты дорё, эновтіс важ уджсё, нэмвөйся оланінсё. Абу некутшом школа, Ниналы быть лоо велодчыны карса интернатын. Но нывка оз жалит та йылысь.

“Гашкё, локтіс татчё сы вёсна, мед вунодны важсё, мамлысь кувсьомсё? — думыштчывліс нывка. — Гашкё, збыльысь сьёкыд вөлі овны сылы посёлокын. Код тодас... Мамос радейтіс став посёлок, а Гора Ирина йылысь бур кывьяс эз нимавны. Сідз-тадз, оло и оло”.

Нина регыд гогөрвоис, мый сылон мамыс да тьотка видзодлісны олом вылас дзик разной сингясон. Мам радейтіс клумбаяс да дзоридзьяс, а тьотка пыр жё, мыйон локтіс, пузувтис найос, быдлао, кытчё торыштис, картофель сюяліс. Нина шыасьліс паныд, но батьыс вочавидзис, мый дзоридзьяснад кынөмыд оз пөт. Оні пө ещё и мөстө на ковмас вердны. Вөлі гогөрвоана, мый бать да тьотка важон нин воөмаось оти кывйө.

Сэсся дзиковдз эновтісны посёлокнысё да керканысё. Тані батьлы да тьоткалы вөля: пукты картофельтө — мыйта верман, чукөрт туррунсö — мыйта колө. Позьо восьтыны быдса ферма.

Ниналы оз ковны ни порсьяс, ни мосьяс. Оні ачыс рад, мый муніс посёлокысь, веськаліс школа-интернатө. Весиг дженьыдик каникульяс дырйи овлан гөсть пыдди. Дыр аддзысьлытөм бөрад первой каднас и мустөм мортыс кажитчө прамөйджыкөн.

Нина сөмын на воис татчө, оз ёна кесйөдлыны отилао да мөдлао, шойччөдоны, буракө. Талун сійос некод жё эз чуксав, ачыс садьмис небыд вольпась вылын. Сійө вольпась вылас, көні узльывліс мамыс дырйи. Шондыс прамөй выло нин вевьялома кыпөдчыны. Тьоткаыс эз вөв, карө лэччыліс, воис бөрынджык нин, а бать вайис кыськө нөб косьтөм веж турун. А таодз и уткаясос лэдзөма нин ты выло, и дзодзөгьясөс, пон оз увт, мөс йирсьө берег дорын, порсьпян кытшалөмаось ыджыд пу вор да руксигтыр гудралөны сетөм сёянсө.

— Садьмин, Нинук? — казяліс нывсө батьыс. — Завтракайт, миянос эн виччысь. Сёяныс өд пызан вылын, вевтьөма газетон.

Нина пырис керкаө, но сёян дорё эз уськөдчы. Оз сюмав кынөмыс. Дум вылас усини дзоридзьяс, кодыясос нывка косьтө книга костө пукталөмон. Көсйө найос мөдөдны Болгарияө, Яниналы, кодкөд гижасьө нин во кымын. Дерт, сэні, лунвывса странаад эмөсь мичаджык на дзоридзьяс. Но өд сэтчөс олысьясы колө жө төдны, кутшөм быдмөгьяс эмөсь Комиын. Вөчас Нина неыджыд гербарий, нимьяссө гижалас, индас, кутшөм местаясын найө быдмөны, корджык дзоридзалөны. Арнас позьө и көйдысьяссө чукөртны да тшөтш ыстыны. Кыдзи шусьөны правльнөя тайө дзоридзьясыс, Нина юалас Агния Васильевналысь. Сійө, дерт, ставсө төдө...

Недыр мысти ывлаын кылісны гөлөсьяс. Тыдалө, карысь теплоход воөма. Нина мыччысьліс кильчө выло, а сэні кодыяскө бара батькөд вензьөны. Век таdzi. И кольөм гөжөмын таdzi жө вөлі. Локтысьяс век корөны пыжьяс. Сегіс кө эськө бать, мый эм, — и пом воис. А то век видзө кытчөкө. Асьсө жө сэсся и пинялөны. Князь овмөс пө. И весиг Нинаос нин детинкаяс заводитісны нимтыны “Князь нылөн”. А кутшөм нө сійө князь ныв! Забеднө босьтө. И ставыс батьыслөн скуплун вёсна.

Мыйла батьыс лоис татшөмнас? Войдөр тай нө, кор овлісны посёлокын, ни сійос, ни мамос некор эз шулыны скупгясон. Быттьө вежисны батьос, лоисны сылон выль тодсаяс. Сылы вайөны вина да пызь мешөкьяс, нуөны чери.

Нина пырис керкаө, уськөдчис вольпась выло да чышгьян помнас чужөмсө тупкөмон думыштчис. Сингяс водзө бара сувтісны кольөм серпасьяс. Неважон, интернат-школаысь локтігөн, кежавліс асланыс

посёлок, узис вёлём суседка ордын, ветліс мамыслон гу выло. Карсян вайом мича букет пуктіс, кодос сетіс сылы Агния Васильевна. Ачыс чукортіс, кор тодмаліс, мыйла ковмис нывкалы букетыс, медся мичаяссё тэчис.

Дыр пукаліс гу вылас юрсё ошодомон, бытгё выльысь аддзысьліс мамыскод, висьталіс сылы думсьыс ассьыс став шоглунсё.

— Нинук! — кыліс порог дорын батылысь голос. — Бөр водін? Висьодчан али мый?

Нывка лэптыштіс юрсё. Сы дінын сулалісны бать да Семё дядь, коді лоё родняон Гора Ириналы. Посёлокын олїгон на заводитіс во- лывлыны на ордё. Нина помнитё, кызди тайё дядьёыс век кёсйысь- лывліс корсьны батылы кокныдджык удж да бур оланін. Помнит- сьёны вёралом да чери кыйом йылысь налон сёрнияс. Со тай и корсьомаось бур оланінтё.

— Висьодчыны оз ков, — дзуртыштіс дядьё, кыскис зепсьыс шо- колад плитка да мыччис Ниналы.

— А ме ог и вись, — шуис нывка. — Нёровтчыштілі сёмын.

— Бур. Зэв нин тай ыджыда быдмёмыд, — видзодіс сы выло дядьё, кор Нина чеччис.

— Ылынджык школаыд, — шыасис бать. — Быть лоё интернатад овны. Эмось тодсаясыд менам, но оз кёсйы сэні патеруйтны. Аслас вёля. Сёмын косья, мед быть помалас среднёй школа. Оти ныв од сійё менам...

Пырис тьотка-мам, Нина выло видзоддігмоз катовтіс юрсё пы- занлань. Нывка зэв одйё идраліс сэтысь сылы лосьодлом сёянсё, чышкыштіс пызансё, вольсаліс еджыд пызан дёра. А тьотка-мам кутіс зія чукортны сэтчё сёян-юан. Колана гость од воис.

Дядь ветлодыштіс джодждё отарё-модарё, сэссия матыстчис ошинь дорё, кутіс видзодны ты выло.

— Майбыр, тэнад оланіныд, Микулай, — отарын — чери, модарын — вотос да потка. Позьё уськодчывны сэтчё и татчё, кор окотитан.

— Сёмын тай йёзыс кутісны букшасьны, — нурбыльтіс Ниналон батысы.

— Завидьтёны!

Тьотка-мам лосьодіс пызан, чукостіс обедайтны. Дядь восьтыліс кучик портфельсё, сувтодіс пызан выло вина доз. Бать аддзис да лыш- кыда нюмдіс.

Верстьояс пуксялісны пызан сайё, кутісны тшотш чуксавны и Ни- наос. Но нывка, дерт, эз матыстчы на дінё. Сійё петіс керкаысь да лэчис ты дорё, кёні гёвкьялісны ва вылын домалом кык пыж. Югыд бисерьяса лоз ва дзирдаліс син водзын, вылысянь пёжис шонді. Купайтчыны эськё? Но Межа тыас ваыс вель джуджыд, берегыс крут да нильог. А Нина сёмын на велалыштіс прамойджыка варчыны. Вёліны кё эськё тані школа-интернатса нывкаяс, позис лоны збой- джыкөн, повтог суныштны ваё да варчыны, кытчодз сяммас. Но оні Нина вёлі дзик отнасён.

Берег дорын жодзисны гортса уткаяс. Кольом гожомын сёмын на кык гоз вёлі, а таво и лыдыс нин абу. Тьотка лыддьё, мый на выло доныс ньотчыд оз чин. Мыйон уткаяс казаялісны нывкаос, уськодчисны воча. Аслыныс дыш сёянсё корсьны, век дасьёс виччысьёны. Весиг гожомын.

— Кыш-ыш! Вешйой! — нывка шеныштіс кияснас. — Ме тیانлы немтор эг лэчжд. — Лосьодыштіс сьод юрсисё, кёсйис разьны пыж. Воис дум вуджавны тысайса видзьяс выло, кытысь вермасны сюрны аддзывлытом на дзоридзьяс. Кватитчис — пелысыс абу. Ковмис бергодчывны керка дорёдз, мед босьтны сійёс.

Восьа ошинь пыр кыліс керкаысь голосьяс:

"Оні сэссия меысь арёдзис он мынй".

"Сідз сёмын шуан, — сёрнитіс бать. — Зэв на шоча мыччысьлан. А тайё бурьд од мян век эм. Чери бёчка бокас тай олам. А ми од асьным ог на век слёймйё волынысё".

"Оз на ёд век шед".

"Кодлы оз, а кодлы и шедё, — сероктис бать. — Колё тодны, кор да мыйён сийос кыйны. Вугыр помсыйд, дерт, черитё он ёна вильёд. И вершюк пасьта синма да дас сыв пасьта кулёмнад сийос он босьт. А ме ёд тани ачым ыджыдыс. Мый косья — сийос и воча".

Нывкаос чумодисны тайё кывъясыс:

"Сідзкё, йозыс збыльтор сёрнитоны бать йылысь, — йирмөг босьтис Нинаос. — Мыйла сылы колё вочны тадзисо?"

Нина ышловзис, кватитис кильчё боковысь пелыс, лэччис вадорё, разис оти пыж да пуксис сэтчё. Небыдик төвру босьтис тайё пыжсо аслас сывийё да кутис ньёжйоникон петкодны ты шорё.

Помыс локтан номерын.



ДОЦА ЛЫДДЫСЬЫСЬ!

*Сьёләмсянь, пöся чолөмалам Тэнö Вэль,
1999 воөн!*

Сиам дзоньвидзалун да тыр-бур олөм!

Эскам, мый мянкөд йштөдьяс оз орны.

"Войвыв кодзувсаяс".

Инасьтөм кельөбъяс

* * *

Леналы.

Тэ серпасав мен шонді рөма зэрсө,
Мед сійö —
Енэж синъяса и ловья,
И мый йылысь кö гажтöмтчöны ловъяс...
Тэ серпасав мен тайö тöдтөм зэрсө, —

Мед öшиньясті котöртас — и бырас,
И кокни лымйөн енэж гөптас сунас...
Сэк кымöрьясыс вывтi
Тэкöд муна
Ми кутчысьöмөн
Миян
Челядьдырö.

* * *

...Войсыс менсьым воськовъясöс кылан,
Сöмын тайö — гылалöны корьяс,
Найöс бöрсö некызди нин корны —
Ставыс,

ставыс разалöма ылö...

Петан вояс —
Корьясысла югыд, —
Водалöны лолад, öдва кылг.
Найö тэныд шöпкасны ме йылысь,
Кодыр лоö зэръясысла букод,

Кодыр лоö зэръясысла пемыд,
Кодыр лолöй енэжланьыс каяс
Арся бобув-корьясыслөн райö.
Войсыс менсьым воськовъясöс кылан...

* * *

А öти вöтö локтас югыд лым,
И керкааным мөдас ньöжйö чöлавын,
И еджыд лөньюн гыöрзясны сьёлөмъяс —
Кор гоҗся вöтö локтас югыд лым.

И кывзам тэкöд войся лымсö ми,
А сійö мөдас ылі төвсö казтывын,
Ми еджыд висьтсьыс тэкöд төдам асьнымöс —
И лым чирьяссö сывдас шоныд ки,

И тырас усьом кодзுவъясӧн му,
И югьд лымйӧн тырас мян кильчӧным.
Ми лымйыс бӧрся тӕкӧд мунас кытчӧкӧ —
И тырас еджьд дзоридзьясӧн туй...

* * *

Черань везьясті лов шыӧн локтӧма ар, —
Еджьд войтъяса лысваын-бисерын.
Асья пужьясӧн — гылалӧм корьясті —
Ар,
Быттьӧ кодзулӧн киссьӧма.

Быттьӧ гылалӧм вӧр —
чӧлас кывзысьӧ лов,
А тӕ лӕбалысь корьяссӧ куталан...
Найӧ ньӧжйӧник енӕжсьыс лӕчӧны со,
Тӕнад киясӧ — шуд вылӧ.

Корьяс — вуджӧрьяс. Ки вылын тӧралӧ йи,
Черань везьясӧ ордымъяс вошӧны.
Корьяс — вуджӧрьяс, кельӧбӧн лӕбанныд тӧ
Меӧн вӧталӧм гожӧмӧ.

* * *

Восьса ӧшинын — корьяслӧн зӕр,
Мунӧ гожӧмыс мӧвпяслӧн торьясӧн,
Сӧмын бӧрсяныс вӧтчӧны корьясыс,
Медым бергӧдны туйяссӧ бӧр,

Медым судны.
Сӧмын он кут...
Лӧня сылӧны арыслӧн кельыдас
Енӕж туйясті —
Инасьтӧм кельӧбьяс —
Кыськӧ кевмыны Енмыслысь шуд...

Тӕ эн бӧрд — ставыс коляс...
Эн бӧрд.
Нора лӕбачьяс ӧвтчасны бордыснас,
Найӧ мӧдасны вӧтасны корьяслы,
Лӧньӧм корьяслы — медьюгьд вӧт,
Кодыр му вылас унмовсяс лым...

□ □ □

Кодос мыжавны?

ВИСЬТ

ШКОЛА ЙОРЛОН пыді пельосын, сөмын на петом гон кодь небыд турун вылын пукалысь зонъяс пиысь некод эз тодлы, кызди дзик йор бердас матыстчис турунвиж рома машина. Кабинасыс петис военной формаа морт, да сэтшом гораа шыодчис на диню, мый найо чурмунисны:

— Зонъяс, позью тиян диню?

Пукалысьяс сюся видзодлисны локтысь выло, быттьо косийсны тодмавны, бурон-о, лекон-о матыстчис на диню тайю тодтом мортыс. Медборын медся збойис на пиысь, Павлик, шыасис военной диню:

— Торанныд. Йорыс паськыд...

— Исмаилон меню ыджоддлоны, — шуис Павликлань матыстчигон збой синъяса, мугов чужома военной да медводз сетис сылы кисю. Гогорвоис, мый Павлик таню юралысь пыдди. А сесся чолемасис и мукодкод. Та борын Исмаил, киас книгаа, пуксис Павликкод орчон да юалис эжа вылын книга-тетрадь чукор выло индигмоз:

— Экзаменъяс кежло дасьтыянный?

— Аски медборьяис колис, — косиника вочавидзис Павлик. Сылы, да и ертгясысы, эз вов сьолом серти, мый кодко торкис налысь сэтшом лосьыд койташю. Аски медборья экзамен, и Павлик Ольксанкод да Ольоксейкод шуисны тайю пыди пельосас ношта отчыдысь видлыны асьнысю, дасьюсь-о аския лун кежлас. Коть эськю, веськыда ко шуны, серниис гартчис эз нин экзамен йылысь, а сы йылысь, кодю кытчю мунас школа борас. Зонъяс тодисны, мый воисны медборья экзаменодз, аски "государственной оценкато" век нин пуктасны, коть и момъявны кутан. Та вюсна эз ена шогсыны аския лун вюснаис. Сьоломъяс вылын вюли кызкю и аслысногон долыд да сэк жю чужис и кутшюмко полюм. Вуджюма ыджыдкочю коськ. А водзынсю код тодас мый вичысью найюс. Со и ота-модюс неуна дэльюдомон, серам сорон висьтасисны, кызди кутасны овны водзю.

Сэтшом лосьыд вюли таню. Но со этайю, сьод юрсиа да мугов чужома военнойис, воис да ставю торкис. Но од он жю вютлы сийюс. Сесся и зонъяслы окота вюли тодны, мый могысь локтис тайю тодтом военнойис налон сикто да они со быттьо дзевсыны косийю школа йор бердо аслас машинанас.

— Службаным миян сэтшом, — недыр чюв олыштюм борын вочавидзис Исмаил зонъяслысь юалана видзодласьясю гогорвоюм борын. — Экъясюс видзам. Пышюма оти тиян сиктлань. Ертгяс корсьны мунисны. А ме таню найюс гусьюмоз вичысьышта.

— Абу дивю, — шуис Исмаил выло сюся видзюдомон Павлик. — Быд гожюм миянлань пышйысьыд эм. Неылын ыджыд туй, да сылань сетюны. Россияю петюны. А сэтысь сесся видлы корсьныто.

И друг Павлик крукыштис Исмаилюс:

— А оз ко сюр зэкыд?

— Оз ко сюр, бор бергодчам. Но кытчю ню сылы воштысьнысю? Огю од ми отнаным корсьюй. А сюрас да сөмын аслыс лекджык лою. Содтод ковмас пукавны.

И друг сийю нюмъевтюмпырысь видзюдалис зонъяс выло:

— Эз нин дыр кожь меным. Лыда лун мысти гортю лэдзасны. Ок и пасышта сэки служба помюс, мед сесся дзикодз вунюдны тайю вютын кодь олюмюс.

— А мый нӧ эськӧ, сэтшӧм омӧль али мый тӱянлы? — желлялӧ-мӧнмоз юалис Ӗльӧксан. Таӧдз сійӧ пыр на чӧв оліс да сюся кывзис Исмайлӧс.

Воча кыв пыдди Исмаил ружӧктыштис, сэсся кыскис зепсыс сигарет пачка да мыччис зонъяслы:

— Гӧститӧдчӧй.

Зонъяс эз виччысьны военнӧйсянь татшӧм лышкыдлунсӧ, но эз ӧт-кажитчыны, босьтисны морт ӧти сигаретӧн. А Исмаил сэк кості ӧзтис сигаретсӧ, горша кыскыштис ас пытшкас тшынсӧ да зумышкодь гӧлӧсӧн шуис:

— Ог тӧд, кызди висътавны, омӧль али абу миянлы. Весъкыда кӧ ӧд, гортаным мунам огӧ ас погонъясӧн. Сы вӧсна, мый мукӧдпӧлӧс погона салдатыс миян вылӧ син гугнас видзӧдӧ. Кӧть эськӧ мыйӧн ми на водзын мыжаӧсь, мый веськалім ВВ-ӧ. Кытчӧ индісны, сэні и служитам. А сэсся ӧд ми видзам зэкъясӧс, кодъясьянь быдсямасӧ позьӧ виччысьны.

— И мый нӧ сійӧ быдсямаыс? — торкис Исмайлӧс Павлик, быттӧ бара кӧсйис дэльӧдыштны сійӧс.

— Оз ков серавны, — ыпмунис Исмаил, а сэсся пыр жӧ лӧнис. Гӧгӧрвоис, мый зонъяслы унатор на абу тӧдса да весьшӧрӧ накӧд вензыны. Но регыд и налы ковмас салдат ньылӧмлысь кӧрсӧ видлыны.

— Кызди кужан, сідзи и гӧгӧрво. Неважӧн ӧртнымӧс ӧти зэк пуртӧн сутшкалӧма. Вӧлӧмкӧ, картӧн сійӧс ворссьӧма. А мортыс гортас нин вӧлі лӧсьӧдчӧ. Мамыслы бӧръя письмӧ гижис. Виччысь пӧ, регыд локта. И локтис... свинеч горт пытшкын.

Йӧрын пукалысьяс тайӧс кылӧм бӧрын лӧнисны, быттӧ кылісны асьнысӧ мыжаӧн дэльӧдӱгмоз юалӧмъясыс. А Исмаил сэк кості бергӧдліс киас аскӧдыс вайӧм книгасӧ, кӧсйис ӧд думсыс лыддысьыштны, кӧть эськӧ тӧдіс, мый сиктса школа помалысь зонъяскӧд сёрнитӱгӧн лыддысьӧмыд оз нин артмы. Сы вӧсна, мый виччысьтӧм сёрниыс вӧрзьӧдіс сылысь сьӧлӧмсӧ. А Павлик нӧшта на кӧсйис пестыны ваймыны нин заводитӧм сёрнисӧ да бара шыӧдчис мугов чужӧма Исмаил дінӧ:

— Но ті, тыдалӧ, вивтіасянынӧд жӧ. Абу ӧд ставыс сэтшӧмӧсь дзескыдінад. Мукӧдыс и сідз-тадз на сэтчӧ веськалӧ.

— Ог тӧд, кодӧс сідз-тадзсӧ сэтчӧ пуксьӧдлӧны, — пыр жӧ ярскӧба тшӧтшкӧртис Исмаил, книгасӧ пӧддаліс. — А ме кӧсья Казаньӧ. Гортӧ воӧм бӧрын велӧдчыны да учительӧн лоны. Кута велӧдны челядӧс, мед эз сідз-тадз найӧ овны. Сійӧн и тӱян дінӧ кежи ӧні. Кӧсйи орччӧн лыддысьыштны. Ӗд кык во сайсяыд мыйсюрӧ вунӧма нин. Но дасьтысьӧм пыдди сӧмын больгӧм со артмӧ...

И друг сійӧ бергӧдчис Павликлань:

— Эмӧсь, дерт, сэні йӧз, кодъясӧс быттӧ эськӧ вӧлі нинӧмысь пуксьӧднысӧ. Но ӧд оз татшӧмъясьяныс лёкыс да омӧлыс паськав...

А Павлик эз кӧсйи орӧдны Исмаилкӧд сылань бергӧдчӧм чужӧмӧн сёрнисӧ, быттӧ мыйкӧ тойліс сылысь сьӧлӧмсӧ да зіліс воӧдчыны Исмаилкӧд ӧти кывйӧ:

— Ме ӧд эг кӧсйи мукӧд йылысь висътавны. Гашкӧ, и збылысь эмӧсь на омӧль йӧзыс.

— Сэсся тшӧкмунис быдсӧн, кывъясыс сылы эз кутны тырмыны да чирӧм кодъ гӧлӧсӧн нин водзӧ нуӧдіс сёрнисӧ.

— Аслам... Аслам ыджыд вок йылысь кӧсйи казгыштны. Сійӧ ӧд сэні жӧ кӧнкӧ... Дзик нинӧм абусыс...

— Кызди нӧ сідзи? — юалис Исмаил. — Кутшӧмкӧ помка ӧд вӧлі жӧ?

— Кольӧм во, май праздник дырйи, гажа юрӧн сюйсьӧма косясьысысӧс миритӧдны. Аслыс медъена сюралӧма да асьсӧ жӧ и пуксьӧдісны. Мамным сійӧ кадсяныс висъмыс. Лун и вой майшасьӧ. Весиг синсӧ оз куньлы.

— Кывзы, кывзы! — друг шыӧдчис Исмаил Павлик дінӧ. — А кызди шуӧны воктӧ?

Павлик тайо жуаломсыс дромунлис бидон, посялис мышкуыс, рудзалисны кокъясыс. Кылома тай бытто сылон сыломыс ыджыд вокыслыс, Панеыслыс, шогсом-майшасьомсо. Бытто тайос тодомон Павлик и заводитис мугов чужома Исмаилкод вензяна сернисо, бытто гогорвоис сийо, аслас зон вежорнас, мый эз сидз-тадз лок тайо военнойс школа йорын пукалысыс дино, мый сийо мыйко тодис ыджыд вок йывсыс, но водзвыв нином эз косий висьтавы.

— Пантелей... Поповъяс ми... — муртса кывмон голосон нин вочавидзис Павлик.

— Но-о-о?! — бара сюся видзодлис Исмаил Павлик выло. — Сийос ми и корсям...

Павлик первойсо шай-паймунис бидсон. Мыйла но эсько Панеыс йойтадо? Бурджык кызко-мыйко сэни нин срок помсо виччысыны. Пышъян да мод сы мында содгасны. И абу нин сэтшом йой Панеыс, мед тайос не гогорвоны. Гашко, мыйко лои да быть лои пышйыны? Быдсямаыс од овло свет вылас. Надейтчан бурджык выло, а модаро артмо, кызди и Пана ыджыд вокыскод лоис. И та йылыс мовпыштом борын Павлик звирк чеччыштис да косийс нин вуджны джуджыд заворсо, мед сэсса кыккокийв товзыны сиктлань да коть оти син повнас адзвыны ыджыдджык воксо, код, гашко, и збылыс тани, но сомын абу нин ловья. Гашко, и лыйисны нин сийос корсысыс салдатъяс. Кывлывлис верстбосясьянь, мый збыль овывло татшомторыйс, кор мудз да скор салдатъяс лыйоны пышйыс эзко, кодос корсигон сэтшом ена лоо котравны.

А Панеыскод ко но лои татшомторыйс? Кызди но сэки сийо мамыскод кутас овны? Мамыслон од со шогсомысла лыкуыс сомын нин коли. Быд асыв юрбито да лыддо луньяссо, кор нин бор бергодчас гортас ыджыдджык пиыс.

Но эз ковмы тэрмасыны Павликы гортас. Кылисны голосъяс, и томиник пожома-козя вортор сайсянь салдатъяс костын и збылыс тыдовтчис мыш саяс кияссо томналомон Панеыс. Бытто омоль мойдын ставыс тайо лои. Медводдза видзодлассяньныс нином сэтшом-татшомсо эз позь чайтны. Пана мыйко негораа зилис гогорвоодны сийос кытшалыс салдатъясос. Но вывти нин зумыщос волины налон чужомъясыс. Найо бытто эз эскыны мыйко висьталыс Панелы да эз вештывлыны сы вылыс кодзид синъяссо. А аслас Панелон майшасяна, шогон тыром чужом сертиыс позис гогорвоны, мында ковмис терпитны тайо мортыслы борья луньяссо. Паськомыс дзикодз ротыйсьома. Дерт, абу конки некымын се верстсо парма вомон вуджны. Эз жо од, дерт, бур воляыс тадзи воч.

— Пана, мый лои? Мыйла тэ тани? — городис Павлик да уськодчис ыджыд вокланьыс. Салдатъяс скорыс сувтисны Павлика-Панеа коласо да эз косийны лэдзны кутчысылыны вокъяслы. Но налон командирыс, кык ичот звезда военной, мыйко дженыдыка шуис да салдатъяс вешысны бокко.

— Пана, мыйла тэ тани? — бара шыасис Павлик ыджыд вок динас, — Ми од тэно мамыскод серонджык виччысим! — Сэсса эз вермы кутчысынысо, сыркъяломон уськодчис ыджыд вок динас да кутлис сийос сылидо.

— Эн борд, эн борд. Мужичой од тэ, — воча шуалис Пана, но и аслас говкъялис синваыс вокыскод со, тадзи тодытот паныдасьом борын. Кужис омой сийо, сиктса протой зон, код нэмнас некодос эз печиктывы, гогорвоны, мый со тадзи сэтшом виччысьтома, сэтшом толктот бергодчас сылон оломыс. И кодос они таыс мыждыны? Асьсо-о, сыыс, мый суйсис гажа юрон дорысыны. Котэ эсько ньоти эз кайтчы таыс. Модыс ко татшомторыйскод паныдасис, тадзи жо эсько вочис. Дерт, позис судьясос мыжавны. Сыыс, мый эз зильны гогорвоны сийос суд вылас. Дугдывтот тэрмасисны кытчокко. Бытто водзвыв нин воли сернитчомаос. Котэ эсько надейтчис на Пана судьяс выло, но сиди мыжаон и колис.

А Павлик важ моз кутліс Панейс да дугдывтөг юасис сыркъялігмоз:
— Мыйла тэ тані? Мый тэкөд лоис?..

Пане, вокыслөн чужомас дыр бритчывтөм щөканас меліа нирт-
чигмоз, такөдіс Павликос:

— Эн весьшөрө бөрд. Мый лоөма — лоөма нин... Вины менө көс-
йылісны лагерас. Сыысь, мый бара слабджык дор сувті. Воштысьны
некытчө да пышйи. Көть эськө төді жө, мый кутасны. Эг и водзсась
кутігас. Тшөтш и тиянысь гажөй быри. Но эн пов. Мамтө да тэнө
аддылөм бөрын быттө содіс вын-эбөсөй.

Сэсся чөв олыштөм бөрын небыдика шуис Павликлы:

— Мун гортад да мамтө лөньөд, мед оз ёна майшась. Лейтенан-
тыскөд ме сёрниті. Тыдалө, гөгөрвоис. Көсийс тай отсавны. Оз кө
ылөдды. Гашкө, оз нин сэтшөм ёна мыждыны...

Но Павлик быттө эз кыв ыджыдджык вокыслысь такөдана кывъ-
яссө да дугдывтөг видзөдіс сылөн бритчывтөм, ныйт чужөм вылас,
быттө медбөрьяысь нин аддзө сійөс да көсийс кольны радейтана во-
кыслысь мыгөрсө паметяс. Чужөмас лөз сертиыс да паськөмас ныйт
сапөг туйяс сертиыс, ёнакодь жө тітшкөдөмаөсь сійөс салдатясыд.

Лейтенантлөн тшөктөм серти салдатясь вештыштісны сійөс Пана
дінысь. Павлик бара көсийс уськөдчыны Пана дінас, но тайө пөрийө
ыджыдджык вокыслөн зэв қорана синъясыс сувтөдісны сійөс, быттө
көсийсны шуны, мый нинөм таысь бурыс оз ло, а сөмын лөкджык
вөчан сылы. Машинаас нин пуксьөдігөн Пана нөшта өтчыдысь бер-
гөдчыліс Павликлян:

— Мамтө видз. Ме өні быть нин коркө воа...


Важ төдса моз нин, Павлик дінө матыстчыліс и Исмаил. Машинаас
пуксьытөдз Исмаил көсийс шуны зонлы гоз-мөд такөдана кыв. Но Пав-
лик сөмын скөрпырысь видзөддіс сы вылө да сөдзөдіс пинь пырыс:

— Вешйы тэ, учитель!..

Мөдыд эз виччысь татшөмторсө, лэптыштіс пельпомъяссө, быттө
көсийс шуны, мый таысь сійө ньөти абу мыжа, да чөла мөдөдчис
кабиаланьыс. А Павлик дугдывтөг видзөдіс пөдлассьөм өдзөс вылө,
код сайын пукаліс сылөн ыджыдджык вокыс. И дыр на дзоргис Пав-
лик тайө машина вылас, кытчөдз сійө дзикөдз эз саяв пожомо-козъя
вөртор сайө. Сыкөд орчөөн өні чөла сулалісны Ольөксан да Ольөксея
ёртъясыс. Чөв олісны. Төдісны, мый татшөм здукъясө кывъясыд оз от-
савны. Налы өд ас мортөн жө вөлі Панейс, Павликлөн ыджыдджык
вокыс. Жалитісны сійөс. Эз вермыны өнөдз гөгөрвоны, мыйла татшөм
бур мортыскөд лоис татшөм вичысьтөмторйыс да кызди донъявны
ставсө тайөс. А эз гөгөрвоны сы вөсна, мый томөсь на вөліны. Мед-
бөрын Ольөксан тапнитіс Павликлы пельпомас:

— Мунам гортад. Кывлін, мый Панейд шуис.

И куим өрт чөла мөдөдчисны школа йөр дорысь гортлян.



Пичегайса Венера

НОВЕЛЛА

Ракшойкин Микиш Наталь гөтырыскөд оло вөрса посёлокын, Пичегайын. Оланіннысö кытшалöны сись кодь пожомъяс: шувгöны найö лун и вой — асывнас кыпыда кольöдöны Микишöс удж вылö, и Микиш-лөн вир-яйыс таысь ворсöдчыны мöдлö; рытнас кокныдыка тапкöдöны сылы пельпомас лыска-гöна лапъясананис, молодеч пö, талун бара нормаястö вевтыртін; кор нюзöдчасны том гозъя пушыд вольпаяныс, пожомъяс öшинь пырыс öвтчыштасны — бур вой пö! Дай öввö на сыласны. Чöскыда и унмовсьлöны та бöрын Микиш да Наталь.

Зэв шудаöсь Микиш да Натальыс. Налөн гозъя кост олöмыс пожöма ягыс кодь жö кыпыд да сöстөм, шань да тыр-бур — ставнас посёлокса войтырлөн син водзын. И вежавидзöны войтырыс, и асьныс мыйтакö шаньмыштöны Микиш да Натальысь шудсö ловнанис кылöмөн.

Да... Вöли öти мыгшöд, либö жель, поэьö кө тадзи шуны. Дерт, шуны кө, мый сьöд кань на костöд вуджортлис, вывтіджык жö шуöма лоö-а. Мыжанас ставсыс вöли... Тициан Вичелли, художник, Италияысь пö тай рöднас-а.

А делöыс вöли тадзи. Кольöм арнас, вöрын уджалысьяслөн Ыджыд лун водзвылын кө-а тайö лои, Микиш гортас сёрмыштіс, воис дас öти час гögөр.

— Тэ нö мый талун? — чуймöма, татшöм юалöмөн вочаалис Микишöс гөтырыс.

— А, клубын соборуйтім. Удж бöрын и чукортлисны водзвыв вись-тавтөг...

— А-а-а, — унзиль гөлөсөн нюзöдыштіс Наталь, и водзö нинöм эз юась, та вылö и бурасис.

Микиш сулалыштіс на порог дорас, быттö дузыштöма весиг, мый гөтырыс татшöм коса примитіс дыр ветлөм бöрын, и нинöм эз казяс го. Педзыштіс места вылас, сэсся пöрчысигас нин шыасис кухняс ноксысь Натальы.

— Со... Козинтор меным вичмöдісны!

— Мыйся козин? — кухнясяныс шыасис гөтырыс, но эз и петав весиг, быттö быд лун Микишöс премируйтöны, да Натальы дышö-дöма нин козиньяссö джаджьясö тэчны.

Микиш эз жö тэрмась мычöдлыны донаторсö. Пöрчысис, мыссис-шыльöдчис, одеколонөн на пызйыштіс лунтырнас кынмалыштöм ныр гөгöрсö, а сэсся вöлисти пыртіс кухняö образ ногөн вöчөм ыджыдкодь пöv. Морöс бердас дзигöдöмөн и вайис да сувтіс воськов-мöд гөтыр дінас вөтöдз, бергöдіс серпассö Натальань:

— Но!?

Тайö вöли картина. Кутшöмкө кыпыд да мичасыс-мича жырыын, небыд вольпая паськыд крöвать вылын, яндзимсö тöдтөг вальмасис дзик пасьтöм нывбаба.

— Но, мый шуан? — нöштаысь юалана видзöдліс Микиш Натальлөн чуймөм синьясö да паськыда нюммуніс.

Наталь кызди вöли, сідзи и кынмис места вылас пöсь шыд вид-лігмоз паныштан вомөн. Сэсся сайкалыштіс жö, кыйсысь кань моз матыстчис верöсыс дінö, водз чуньнас индöмөн лыддис картина ув-сыс: "Ве-не-ра Ур-бин-ская". Зумыштчыліс да водзö шöпкөдіс: "Ху-дожник Ти-ци-ан". Помöдзыс лыддис да вöлисти ас व्याс воис.

— Вай, авакай!* Мыйся козин нō тайō?

—>Addзан өд, картина! — нōшта на паськыдджыка нюммуни́с Микиш.

—>Addза, мый картина, абу на синтөм... Но өд... Дзик пасьтөм! Мыйла эськō стōч да тэныд тайōс сетисны, а?

— Бур уджысь пō... Но, а мый сетисны, сийōс и вайи. Он өд бōр-йысыны мōд. Вайōй пō меным мыйкō мōдōс... Мый сетасны тай, мися, сийōс и босьт. Яков суседлы "Сосновый бор" козьна́лсны. А мый сыысь миян. Окота кō, видзōдлы өшинь пырыд, сосной борыс миян тыр-мыймōн.

— Вай! — эз өвсы Наталья. —>Addзыл ме картинаястō... Быдся-масō... А тайō... Тыфу...

— Тайō менам козин... — кōсийс дорйысыны Микиш, но сэсья тшōкмуни́с.

Сидзи и сулалисны гозья кухня шōрас, эз казавны весиг чайник-лысь варган шысō. Натальōн синваыс чепōсийс, ымзан гōлōсōн шыасис:

— Но, мый сэсья... сыкōд вōчны кōсьян?

— Кыдзи мый? Стенō өшōдам, — мый онтай мōвпалис, сийōс и шуис Микиш.

Наталь бара зумыштчис. Сэсья лōныштөм гōлōсōн нин шыасис:

— Микиш, кывзы менō... Керкаын тайōс видзны абу дельнō... Яндзим... Миян өд челядь лōны. Кыдзи нō позьō... тайō срамсō... Дай суседьяс мый на шуасны, воласны-аддзыласны кор?..

— Да тайō өд, Наталья, абу и нывбаба, а...

— Вай! Эн серав ме вылын! Эг на өд выживмы! Кыдзи абу нывбаба? Да тэ видзōдлы, видзōдлы, паськōдлы бугыльястō! Кутшōми нōшта нывбаба!..

— Клубын тайōс жō дōжналсны, тэ моз жō окайтисны да акайтисны! — чорыдакодь нин шуис Микиш, быттьō кōсийс тōдчōдны, мый Наталья, баба вежōрнас, нинōм ог гōгөрво. — А школаса директорным гōгөрвоōдис ставōс: тайō пō Венера! Гōгөрвоин? Абу пō нывбаба, а Ен, мичлун видзысь Ен!..

Сийō жō рытнас Микиш босьтис кладовкасыс мōлōт да некымын кōрт тув, мыйōн чуймōдис гōтырсō, өд таōдз Микишлōн во вит нин киясыс эз сивавлыны струментьяс дорас... и өшōдис козинсō пыран өдзōсыслы воча. Видзōдыштис картина вылас бōрвыв воськов-мōд вōчōмōн, кывнас шлочнитис:

— Лōсь-сыы-ыд!

Асывнас Микиш восьтис синьяссō, и чуймис: важōн нин эз вōв татшōм мича луныс. Баба гожōм вōма, шондī югөрьяс сидзи и сявк-йōны комната пасьталаыс, быд пельōсō веськалōны. Микишлōн тōрыгья козиныс, Венера Урбинскаяыс, шоналōма шондī югөрьяс улас да ставнас лōсталō, нōшта на лōсьыдōн лōма, мичаммōма.

О, дивōыс! Микишлōн сōмын на палялōм чужōм вылын ворсис сэтшōм долыд нюм, быттьō ыджыд пань тыр юм вомас босьтис.

Тайō лунсяныс удж вылас мōдōдчытōдз, кōть звук кежлō, но сувтовкерлис Микиш картина водзас. И рыгьяснас — гортас воигōн, ужнайтōм водзвылас, водтōдзыс — век нин синсō чōвтлас. Наталья, дерт, тайōс казавтōг эз ов, но нинōм оз шу, кōть лолыс и пессō. Сийō рытсыныс на, кор Микишыс вайис козинсō. Быттьō мырддōны Натальялысь верōссō, а мōдыс со оз и водзась.

Нывбабатō кōть сьōкыд гōгөрвоны, но пыр и казялан сылысь ру вежласьōмсō. Микишлōн гōтырыс лои зумыш, и гōлōсыс кыдзкō вежсис; сёрнитō, а ачыс быттьō абу и сэнi. Дай шыасьлō верōсыслы корьясōкō сōмын, оз нин мелiа тельгы воддза мозыс. Сэсья и асьсыс уджьяссō, быттьō, вунōдавны мōдис, пыр мыйкō неладнō вōчō: то сōс-тōм дōрōм пыдди Микишлы гач индас, то уджалан купайка зептас верōсыслы кепысь пыддиыс чōрōс юр сыйыштōма...

* Мамукōй — эрзя ногōн.

Микиш сөмын шпыннылис та выло. Казялис жө өд. Дай төдсясыс шуасисны — семьяд вежсьөмъяс пө, сідзкө, виччысьой. Гашкө пө нөбасьө Натальыд да... Тайөс төд вылын кутөмөн Микиш коръясөкө небыда шыасьлис муса гөтыр дорас:

— Мый нө, Наталья? Лөкөс вөталін али мый?

— Эг! — веськода вочавидзліс мөдыс. — Юрөй висыштө...

А быть өд вись. Верөстө өд мөдкөд юкны колө. И сөмын петас Микишыс кытчөкө, сувтас Наталья картинаыслы воча да дыр видзөдәлө быд ногыс: "Да, зэв мича! Дерт жө кутшөмкө баруна!.." А сьөлөмсө Натальысь нюкыртө йөй мөвп: "Вай, пола! Верөслысь юр вежөрсө гудыртас татшөм краляыд!.. Найө өд, мужичөйясыд, сэтшөмөсь, кокныда сетчөны... Кывлі өд, став блудникыс татшөм сяма картисянь да картинаяссиянь дзугсьылөны..."

Вөтас и вемөшас Натальы овмөдчис тайө яндзимсө төдтөм нывбабаыс. И Микишыс быттьө век сыхкөд орчөн. Локтіс тай со ковтөм аныс дай кольчис на ордө, и сералө на нөшта коньөр нывбаба вылын! "Босьта вот да гуала кытчөкө пыдөджык!.. — ас кежсьыс скөрәліс Наталья. — Либө кодлыкө сета, мед ылөджык нуасны!... Торйөдны колө найөөс!.."

Но польштіс жө Наталья, мый Микишыс скөрмас, этшсьыс петас. Сэсыс дыр ловсө песөм бөрын воис жө юрас, мый вөчны.

...Субөта лун вөлі. Микиш асывсяныс велліс орчча сиктө базар вылө, воис сэтгыс сөрөнокөд нин. Наталья бара майшасьөмөн вочааліс:

— Микиш, тэ нө мый та дыра?

— Автобусыс эз во, ковмис пөпуткаөн локны.

— А ме пывсян ломтылі. Ачым мыссьышті нин. Виччыси, виччыси тэнө, а... Тэрмасышт да лэчыв, жарыс, көнкө, эз на пет дзикөдзсө.

Час гөгөр Микиш пывсянас пөжсис. Мудзсө и автобус виччысигөн вир-яас пырөм көдзыдсө вөтліс пытшкөссыс. Керкаас пырөм бөрын сайкөдчыштіс пывсян жарсьыс, сынасис-шыльөдчис, ужнайтыштіс. Тасыті-паньясөн вөдитчис зэв видзчысьөмөн, төдіс — Натальыс шойччө.

Восьтіс узланінас пыран өдзөссө, и вомкалич кутөдсө воштіс: крөватсьө Наталья мичмөдөма зэв мича кышөдөн. Эшкыныс искөвтөма джоджас, а ачыс куйлө вольпасяс дзик пасьтөм! Пывсянын донөдлөм вир-йяыс ставнас лигышмунөма, а лэдзалөм веж юрсиыс мыйтакө сөмын и тупкыштөма нывбабалысь пельпомсө да пушыд морөсьяссө.

Микишылы быттьө юрас кучкисны: "Да өд Натальыс картинаывса Венера мозыс жө дзик и вөчөма! И сы моз жө личөдчөма, и юрсисө сы моз лэдзалөма!.." Мужичөйлөн долыс чепсасыны мөдіс татшөм мичлунсьыс. Матыстчис крөвать бердас, пидзөсчанясис да кымыныскө чупнитіс-оқыштіс Натальөс киясас и бандзибьяс:

— Наталья, тэ Венерасыс на мичаджык! Дай сійө картина, а тэ... Тэ өд менам ловъя, шоньд. Пичегайса Венера тэ менам!..

Гөтырыслөн чужөмыс югзис сөстөм да долыд нюмөн, быттьө тувсовъя кодзулыс мыччысис, но ворсөдчан гөлөсөн нывбаба шөпнитіс верөсыслы:

— Абу Венера ме, а Наталья! И мөдысь эн соравлы миянөс!..

Комиөдіс Е. Козлов.



Любовь СТАРЦЕВА

* * *

Чужөй өгыр дорын шонтисян,
Чужөй өгыр дорын шоччисян,
А мыйкө вежны — абу мыла.
Чужөй өгырыс чискө-сылө.

Чужөй өгырыс көркө ештас,
И сэк некөдөрө он ешты:

Он ешты сотчомсö вöтсавны,
Но — ассит лонтыны оськавны.

* * *

Дзирыт лолöс замок сайö йöрта,
Ключöс чапка пыданджык юкмöсö.
Ась көть пессьö, көть кеймö, көть бöрдö —
Сийö оз кылö, оз аддзö йöзыс.

Сийö оз кылö, оз аддзö йöзыс,
Немкорöмысь оз чушкö, оз чувйö.
Эд не быдыс чеччöвтас юкмöсас,
Кöть и тöдас, кытöн ключыс куйлö.

* * *

Эта дзескыткодь кытшын,
Медбы не осилейтны,
Гусьöн-пöлөн кеймысят,
Гусьöн-пöлөн радейтат.

Гусьöн-пöлөн лöгалат,
И öбида нылыштат.
Тöдат — шучкöп тыдалат.
Тöдат этя кытшын.

Кадыс — вечнöй судьяыс —
Кытшыс дорын оз сувтчы.
Быдыс — шучтыдалана,
Быдсö мирыслы мыччас.

* * *

Мун чожаджык. Ме джоджжес миссьöта,
Ломга баня, сöстöмта вывтырöс.
Тэсянь кольман, и слепман, и пöдан,
Нельки руыс и то тэон тырöм.

Вот и мунин. И джоджжес миссьöти.
Жарыв баняын нирти вывтырöс.
И ловзисьны морöстырöн мöди...
Вöлин руөн.
И руыс эз тырмы.

* * *

Рытöн тöлыс увгö,
Каттьö да нöбötö,
Гажтöм песня сьылö,
Гажтöм вөр гыччötö.

Эта гажтöм вöрын,
Поди, кинкö олö?
Шырбиоксö вöджжö
Менам позтöм лолö.

Эта гажтöм вöрыс —
Вöлöм шудтöм гортö.
Кыммö пуэз увтын
Лов ветлötö кортөн.

Кудымкар.



* * *

...Здук мысти
 Вежөрөдз воис,
 Мый тайо ме пытшкысь
 Войся пемыдас
 Неморт нога шыыс пычкысис.

Да, да...
 Ме од аддзылі
 Ассым коньор лолос,
 Коді котраліс да пессис
 Оломлөн мөдлаплас.
 Ва вуджны поліс,
 И тэрмасыны коліс —
 А друг да ме садьма...

* * *

Ме төдлі
 Тэнсыд усълөмтө и чеччөмтө.
 А өні тэ олан пессытөг,
 И меным лои гажтөм.

Джуджыд пос вывсянь дзорга —
 Ваыс сьод,
 Эм-ө сэні пыдөсыс, ме ог төд.

Ни подыыс, ни йиртыс,
 Сөмын коззувьяслөн дзирдыс.
 Со и ставыс...

Комидіс Е. Козлов

□ □ □

Гижасьöны важ олöм туялысьяс

Коми войтырлысь важ олöмсö да кывсö туялысьяс, наукаö пырöдчысьяс таво пасйисны нима учёнöй, кыв туялысь Евгений Семёнович Гуляев чужöмсянь 70 арöс тырöм. Кöть эськö сёрмыштöма лöö, но бур морт йылысь содтöд ошкана кыв шуны некор абу сёр, дай мöд помка на эм сы йылысь сёрнисö вылысь панны. Неважөн ме киö веськаліс Евгений Семёновичлөн зэв интереснöй гижöд, кодöс абу на некöн йöзöдöма, и вöзъя тайö гижöдсö "Войвыв кодзув" журнал лыддысьяслы.

Дженьыдика висытала, кызди гижöдысь веськаліс ме ордö.

Помöсдінын олö менам ордвужйысь жö петöм морт, Иона Васильевич Игнатов. Нелямын саяс во велöдіс челядьöс школаын и зэв зіяя век туяліс важ йöзлысь олöм-вылöмнысö Помöсдін вöлöсть пасыталаысь. Йитöдъяс кутіс нима учёнöйяскöд, гижасис накöд, вель унаысь индавліс налы, кытысь да мый колö корсьысьны-лукйысьны, мый поэзö аддзыны. Вöлі аддзöма ёна важся войтырлысь оланінъяс Помöсдін гöгрöнысь, та йылысь эм пасйöдъяс научнöй небöгъясын.

Иона Васильевичлыс неважөн тыри 80 арöс, важөн нин пенсия вылын. Гортас сылөн чукöртöма вель ыджыд архив: важ кабалаяс, фотоснимокъяс, небöгъяс, весиг кутшöмсюрö важ кöлуй. Чужан сиктö волігөн ме пыравлывлa Иона Васильевич ордö. Тöда, мый сылөн век на мыйкö эм выльтор.

Евгений Семёнович да Иона Васильевич уна во уджалісны öтлаын Помöсдін школаын, ёртасисны сэки на, а торйöдчöм бöрас письмöа-сисны ас костаныс, юксисны мөвпъянаныс. Таво ар ме бара пыралі Иона Васильевич ордö — мыйсюрö юасьыштны места нимъяс йылысь. И сійö сетіс лыддыны некымын письмö ассыс, копияссö, дерт, кодъясöс мөдöдлывлöма уна во сайын Евгений Семёновичлыс, и воча гижöдъяссö сылысь. Юалі Иона Васильевичлысь, поэзö оз йöзöдны тайö гижöдъяссö. Шуйс: поэзö пö.

Гöгрöс кадколаст вуджис аслас олöмас Иона Васильевич. Эм мый казтывлыны, мыйысь аттьöавны сійöс. 1967 воын на учёнöй-археолог Г. М. Буров со кыз ошкөмөн гижыштöма вöлі Иона Васильевич йылысь аслас "Наукалы козинъяс" юрнима небöгын.

"1962 воын öтчыд мян юкөнö Коми научнöй шöринын воис гижöд Помöсдінсянь, география велöдысь Иона Васильевич Игнатовсянь. Сійö гижö, мый Помöсдін сикт дорысь аддзöма ёна важ кадся йöзлысь оланін, мый йылысь öнöдз некод на оз вöлі тöд. Ю берег кыр дорысь сійö аддзöма сёйысь вöчöм гырнич торпыриг да изъясысь вöчöм шылö-мылльö.

Ми шыасим сы дорö, медым мөдöдас мянлы аддзöмторъяссö. Регыд мысти и воис посылка. Вöлөмкö, важ йöзыс сэнi овлöмаöсь кык сюрс во сайын нин! Аддзöмторъяс пиын — гöгрöс пода гырнич торпыриг, кодъясöс баситлöмаöсь визйöдлöм серпасъясөн.

Медся интереснöй да тöдчана аддзöмторнас вöлі сёйысь вöчöм Лу, кытчö кисьтöны сывдöм ыргөн баситчанторъяс вöчигөн. Татшöм дозмукъясыс Коми му пасыталаысь эз на сюрлыны öнöдз. Аддзöм Луыс зумыда подулалö научнöй видзöдлас, мый ыргöнысь кисьтöм вöдитчанторъяс вöчöны вöлөм тані кык сюрс во сайын нин.

Иона Васильевич Игнатов отсавліс мянлы, археологъяслы, и вöзынджык нин. 1958 воын на, кор ми корсьысям вöлі Эжва катыдын, сійö козынавліс мянлы мөмöтлысь (мамонтлысь) вечик лысö, кодi ов-

лөма тани 15 либө 30 сюрс вояс сайын. Лысö аддзöмабсь Эжава ю веськыд берег вылысь Скөрöдум сиктса олысьяс.

Став бөрья воясас сы бөрүн Иона Васильевич окотапырысь да тöждьсьöмөн видзöдис, кыдзи ми нуöдам корсьясян-гудйясян уджьяс Помöсдин весьтьясын, ачыс корсьясис-туясис Помöс ю пöлөн велöдчысьяскöд тшöтш. 1966 воын Иона Васильевич юörtис миянлы ёна важ йöзлысь виль местаысь оланін аддзöм йылысь, Помöс ю дорысь. Велöдчысьяскöд сийö чукöртöма да мöдöдöма миянлы сёй гырнич торпыригьяс, кодьясöс вöчигас баситöмабсь паськыд пиня сынан визьясöн да чунь пом чутьясöн. Тадзи Коми республикалөн археологической карта вылын чужис ёна важся йöзлөн мöд, Помöсдинса оланін". (Тайö гижöдсö Г. М. Буровлысь вöли йöзöдöма 1967 воын петöм "В гостях у далеких предков" небöгын, 11-12 лист бокьяс).

Нöшта öтчыд окота меным бурөн казтыштлыны Евгений Семёнович Гуляевöс. Буретш сийö ышмöдис менö энöтны кино вöчан удж да босьтчыны туявны коми войтырлысь йöзкостса олöмсö, кывсö да культурасö. Кöть эськö тайö ордымöдыс мунигөн зептыд век куш либö розя, но сёлöмылды да лолыды долыд и кыпыд, сы понда, мый тайö туй вылас быд колода улын, быд мыр улын, быд ва гöп пыдöсын дзесьöмабсь коми войтырлөн кувтöм ловьясныс, коми кывлөн нöдьясыс... Коді бертö — сийö венö, коді корсьö — сылы сюрö, коді сетö — сылы лоб.

А öни И. В. Игнатовлөн да Е. С. Гуляевлөн письмöяс:

Вигза олан, дона ёрт Евгений Семёнович!

Бара мог суис. Талуң Ягкöджсянь воис письмö Лениан Алексеевичсянь. Гожмнас сийö мыйсюрö аддзало: и Чудь гуясысь да фотографируйтöма. Медся ёна чуймöгис сёйысь вöчöм серпас — пукалö вöв вылын морт! Верзьöма морт! Чудьясыд тай оз сöмын пыжөн вöлөм ветлыны, но и вöв вылын гöняйтлöны...

Омöля, омöля археологьяс уджалöны миян — дышöсь. Уна кольö виглыштöг, вошö. Гудравсьö бульдозерьясöн стрöйбаяс лэптигөн. Эз кö Лениан Алексеевич бульдозер гöрыштöм бöрас мун, и тайö эз сюр.

Да и стрöйба местаясö öнъя йöз сэтысь жö бөрйöны, кöни чудьяс овлöмабсь. Кöни Сигоровыг корсьясьлöма — вöвлі МТС усадьба. Кöни чудь карыс вöлöма — Ягкöдж посёлок кыптис.

Буровкöд вöли гижасья та кузя. Öни, буракö, кытчöкö сийö усйысьöма. Гижлі сылы, да öтвет ни привет. А öг мöгöглі фотокарточкаяс из иголысь. Татшöм могаасö аддзöма вöли Макар Петыр Иван Олексей Няняöрыс ыб вылысь. Тян главнöй археологлы висьтавлі (кор воліс Помöсдинö лекцияяс лыгдьыны), сийö оз верит: коми йöзлөн пö из иголяс эз вöвны, пу иголясы юрбитлісны. Оз кö интересуйт, ми асланым музейö кыскам-чукöртам.

Ме тайö гижи эг сы раги, медым норасыны исторической памятникьяс омöля вигзöм вылö. А мед тэ, кыдзи велöдчöм морт, кöни колö шыöдчывліи — коми мулысь историсясö пыдисяньджык туялöм кузя. А то öг кодсюрö сöмын гырнич торпыриг сер корсьясьöны...

(Письмöяслөн помыс абу кольöма. Орöма кырымпастьöг. — М. И.)

Е. Гуляев вочавидзö И. В. Игнатовлы:

*Вигза олан, бурö пуктана
Иона Васильевич!*

Меным зэв нимкодь, мый тэсянь воис гижöдыд да мый абу вунöдöма сёрнитчöмнымöс Александр Васильевич (А. В. Уляшев, Помöсдин школаса сэкся директор — М. И.).

Уна мöвп котöртис юр вежöрын лыгдьöмьяс бöрас. Медводз пасья, мый материалыс зэв озыр да тыр вир-яя, дзик виль, тöдтöм. Тадз кö эськö уджаліс быд морт (быд велöдчöм, грамотаа), сэкс эськö коми муыдысь важ олөм-вылөмсö тöдмалім öдйöджык дай бурджыка öния

серти. Мөвпыштлыны кө, места нимъясын, вөр-ва төдөмын тыговтчө миян пөч-пөляслөн став олөмыс, налөн сёрниыс, весиг сийө кывъясыс, когъяс вунөмаоьс том йөзлөн (мукөдгырйиыс и тошка том йөзлөн!).

Со босьтам **Руч кайт** (кайт "нора"), **Пузла** (лыа сюр), **Кенжан** (важпөлөс гөр), **Тиль весьт ги** (тиль вөр), **Өшмөс** (орччөг: юкмөс; моргвалөн эши "колодец", финнлөн ihi — "течь"). Тыговтчөны и рочыс воом кывъяс (**Юшка ёль**: юшка, юха, уха "ушица", войвывса роч кыв).

Татысь тыговтчө, мый вөр-ва ним гижалөмлөн гонлуныс сыын и эм, мый паськөдө миянлысь төдөмлун-вежөр, озырмөдө коми кыв, өдгдзөдө чужан кыв вежөрө суйөм, паськөдө культуранымөс, велөбгө вежавидзны сийө войтырөс, когъяс лөсьөдглөмаоьс кывсө да пасьялөмаоьс кывъясөн став агдзантор-кывланторъяссө. Ме ог нин шу, мый вөр-ва нимъяс вывти колөны лингвистъяслы гай став наукалы.

Көсья пасйыны, мый места нимъяс ливысь, дерт, унатор абу гөгөрвоана. Мый сийө сэтшөм Зина-вигз? Огвакө Зина нимсяны! (татшөм нимыс весиг өни шоч!). Вермас лоны Зына-вигз? (вөлөма зын "дук, көр", "благовоение", "аромат"). Татысь петө, мый ним гөгөрвоөдигөн вывти колө төдны места нимыслысь став вариантсө.

Тыдалө, татшөм жө и Помөсгін нимкөд. Сиктыс мыйла тагзи шусьө, дзик гөгөрвоана: Помөс-гін (сикт, кодг пуксьөма Помөс ю вомө — Помөс гінө). Гөгөрвотөмыс ю нимас — мыйла Помөс, а абу мөдтор?! Дерт, Помоздя (уралса гижысьлөн) — некытчө туйтөм вежөртөм-гөгөрвоөдөм (сийө петө Помозьдино кывйысь, а тайө өд Помөсгін кывсө вежньөдглөмтор!). Зэв сьолөм вылө воис Пожмөдзин кыв видлалөм. Эм-ө тайө кывйыс сёрниын? Ме төда Нийэгз (ния ин), Угоравын расөдз (раска ин). Эдз вөлөма места петкөдлан суффиксөн. Но мыйлакө мен юрө воө мөвл, мый Пожмөдзин да Помөсгін — абу өти вужйысьөсь. Вывти нин ылынөсь тайө кывъясылөн пертасьясыс. Дашкө, Помөс артмыны вермис помны, помсьыны кывъясысь (Лөпта ю; лөптыс вермис помны юсө кытъястикө?). Менам мөвпөй мыйлакө мунө тайө нырвизьөд.

Мый, ме ногөн, воззө колө вөчны, кызги ужж пуктыны? Ме ногөн, позьө паськөдны вөр-ва ним чукөртан ужж, копыртны велөдчысь пиянөс, а сизз жө воззө сөвмөдны уджалан методика. Аслам ужж серти висьтала, мый вель бур чукөртны нимъяс быг бассейн кузя торйөн, быг ю-ель кузя "кайны" вочасөн да гижавны горала, мый паныг воас шуйгалагорсьыс да мый веськыгдалгорсьыс. Тагзтө гижалигад озджык вошласьны ю-ель нимъясыс, а сэсья позьө уналысь гижны да орччөдны став гижөдсө, төдмавны тагз ногөн, мый збыль вылас эм. Быг ю кузя колө, ме ногысьөн, торья схема (сюрсалы), а сы вылө нин шөтны "яй торьяссө" да оргляссө.

Схема вылын вөр-ва да ю-ель петкөдлөм, ме ногасөн, отсалө бурмөдны ужжсө и карта тэчысьяслысь: сы под вылын позьө сетны рекомендация, кызги мездысьны дзугөмъясысь (Сестра-ель — картаын, йөз костын — Сэтөра-ель), согтыны абутөмсө, бурмөдны эмсө.

Муртса эг вунөд: кутшөм керөсьысь петө миян Эжва юным? XIX нэмө гижөма — **Нальдөг-керөс**, өни өткымынъяс шуоны **Нальсег-керөс**. Мый нө эськө збыль вылас? **Нальдөг** кыв ёнджыкасө кыскө йөграясланьө.

Ме көсий аслам планө пуктыны 1966-70 вояс вылө вөр-ва ним чукөртөм, сы под вылын Эжва вожлысь топонимика словарь сюртөм, быг ю-ель кузя торья схема согтөмөн. Но панасыс эз артмы: планө пукти XIX нэмса коми кыв видлалөм, Куратов гижөд төдмалөм (сы под вылын, дашкө, Куратов словарь тэчөм). Та вылө вигзөдтөг, ме места ним кута өктыны, дерт. Пөсь чолөмөн — Гуляев Е.

Александр Александрович Панюковлөн нимыс "Войвыв кодзув" журнал лыгдысьяслы төгса. Сійö музлытөг век мыйкө корсьясьö архивьясын, мег эськө стöчджыка туявны комияслысь вогдза олөм-вылөмсö. Та йылысь сьлөн уна гижöг петалис нин журналын. И со архивса документъяс вылө мыджсьомөн Александр Александрович гасьтöма нöшта некымын пасйöг.

Пошта ваян луно

1875 во. Тöвся Микöласянь нельöд лун. Ёна кодздöдлөм бöрын ывлаын шондöдыштис. Но гөгөр на гыртöма, шковгö-луйсьö пашляк, руа.

Мордін вөлөстьса правленнö сэтшөм жö, кутшөм и мукöд вөлөстьясын: эм скодъяс нуöдан ыджыд жыр — шумöвöй, арестуйтöмаясöс видзны — чижовка, кык жыръя канцелярия, стöрöжлөн вежöс. Канцелярияын, көни öшиньясыс видзöдöны Лөкчим юлань, Государь-Император Александр Николаевич Романовлөн портрет улын турунвиж рöма нойөн вевттьöм пызан. Орччөн — мöд татшөм жö. Кыкнан вылас чернила дозьяс, ручкаяс, еджыд, руд, гөрда коркаа книгаяс да папкаяс. Öдзöслань матынджык пызан сайын сьöд уска-тошка, ной пинжака-гача старшина Забоев Петыр. Ылыссаджык пызан саяс том морт — писар Савельев Василей.

— Но мый, Савельев? Заводитам примитны поштатö? — гора гөлөсөн юалö Забоев. — Сидзкө, мöдам вöчны тадз: ме босьтала, кыдзи и колö, вайöмторьяссö, видзöда гөгөрбок да сета тэныд. А тэ гижалан земско-почтöвöй корреспонденцияс босьтан-сетан нигаö. Тэ жö дасытан и ыстанторьяссö мөдöдöмысь сьöм босьтөм йылысь гижöдьяссö. Чукöст, ме д пырасны...

Писар Савельев восьтис канцелярияö пыран öдзöссö да горöдис: "Пырöй, кодö медводзын! Первой старшина Петыр Кирьянович дорö матыстчöй!"

Медводз воськовтис öдзöс порог вомөн Шевелев Прокö.

— Пинляндияын служитысь Овер пилы куим шайт ыстыны көсья, Петыр Кирьянович. Сёяныс вылö содтöд, — лабутнöя висьталис Прокö. — Оз пö тырмы. Оз пöt садатскöй рокнад. Мед сöмын ыста да оз вош. Вермас öд пельпелбелыс аслыс босьтны...

— Эн пов, Микей Прокö! Ыстам заказнöй письмöөн, а тэныд казеннöй бумага сетам. Вошас кө, сы серти и корсям!

Писар Савельев восьтис руд коркаа книга, корсис колана лист бок. "Расписка в приём" формаö гижис: "1875 во, декабрь 10 лун. Финляндияö Аврам Шевелёвлы ыстөм вылö Шевелёв Прокöлысь босьтöма куим шайт". Сьöмсö сюйис конверт пытшкө, клеймитис вит ура марка. Кисьтис гөрда сургуч да пуктис печать.

— Тэсянь, Микей Прокö, 26 ур сьöм...

Лун шөрöдз поштаөн став пөлөс ыстанторьяссö лои примитöма да гижалöма.

— А öни верман пажнайтны ветлыны, — шуис старшина писарыслы. — Ми тані, господин урадник Прозоровский Виктор Ивановичкөд да вот чукöртысь Шевелёв Опонькөд, мыж вöчысьяс йылысь сёрнитыштам...

Писар Савельев оліс правленнöсянь матын — пажнайтны дыр эз ветлы. Старшина Забоев Петыр да вот чукöртысь Шевелёв Опонь вöліны канцелярияынöсь на. Ветлгкостыс правленнöö воысь йöзлөн лыдыс содöма. Кадысь кадö кодкө петалис кильчö вылö да сюся ви-

дзодіс Локчим ю горув, пельсö чошкөдөмөн кывзис, кылө-ө конкө тільгун шы, оз-ө Көрткерөсласянь вөла-доддя лок.

— Ас кадө кө Көрткерөсөдз воис, регыд и татчө поштаыс воас, оз кө нинөм туяс ло, — сёрнитисны Мордінса канцелярияын вичысьысыяс.

— Быдсяма лёкыс тай овлө, — шыасис старшиналы отсасысь Иван Гриша Старцев. — Гожөмнас со Шевелёвд Вөрью дорө пу вылө өшөдчөма вөлі, а Чөтдінын Опонь Оксинь верөссө, Прокө Ольөксөй Старцевөс, менсьым дядьбөс, виис да сотіс. Прокө Ольөш поконикулөн вит ныла-пия, а Опонь Оксиньлөн өти ныв сирөтаясөн колины...

— Оксиньсө нө судитисны эз на?

— Эз на. Усть-Сысольскса тюремной замокын пукалө. Его Высокоблагородие Михаил Яковлев Шаламов, кывсьө, мыжсө туялөма нин, — вочавидзис Старцев. — Господин урядник Прозоровский бурджыка та йылысь висьталас. Сійө унатор төдө...

— Позьө и висьтавыны, — шуис урядник Прозоровский. — Асьныд төданныд, поконики Прокө Ольөш Старцев 50 арөса нин вөлі. Кыкысь гөтрасьліс. Овліс зумыдакодь овмөсөн...

— Сідз, сідз, господин урядник, — пырис сёрниө старшина Забөев. — Оліс Прокө Ольөш кык вөжөса керкаын. Видзис нель мөс, өти кукөс, сизим арөса вөлөс, сизим ыжөс. Керка дорас нөшта кык жытник, кум, пывсян вөлі. Гожөм нин пуксис, а няньсө йөртөдсьыс комын пуд на арталім. Нөшта керкасө шобигөн сюри сьөм — 38 шайт, порок доз, пищаль, кык ыж ку пась, сукман, кучик сапөг гоз, дукөс, пу гөр, кык чер да өти агас. Ставыс 162 шайт 50 ур дон. Позис Опонь Оксиньялы Прокө Ольөксейкөд зэв бура овны.

— Позис, позис, Петыр Кирьянович. Прокө Ольөшлон кык пи: Ёгор да Гриша быдмөны. Нөшта Прокө Тит да Прокө Иван вокьясыс керка костөн олөны. Тыла керавны ли, керка лэптыны ли — вын судзсьө, — суитчис сёрниө старшиналы отсасысь Старцев. — Да позис и Опонь Оксиньтөг овны. Прокө Ольөшлөн нылыс, Наталь. 16 арөса нин — пусьө и пөжасьө, печкө и кыө, вурө и мыськө. И ичөтджык нывьясыс ёна нин вөлі отсасыөны...

Старцев здук кежлө ланьтліс, сэсся друг содтіс:

— Войтыр, а ті казялінныд өти шензьөдантор?!

— А мый сэтшөмыс? Ачыд, гашкө, и висьталан? — корис кодкө.

— Шензьөданаыс со мый: Опонь Оксинь венеч улө Прокө Ольөшкөд сувтіс Ёгорей водзвылын — 1875 вося апрель 23 лунө. Олісны өтлаын вит вежон, и Прокө Ольөш эз ло. Дзик жө тадзи лои воддза верөсыскөд — отпускө воөм салдат Шевелёв Стакейкөд. Оксинькөд вит вежон өтлаын олөм мысти Стакей воши: лы ни ку эз сюр. Оні сөмын тыдовтчис, кыдзи лоөма, — вочавидзис Старцев.

— Тэ уна төдан, но он ставсө, — торкис старшиналы отсасысьөс урядник Прозоровский. — Ті төданныд, мый Ситкарева Аксинья Афанасьевна — мичаник, ён, эбөса нывбаба. Прокө Ольөшысь 18 арөсөн томджык. Кор 1870 воө петіс Шевелёв Стакей сайө, чуркаа нин вөлі. Оні нылыслы, Оксиньлы жө, дас өти арөс тыри, а сэки квайт на вөлі. Следствие дырйи Его Высокоблагородие станөвөй Шаламовы Опонь Оксиньд висьталөма, мый венеч улө сувттөдзис Прокө Ольөш корөма: кор пө өтлаын овны кутам, мед чурка нывсө ыджыд мамыслөн керкаө овны нуөдас. Оксиньлөн Ион вокыс Огрө гөтырыскөд челядьтөмөсь. Ичөт Оксинь налы ныв пыдди пө лоас. Но Опонь Оксинь абу и думыштлөма нуөдны. Оз пов Прокө Ольөшысь. И медводдза лунсянныс зык-шум...

— Дзик сідзи, господин урядник. Менам керкаөй орчча. Эз кольлы рыт ни асыв, мед эз кыв на ордысь горзөм, пинясьөм, поньясьөм, — содтіс Старцев Гришө. — Прокө Ольөшөс виан луннас (1875 вося май 31 лун) сідзи жө вөлі. Ме буретш Мордінө лэччыны вөв вөлі доддяла, найө карта выланыс пинясьөны. Кор локті Мордінысь рытнас, Опонь Оксинь ме дорө пырис. Висьталө, мый верөсыс, Прокө

Ольш, асывнас на мунліс чери кыйны ты вылө и өнөдз эз лок. Тадзи жө висьталөма вокьясыслы — Прокө Титлы да Прокө Иванлы. Сійө жө рыгнас тыгөгөрсса став вөрсө кытшовтім, тысө тывъялім, но Прокө Ольш некөн эз вөв. Эз сюр и мөд и коймөд луннас...

— Сэки сэсса ме нин босьтчи корсысыны, — пырис сёрниө старшина Забоев. — Локтім Чөтдинө писар Казаков Азарийкөд. Босьтім понятыйсөс да став керка-картасө кытшовтім-шобим. И картасыс куйөд вивсыс аддзиса косьмөм вир чукөр. Татшөм жө косьмөм вир войтъяс вөліны и ыджыд пачводздорса джоджас да Прокө Ольшлөн дженныдик ыж ку пась вылас. Гурйыштім и ыджыд пач пытшкөссө, да муртса эг весьөпөрөй. Шестаков Йигө Микей коколюканас пач кунлөссыс пөимыскөд тшөтш кыкис сотчөм морт лыяс да тасмаыс көрт пражка...

Сэсса чөтдинсаяс висьталісны, мый Опонь Оксиньыд буретш сійө войнас дзевсясигтыр ыджыд чуманөн гортсяныс лэччылөма Лөкчим дорө да мыйкө кисьталөма ваас. Ми босьтім Прокө Ольшлайс тывсө да лэччим Лөкчим дорө. Көвтыштім индөминсө. И мый чайтанныд? Пысасисны сотчөм морт лыяс да тасмасыс мөд пражка... Опонь Оксинь век на соссис, но ми лэччөдім сійөс татчө, Мординө, да йөртім чижовкаө. Сотчөм лыяссө, тасма пражкаяссө пуктім туисө, вевтим топыда, пуктім печатъяс да ыстім Кулөмдинө, Его Высокоблагородие станөвөй Микаил Шаламовлы. Ті, господин урядник, сэки тан эн на вөлөй...

— Татчө воліс сэсса судебнөй следователь, и Опонь Оксинь висьтасьөма: да, ме пө вии Прокө Ольштө. Петыр видзө пырөмсянь Прокө Ольш пө бара кутіс ыстыны Оксинь нылөс вок гозъя ордө. Ме пө сэки дөзми, босьті пес плака да юрас и вачки. Прокө Ольш весиг эз ойөстлы. Пласьт уси. И сэки жө пө и сюий сійөс ломтысысь ыджыд пачө да соті, — бөр пырис сёрниө урядник Прозоровский.

— Но и сэки Опонь Оксиньыд ылөдлөма. Од пач вомөдыс — а сійө абу нин сэтшөм ыджыд — Прокө Ольш эз вермы төрны.

Ковмис локны пыдіджык следствиесө нуөдны Его Высокоблагородие коллежскөй секретарь станөвөй Шаламовлы. Ыджыд опыта Михаил Яковлевичыс! И Опонь Оксиньлы ковмөма ставсө висьтавыны. Висьталөма, мый виөма Прокө Ольшөс картавивса гидас уджалан чернас, сәні жө торъяс ылө кералөма да ыджыд пачас и сотөма. А пөимсө, лы коляссө Лөкчим юө лэччөдлөма. Сэки жө висьталөма, мый и воддза верөссө, Шевелөв Стакейөс, виөма да Лөкчимө жө вөйтөма. А өд мыждыны кутлісны Стакейлысь воксө — Опоньөс. Усть-Сы сольскса тюремнөй замокын Опоньсө вель дыр видзисны. Оні Шевелөв Опонь гортас, а морт виысьсө, Опонь Оксиньөс, Вөлөгдаын судитасны, а сэсса Сибирө катарга ылө ыстасны...

...Вөлөстьса правленнөй локтысыс бьдөн мыйкө виччысьөны: коді письмө, коді сьөм, коді посылка.

— Пошта! Пошта локтө! — нимкодя юөртіс кодкө.

Регыд и вөлөстьса правленнөын пукалысыс кылісны тільгун шыяс. Поштасө вайис кык вөла көрөба доддын Көрткерөсын земскөй станция кутысь Ольш Як Казаков.

— Сьөкыда, но воим жө! — пельпомъяс вивсыс кучикысь тома на сумка лэзигтыр шуис Ольш Як. — Петыр Кириянович, тани сумкаас — сьөм тыра пакетъяс, а сундукас — посылкаяс, газет-журналъяс, письмөяс. Арталөй ставсө лыд сертиыс да кырымасьөй менам гумагаясө.

Старшиналы да писарлы пошта сетөм бөрын Ольш Як пуксис улөс ылө, перйис папирос, өзтіс да пыдисянь кыскыштіс.

— Мый нин сэсса вильгорйис Көрткерөсаныд, Яков Олексеевич?

— Вильгорьяс Көрткерөсын абуьс. Но эмөсь лөмторъяс карын, Сыктыв вожын, мукөдаын, — папирос тшынсө ас дорсыс өвтыштіг юөртіс Казаков. — А губерняс мый вөчсьө, поштаөн вайөм газетысь лыддянныд.

— Газетад ставсö оз гижны. Бурджык, висьталышт, — корис старшиналы отсасысь Старцев Гришö.


— Но, инö, висьтала... Важкуваын Илля лунсянь коймöд луннас гымнöвсянь вичкоыс ставнас сотчис. Тайöс асьныд тöданныд. Гашкö, кывлінныд жö Кажымын заводса веськöдлысьяслысь кыкнан керкасö сотём йылысь... А öни карын лоөмторъяс йылысь, — папирос помсö öшинь ворйö лямöдöм мысти содтис Казаков. — Здвиженнö лунö карса олысь салдатскöй дöва Педöсся Поповалөн чуланьсь гусялöмаöсь куим шайт сьём, нöшта на новланторъяс, шыльö-мыльö. Кутшöмкö Гермогенов да полициялөн надзор улын олысь Антонов пö пыралöмаöсь чуланас. А дас лун мысти Жеребцовъяслөн гидысь петкöдöмаöсь кык ыжös. Нуöмаöсь комын сажень сайö да сэни и начкöмаöсь. Полицейскöй управлениеын висьталöны, мый мыж вöчысьясис Усть-Сызольскö ссылакö ыстём йöз: Шейх-Катинов-Оглы да Марианна Дроздова, кодьяслөн посводзсьяс сюрöма ыж яй да ыж гос... Уна мыж, уна лёк татшöмъясяньыс лоö! Насянь и карсаыс велалöны...

— Яков Öлексеевич, а кывлін-ö Опонь Öксинь йывсьыд? — юалис Ситкарев Епим Опонь. — Сийö көть и морт виысь, а öд миян öбчи-наысь мунö...

— Кывлі, кызди нö. Сы йылысь быдлаын сёрнитöны. Öксиньтö чептö дорöмөн Вөлöгдаö пö нуисны...

Сёрни кывзигмоз старшина Забоев да писар Савельев став ваймторсö гижалисны журналъясö. Сэсся юөртисны, коды мый воис.

Письмö, посылка, сьём босьтысьяс кырымасины быд воөмторйысь, мынтисны марка вылö сьём да разöдчалисны. Регыд вөлөстьяс правленнöын некод эз коль...



Александр НЕКРАСОВ (Гамса)

КЫК ВИСЪТ

Тар койт

МИ ВАНЬ ДЯДЬКӨД узьмөдчим лыс чомйö. Шань да бур сьөлөма морт Вань дядь, батылөн ичөтджык вокыс, менö радейтис ассыс писö моз жö.

— Узь, шөвк тугйöй, аски водз ковмас чеччыны, таръясыд лöz югыд-нас локтöны койт вылас, — ыж ку пасьнас шебралігмоз шуис олөма морт.

Ме садьми водз и ылысянь-ылысянь кылі чушкөм шы: чув-чув! Чу-фиши!

— Тайö ай тар, пöрысь петук койт вылас юравны локтö, — чöла висьталис Вань дядь.

Регыд көзяин воис и паніс сьыланкыв: гөрд синдорьяса пöдру-гаяссö кутіс чукасны.

Ньöжйөнник вывлань кайö йөв кодь ру. Югдö. То тан, то сэн кылö сизылөн дорччөм.

Öтар-мөдарсянь кутісны локтавны тарьяс.

Том петукьяс ветлөдлөны öтарö-мөдарö и дасьтысьöны öти-мөдыс-көд чаллясьны. Энь тарьяс пукалöны чöла.

Пöрысь петук-ветеран мыладжык да мичаджык сьыланкыв паніс. Сійö тшөкыдакодь лэптывлө юрсö да видзөдалö, ставыс-ö лючки-ладнö койт вылас, оз-ö ёна ышмыны том кавалерьяс.

И со казяліс: кык том петук чаллясьöны, сідзи и ёрта-ёртсö трекайтöны. Деруньяслөн вывлань лэбö гöныс, быттö сьöд бобувьяс лэбалöны.

— Кыш! Кыш! — скöра чушнитіс пöрысь тар да чепөсйис косясьсыяс дорö.

Койтывьса көзяин виччысьтöг кучкө паськыд морөснас öти хулига-ныслы, а сэссия и мөдыслы.

Косясьсысь лэбачьяс мач моз быгыльтчöны öтарö-мөдарö и нораа заводитісны броткыны:

— Сійö менö тап! тап!

Пöрысь тар-петук койт вылас пöрадок корсьö-вөчö.

Ай тарьясöс чукөртіс ас дорас и горөдіс виль сьыланкыв. Сы бөрся шыасисны и томджыкьяс.

— Адзан, пиук, койтывьса юралысь и велөдö сьывны-гажъявны томьясöс, сійö талун тані учитель быттö, — вашнитіс меным вежай.

Зарни тупыль юрсö шонді-мам вылөджык и вылөджык лэптö. Воши ру. Косьмис лысва. Койт вылын тарьяслөн шыясыс кутісны ваймыны. Пожöма яг сайö лэбисны энь тарьяс, а на бөрся вөтчисны и налөн кавалерьясыс.

А пöрысь тар-петук ас кежас броткис на.

Котшмөс юдорса керка

КОТШМӨС Ю ДОРЫН, джуджыд керөсын, пожöма яг бокин кут-кырвидзö вөр керка. Сэні шонтысьлісны да шойччылісны вöралысьяс, чери кыйысьяс, турун пуктысьяс. Марья тьöt, Иван дядь да челядь

воисны вөр керка дорё рытланьыс нин. Пусисны, нуръясьыштисны да шуисны шойччыштны, медым аски заводитны куртны-чөвтны. Но челядь — челядь и эм. Налён оз узьсы, пыр на дзольгёны-больгёны визув шор моз. Окотитисны зонкаяс да нывкаяс Вань дядьлён вөр керкаын узылём-олём йылысь висьт кывзыны. А Вань дядьлы и нимкодъ. Окота кывсё песьыштны, челядьёс повзёддыштны.

— Тайё вёлі турун пуктытёдз на. Оти рытё менам Аннаой логасис ме вылё да дузмунёмён котёртис гортас. Мёд луннас ме татчё кайи чери кыйны. Юыс озыр чериён, пыр шедлисны ззысь комъяс, сиръяс, налимъяс. Вёйталі кулём, песті бипур, пуси да нуръясьышти. Керка пытшкас вёчи тшынас, медым вётлыны-бырөдны лөдз-ном. Чегьялі ныв лап, көсья лөсьөдны небыдик вольпась. А дум вылысь оз вун Аннаой...

Гөгөр чөв. Дзольгё-визувтё Котшмёс ю. Друг чөвлунсё торкис мөдар берегяныыс нывбабалён горөдөм шы: — "Иванушко, сё зёлөтайй, вуджө менё ас дорад, тайё ме, тэнад сьолём косьтысьыд, Анна гөтырыд!" Анна гөлөсөн өд и горзё. Ме шөйөвоши: кыз-мый вермис Анна локны татчё да нөшта и ю мөдарөдыс. Од ю мөдарас сэні некутшөм ордым ни туй абу.

А мөдар берегас и збыльысь сулаліс лезь юрсиа нывбаба. Юрсиыс чужөмсө вевтгё.

"Оз, оз вермы лоны тайё Аннаойн! Од эз на воыв да оз төд и туйсө татчө. Тайё, гашкө, Ёмаыс локтис?" — думышти ме, и сэки бытгё йиа ва койыштисны мыш вылө. Ёна и повзи! Сё бласлө Кростос шуи да пернапас чөвти, молитва гораа лыдди да гораа крапки: — "Весач тась, нечистой дук, абу тэ Анна!" — "Кужин, бур мортөй, воча-видзны", — воча равөстис нывбабаыд да воши син водзысь. Мөд-лапөвса бадь кустьясыс муөдз нюкыльтчылісны...

— Да... — чөв олыштөм бөрын кыв көрталіс Вань дядь. — Но... Узьөй, зарнияс, вөр керкаад некод оз сибав, сійө вежа...



Йӱзӱдӱмә "Войвыв кодзув" журналын 1998 воын

Романьяс, повестьяс, висьтьяс, мойдьяс,
кывбурьяс, пьесаяс

- АФАНАСЬЕВ А. Ставыс Алавалы. "Ме казялі нин: шуд...". Кывбурьяс. 9.
АФАНАСЬЕВ В. Медбӱрья окасӱм. Висьт. 5.
АФАНАСЬЕВ Е. Верстьӱяслы мойд. 2.
БЕЛЫХ И. Киссӱм зорӱд. Висьт. 6. Васильӱн кузь тулыс. Висьт. 9. Кодӱс
мыжавны? Висьт. 12.
ВАНЕЕВ А. Тулыс шевкнитас турунвиж борд. Кывбурьяс. 4. Вьль кывбурьяс.
7; 10.
ВАСЮТОВ Ю. Кык сыланкыв. Кывбурьяс. 4.
ГОРЧАКОВ Г. Расдор грездса Варук. Повесть. 10.
ГУЛЯЕВА Л. "Ме некӱр эг новйы...", "Кор кулі любитӱм... ", "Орсӱ тӱв...",
"Тыдалӱ, колӱ...", "ӱтка лолӱ талун бӱрдӱ —". Кывбурьяс. 11.
ДЕМИН А. Кага видзьясыс. Казьтылӱм. 6.
ДОРНИН А. Кывбурьяс. 1.
ЕЛЬКИН М. Вьль кывбурьяс. 2.
ЕЛЬЦОВА А. Инасьтӱм кельӱбьяс. Кывбурьяс. 12.
ЖАКОВ К. Кык мойд. 4.
ИВАНОВ В. Олыся. Гусясысыс бӱбӱдӱдӱс. Висьтьяс. 3. ӱнӱ Мишӱс шыбельтӱдӱс...
Висьт. 7. Шышьяс бӱрся. Висьт. 9.
КАРЕВА Д. "...Здук мысти...", "Ме тӱдӱ..." Кывбурьяс. 12.
КАРМАНОВА В. Куим кывбур. 2.
КЛЮЧАГИН П. Пежалӱм кучика. Висьт. 3. Пичегайса Венера. Новелла. 12.
КОВРИЖНЫХ Ю. "Ло шудаӱн, муса ныв..." Висьт. 2.
КОЗЛОВА Е. Гӱгыля-вугыля. Повесть-мойд. 8.
КУЛИКОВ С. Кык салдат. Кывбур. 1.
КУРАТОВ В. Мусуктӱ сьӱлӱмьд бӱрӱб. Повесть. 1; 2. ӱбин котыр. Висьт. 6.
Радейтан кӱ... Висьт. 11.
КУРАТОВА Н. Висьтьяс. 4 Висьтав, югыд шондӱбӱй. Висьт. 7.
ЛАРЕВ А. Кор ӱйркакыліс гым-чард. Пьеса. 6.
ЛОДЫГИН В. Морӱс пытшкын, сьӱлӱм дӱнын. Кывбурьяс. 1. Мыйкӱ лои тай,
мыйкӱ лои... Кывбурьяс. 5. Кодкӱ тай вӱлясӱ сетӱс. Кывбурьяс. 9.
ЛУЖИКОВ А. Гӱгыльтӱчӱм шондӱ. Кывбурьяс. 4. Вьль кывбурьяс. 8.
ЛЫКОВ А. Вӱвлӱм пастуклӱн висьтьяс. 7.
МАРТЮШЕВА Л. Милостивӱбӱ быдмӱгьяс. Тӱвся дзоридз. Купальница пӱра.
Серласторьяс. 6.
МИШАРИНА А. Ой, мыйла? "Кыпыд сыланкывӱбӱн..." Чужан гортӱй эз на
быр. Зертӱм гожӱм. Кывбурьяс. 3.
НАПАЛКОВ В. Дӱвечлӱн висьтасӱм. Вошӱма ун. Видзьявса гаж. Сиктса
Аннаяс. Кывбурьяс. 3. Уна во тӱнӱ аддзьявлӱ вӱтӱн. Кывбурьяс. 6.
НЕКРАСОВ А. (Гамса). Кык висьт. 7; 12.
ОБРЕЗКОВА Н. Вьль кывбурьяс. 3; 11.
ОРЛОВА Р. Чужанӱбӱ менам. Лунья-рытъя. Кывбурьяс. 3.
ПАНЮКОВ А. Дженьдык висьтьяс. 4.
ПИНЯСОВ Г. Серӱжа кутас овны. Висьт. 3.
ПОПОВ А. Чудь мыльк. Повесть. 7.
ПОПОВ С. Зарни чышьяна ар... Кывбурьяс. 10.
СТАРЦЕВА Л. "Чужӱбӱ ӱгыр дорын...", "Дзырыт лолӱс...", "Эта дзескыткодья
кытшын...", "Мун чожажык...", "Рытӱн тӱлыс увгӱ...". Кывбурьяс. 12.
СТОЛПОВСКИЙ П. Калича нӱдкыв. Асьсӱ кӱмӱдӱс. "Урӱсмӱм" груша.
Висьтьяс. 5.
ТИМИН В. Эжва Перымса зонка. Повесть. 1. Ме пукала ӱтнам и казьятыла
важсӱ. Кывбурьяс. 6. Руба чышьян. Висьт. 8. Вьль кывбурьяс. 12.
ТИМУШЕВ Э. Ывлаыс ымралӱ нора. Кывбурьяс. 4.
ТОРОПОВ И. Вошӱм гортӱ мунаун туйсы. Роман. 8-12.
ТРЕТЬЯКОВ В. Ус пӱв. Кыйсысылӱн секрет. Мегӱ да кычи. Висьтьяс. 10.
ТУЕВА Л. "О, Енмӱй..." "Ме кӱсъя лоны...". Кывбурьяс. 7.
УЛЬЯНОВ А. Олӱм лӱсасьяс. Висьт. 6.


- УЛЯШЕВ В. Баба гожом. Мед и пышйоны вояс. Вежалунё. Кывбурьяс. 1. Позьё
вежавны. Томось вöлим. Кывбурьяс. 5. Выль кывбурьяс. 8.
ШАХОВ Б. Овлісны-ыввлісны. Роман. 2; 3; 4; 5.
ШИРЯЕВ В. Князь ныв. Повесть. 12.
ШОМЫСОВА А. Вуджор. Еджыд дөрөм. Зарава кодь. Кывбурьяс. 7.
ЩУКИН Н. Ен дінö сибодчан буркывьяс. Кывбурьяс. 2. Тэн овны водзö. Вой-
выв — менам сьёлөмшөр. "Меным, йöзлөн висьöмыс...". Кывбурьяс. 8.
ЮШКОВ Г. Ворсанторьяс. 4; 5.

Публицистика

- БЫЗОВА В. Паскыда нимöдис комиöс. 3.
ИГНАТОВ М. Гижасьöны важ олөм туялысьяс. 12.
ИГУШЕВ Е. "Мый лоны — лоёма, но сійö кольёма". 3.
КОЗЛОВ Н. Нюжд китö бать-мамтöмлы. 3. Муодз копыр, учитель. Очерк. 7.
КОЛАРЗ В. Из шом перьян колония. 7.
КОСТРОМИНА И. "Казаньса нимтөм ёрт". 7.
КОЮШЕВ И. Öтка овмөс бөр оз вужьясь. 9.
КРАСОВ А. Зарни Ань. 11.
КУЗНЕЦОВА Т. "И вунöдан нимтö ассыд...". 8. Мөвпалö, уджалö, гижö. 10.
КУНГИН В. Печораті бурлакалөм. Пармаын. "Пантазья". Синтөм вузасьсыяс.
Купеч А. М. Сибиряков. 4.
КУРАТОВ А. Олөм йывсысь-ö гижад? 11.
ЛАТЫШЕВА В. Чуймөдана кузь вөт. 6.
МАЛЬХИНА А. Öти вичко олөмысь. 10.
ПАНОКОВ А. Рекмылас-ö вина штоп... 11. Пошта вааян лунö. 12.
ПАРШУКОВ В. Мудзлун эз тöдлы. 5.
ПЕТРУНЕВ А. Чужан муын — ковтөмөсь. 2. Сиктын петалас-ö шондi? 6.
"Прөстөй йöз" пөвстысь. 7. Ёнмысь йитөдьясь. 11.
ПЛОСКОВ И. Туяліс и коми му. 10.
ПЛОСКОВА М. Эсьяс да эшьяс. 6.
РАКИН А. Вöлі кыв туялысьөн. 9.
РОЧЕВ Е. Ылысь аддзыліс. 10.
СЕЛЬКОВ П. Чуکلөм гөра. 1. Торö гөрö, Сель кодзö, Ярö пиняйтö. 10.
СИЛИН В. Комиö — дзик öтчыдысь. 7.
СОЛОВЬЕВ В. Коми йылысь медводдза этнографической гижöд. 1.
СТЕПАНОВ В. Перемса лыддысьсысянь. 11.
СУРКОВ Н. Салдат семьяяслань чужөмбанөн. 2. Сарлөн милөстөн. 11.
ТОРЛОПОВ Г. Тима Веньлөн письмөяс. 1. Д. Р. Фокош-Фуксөн чукөртөм коми
фольклор. 3. Нöшта öти письмөасьöм. 9. Письмөасьöны гижысьяс. 11.
ШАБАЕВ Ю., ЦЫПАНОВ Е. Саридзын дяс моз... 11.
ШЕРГИНА А. "Эзысь лысвайн дзирдалысь асыв". 5.
ЮГОВ С. Став олөмсö — коми книгалы. 4.

Ссыланкывьяс

- БУШЕНЕВ П., СКОМОРОКОВ М. Ёль. 1.
ТЮРНИН Н., ТЮРНИН Б. Ассыд шогтö пальöд, öлөд... 12.



*Журналын йөзöдтөм гижөдьяс
редакция оз рецензируют и авторыслы найöс оз мөдöд*

И. о. техн. редактора **А. Одинцов.**

Корректор **Е. Панюкова.**

Адрес редакции: 167610, г. Сыктывкар, Дом печати, комн. 26
Телефоны редакции: 42-47-52 (гл. редактор), 42-51-52 (отв. секретарь).

Сдано в набор 30.10.98. Подписано к печати 21.12.98. Формат 70X108¹/₁₆. Печать офсетная.
Усл. печ. л. 7; усл. кр.-отт. 5,64; учетно-изд. л. 7,54. Тираж 1376. Заказ № 4464.
Регистр. № Ф0095.

АО «Коми республиканская типография», 167610, г. Сыктывкар, ул. Первомайская, 70.

Ассыд шогтö пальöд, öлөд...

Кывъясыс Н. Тюринлөн

Сылааногыс Б. Тюринлөн.

Тэрмасьтөт

Умереннөя

— Ö-шинь сайын син-ва кысь-тö кольöдчигмоз
жу-гиль ар. Öт-ка льöм пу
гаж-төм вись-төн юксьö мекöд-быд-сөн жаль.
быд-сөн жаль. ным оз
-кус.

Öшинь сайын синва кысьтö
Кольöдчигмоз жугиль ар.
Öтка льöм пу гажтөм висьтөн
Юксьö мекöд — быдсөн жаль.

Вай эн майшась, воас тулыс,
Бара ныв кодь лоан тэ.
Лым кодь дзоридз чукөр муыс
Козьналас на выльысь тэд.

Ассыд шогтö пальöд, öлөд,
Көть и төлыс лоас кузь.
Төд, мый öти арөн-төлөн
Миян олөмным оз кус.

Индекс 73069

Доныс сёрнитчём серти.